

RELECTIONES HYEMALES,

DE RATIONE

& Methodo legendi

utrasq; Historias,

CIVILES ET ECCLESIASTICAS.

Quibus Historici probatissimi, non solum ordine quo sunt legendi catenatim recensentur, sed doctorum etiam virorum de singulis judicia subnectuntur.

Nec non

Vnde singulorum in Historia vel brevitatis dilataris, vel defectus suppleri, vel perplexitas expediri; vel mutilationes deniq; temporum injuriâ factæ resarciri possint, indicatur.

Lib. Jo. Nicholas Coll.

Reg. Oxon. 1641

à D. W. prælect. CAMDENIANO.

OXONIÆ,

Excudebat L. LICHFIELD,

Impensis H. Curteyne.

M.DC.XXXVII.

ALL INFORMATION

CONTAINED HEREIN

IS UNCLASSIFIED

DATE 10/10/01 BY 6032

REASON: 25X

DATE 10/10/01 BY 6032

REASON: 25X

DATE 10/10/01 BY 6032

REASON: 25X

DATE 10/10/01 BY 6032

REASON: 25X

DATE 10/10/01 BY 6032

REASON: 25X

DATE 10/10/01 BY 6032

REASON: 25X

DATE 10/10/01 BY 6032

REASON: 25X

DATE 10/10/01 BY 6032

REASON: 25X

DATE 10/10/01 BY 6032

REASON: 25X

DATE 10/10/01 BY 6032

REASON: 25X



CLARISSIMIS
CELEBERRIMÆ
OXONIENSIS

Academiæ Luminibus,

D^o DOCTORI BAYLIE
PROCANCELLARIO

Ceterisq₃

COLLEGIORVM

& AULARUM Præfectis,

Viris mihi plurimum

Venerandis.

L. M. D. C. Q.

ITA sine fuco, palàm
profiteor (viri mihi plu-
rimum venerandi) vo-
bis, Relectiones istas, lubens
merito, dico confecroq₃. Neq₃ ut
id faciam, unâ simplici adducor
ratione.

Epistola

ratione. Seu vos contemplor, seu
tenuem hanc opellam, seu meip-
sum deniq³. Vos enim, uti erudi-
tione ac virtute multipliciter; ita
dignitate atq³ auctoritate emi-
nenter polletis. A dignitatis ve-
stræ splendore, huic opusculo stri-
cturam luminis aliquam mutu-
andam putavi: ab auctoritate,
vestrâ, patrocinium ac tutelam
implorandam. Deindè; vobis po-
tissimum, ac vestræ inspectioni
concredita est Ecclesiæ Reique
publicæ, spes florens proxima,
Iuventus Academica. Ejus au-
tem cum-primis utilitati, bonoq³
communi, à me hic velificatum
sedulò, præ me fero. Quam dex-
trè vestrum erit arbitrari. Po-
stremò;

Dedicatoria

stremò; quemadmodum vos, per-
vigili curâ sollerter prospicitis,
ut eadem Iuventus optimis in ar-
tibus moribusq̃, magis indies
crescat & vigescat: ita & nos,
quotquot hoc in circo bonarû lite-
rarum professorio desudamus, in
id ipsum quoq̃ toto pectore in-
cumbimus. Quid hâc ex parte
mea conata sit industria, ecce vo-
bis specimen. Exile (fateor) ac
levidense: sed maioris (auguror)
momenti censebitur, quòd vestra
in frontispicio præclara gèstet
nomina. Neq̃ enim dubitare pos-
sum, quin & acrius animos Iu-
ventutis feriat, promptiusq̃ fi-
dem inveniat, quicquid hic elu-
cubraverim; ubi vestrâ auctori-

* 3

tate

Epistola

tate munitum vestroq; calculo
comprobatum in apricum perve-
nerit.

Iam verò, oculos in meipsum
convertenti, si quid hinc vobis
accesserit honorificentiae, id, (ut
cum Symmacho loquar) à me
solutum videtur esse magis quam
præstitum. Quis enim vestrum
est omnium, cui ego me nomini-
bus obstrictum gravissimis, non
libens agnoscam? vel beneficen-
tiae, vel benevolentiae, vel huma-
nitatis? nonnullis etiam hisce u-
niversis. Nec eos tantum puto,
quorum amicitia ac familiarita-
te, sub ipso ætatis flore cæptâ, ad
hanc usque canitiem, usus fre-
tusque sum conjunctissimâ; sed
alios

Dedicatoria.

alios etiam plures: etiam eos,
quos merita sua, & excellens
virtus ac doctrina, ad sublimio-
res in Ecclesia dignitates pro-
vexerunt. Quorum oppidò pro-
pensam in me voluntatem & ad-
fectum, certis, expressisque in-
diciis, haud semel cognovi, aut
rarò expertus sum. Quid comi-
tatem humanitatemq; erga me
vestram omnium loquar, obvi-
am, expositam, planè singularem?
quam tum praesertim intellexi,
postquam in vestrum ordinem
adscriptus, homo inferioris sub-
sellii, nullius aestimii, nec doctri-
nae insignibus, nec famâ aut me-
ritis cum vestrum minimis com-
parandus, sensi tamen, (quod
tacito

Epistola

tacito quidem sinu mecum gavisus sum) sensi inquam, me non fastiditum: nec meam pullam præ vestra purpura despiciatui habitam. Scilicet (cum Romano Sapiente illo) vos, colorem vestium non adspicitis, oculis de homine non creditis. Sed nec ex subsellii humilitate quenquam deprecia-
tis, aut ex fastigio solo (quod vulgus indoctum solet) æstimandum putatis. Melius certiusque lumen sequimini. Defæcatos mores atq; interna illa animi bona, magis spectatis. Mañti estote (vir clarissimi) hæc iudiciorum & adfectuum sinceritate, & (quæ inde fluunt) morum concordie suavitate, animorum benignitate,
affa-

Dedicatoria.

affabilitate sermonum; quibus,
& auctoritatis amplitudinem,
& graduum sublimitatem, dig-
nitatumq; vestrarum fastigium,
ita eleganter & prudenter con-
ditis, ut hinc potius quam ab ip-
sa sacrâ quâ fulgenter splendetis
purpurâ, verè venerabiles audi-
atis. Hisce permotus rationibus
(viri undequaq; doctissimi) lu-
cubrationum mearum hoc tenue
libamentum, vobis inscripsi: si-
mul ut obnoxiae meae voluntatis
pignus aliquod extaret; atque i-
ta demum quam merito debiti,
tam libenter vobis præstiti cul-
tus & obsequii monumentum.
Salvè agite, (viri mihi pluri-
mum venerandi) meque (quod
facitis

Epistola
facitis) favore vestro (si mere-
ar) porrò prosequimini.

Ab Aula Glocestrensi
Kal. Iul. 1637.

DD. VV.

Cultor observantissimus

DEGOREVS WHEAR



RELECTIONVM CONSPECTVS.

ANTELOGII.

Occasio harum Relectionū. Item exempla.

*Scopus Publica utilitas. Haud temerè
tamen publicanda. Scripturientium hu-
jus ævi præfidentia perstringitur. Mo-
destia suadetur, exemplo Plinii Secun-
di. Mos antiquus recitandi apprimè uti-
lis. Et quomodo. Hoc ævo optabilis. Sapi-
entibus gratissimus. Non ostentationis,
sed modestiæ potius argumentum. Vi-
va vox. Quo præstet auditio lectioni.
Historiæ definitio, finis, divisio, species.*

PARTIS PRIMÆ Sectiones & Lemmata.

SECT. I.

*Ad fructuosam Historiarum Lectionem
tria requiruntur. Indè tres hujus dis-
cer-*

Relectionum

sertationis partes proponuntur.

SECT. 2.

Historicorum series qualis instituenda. Quomodo ordinanda. Temporum intervalla tria observanda. Epocha quid. Quotuplex. Cataclysmi. Quibus temporibus inciderint. Intervallum ἀδελφον. μυστικόν. Olympiades. Intervallum Historicum.

SECT. 3.

Summorum Imperiorum series & successio. Fatalis perhibetur. Quadruplex eminenter probatur. Medorum & Persarum unicum Imperium asseritur. Singula Prophetarum oraculis premonstrata. Summorum appellatio, frustra à Bodino cavillata. Romanum omnium maximum Imperium.

SECT. 4.

Assyrio. Chaldaici Imperii institutio ac duratio. Item Medo-Persici, inde Graciani. Romani Imperii initium ante Iul. Caesarem. Inde ad Carolum M. quot anni intercesserint. Deniq; ad Carolum V.

SECT. 5.

Quatuor isthac imperia quare dicebantur Summa.

Señ

conſpectus.

SECT. 6.

*Historiarum lectio undè auſpicanda. Epi-
tomæ iuſtæ non penitus dampnanda. Sy-
nopsis Historiarum. Chronologi, Alia
etiam compendia nominatim commen-
dantur. Qui deniq; Auctores præcipuè
circa univerſalem Historiam ſint con-
ſulendi. Raulaus inter præcipuos. Sed
Historia Biblica omnium prima & pri-
mo ediscenda.*

SECT. 7.

*Aſſyrio-Chaldaica undè petenda Historia.
De Beroſo, Cteſia, Megasthene, co-
rumq; ſuppoſitiſ Scriptis. Ad Joſe-
phum potius in eorum defectu recur-
rendum. In Diodoro Siculo magna ja-
ctura aliundè ſarcienda. Præſertim
ex Joſepho & Historia prophetica. Dio-
genes Laertius laudatur.*

SECT. 8.

*Herodotus unde ſuam inchoaverit Histo-
riam, ubiq; deferit. Eius laus; quo tem-
pore floruerit. Secunda Monarchia ini-
tium. Argumenta ſingulorum libro-
rum Herodoti recensentur. Maſarum
nomina cur eis impoſita. Contra Lud.
Vivem excuſatur. Ex quibus Aucto-
ribus locupletior vel etiam illuſtrior
fieri*

Relectionum

fieri possit eius Historia.

SECT. 9.

De Thucydide. Ejus elogia. Unde & quousq; deducat Historiam suam, quam octo libris complexus est. Eorum argumenta breviter & singulatim explicantur: quinam Auctores de iisdem temporibus ac bellis cum Thucydide scripserint indicatur.

SECT. 10.

De Xenophonte. Landes eius & elogia. Quando & quo ordine legendus. Quadraginta octo annorum Historiam dedit. Quam ex Plutarcho, Justino, Diodoro Siculo amplificare licet.

SECT. 11.

Diodori Siculi pulcherrimum elogium. Historiam scripturus varias regiones peragravit. Xenophonteam continuat Historiam lib. 15. circa finem. Inde Philippi Maced. res gestas narrat. l. 16. Mox ad Alexandrum M. pergit, & Tertia Monarchia institutionem describit.

SECT. 12.

Alexandri M. res gestas varii scriptores exequuti sunt. Arrianus & Q. Curtius. Eorum elogia. Quo tempore flourerint.

Conspectus.

vuerint. Successores Alexandri prosequitur Diodorus. Cui utiles suppetias alii Auctores ferre possunt.

SECT. 13.

Polybius ubi legendus. Quorum temporum historiam scripserit. Quomodo animum ad scribendum appulerit. Quantum vir fuerit. Quibus elogiis celebratus. Eius Historia pars maxima periit, aut in fragmenta dissipatur. Librorum superstitem contenta.

SECT. 14.

De quarta Monarchia Romanorum. Ad eius Historiam transitio. Utriusque laudes. Historicorum Romanorum fata deplorantur.

SECT. 15.

Romanae Historiae cursus unde auspicandus. L. Annaeus Florus commendatur. Doctorum de eo iudicia. Non est idem cum Livii Epitomae. Eius hallucinationes excusantur. Eius scribendi Methodus. Unde errores verosimiliter irrepperint. Sigonii & Onuphrii Fasti Consulares, item Pighii Annales laudantur.

SECT. 16.

In lectione Romanae Historiae quo ordine
per

Relectionum

pergendum. Dionysius Halycarnass. laudatur. Historia eius, quot annorum seriem contineat. Cur ei principem locum tribuamus ratio redditur, & ex I. Boudino confirmatur.

SECT. 17.

T. Livius abundè, nec immeritò, laudatur. Quo tempore vixerit. Quot libros scripserit. Eorum divisio unde. Quo ordine legendi. Quomodo eorum Historia vel amplificanda, vel in defectu supplenda. Plutarchi laudes & Elogia.

SECT. 18.

T. Livii Decas Secunda, h. e. à libro 10. ad 21. tota interiit. Quomodo, & undè ea Historia suppleri possit. Appianus Alexandrinus. De eo quid censeant viri doctissimi.

SECT. 19.

Ad reliquos viginti quinque libros T. Livii ubi pergendum. Eorum Historiam quinam alii Auctores confirmare aut illustrare possint. Decades novem posteriores cum dimidia prorsus desiderantur. Unde resarcienda earum jactura. Salustii Historia laudatur. Item Caesaris Commentarii, ab eruditis prisce ævi, juxta & modernis.

SECT.

conſpectus.

SECT. 20.

De Dione Caſſio & ejus Historia. Quot
libros ſcripſerit. Eorum quot perierint
& quantâ jactura. Inter optimos Scri-
ptores quam merito cenſendus Velleius
Paterculus. Ejus virtutes indicantur.
Sed & naui non diſſimulantur. Ad
Caſariorum temporum Scriptores tran-
ſitur.

SECT. 21.

Historia Caſarum à Suetonio & Tacito
primò petenda. De utroq; præclara do-
ctiſſimorum virorum teſtimonia. Circa
Tacitum variant celeberrimorum Cri-
ticorum judicia, ne dicam pugnant. Et
Suetonio & Tacito lux à Dione Caſſio.

SECT. 22.

Quomodo ad alios Historia Auguſtæ
Scriptores tranſeundum. v. z. Spartia-
num, Capitolinum, Vulcatium, & reli-
quos non leviter æſtimandos Auctores.
Juſti Lipſii de his judicium, item Caſau-
boni. Herodianus ſuo loco cum ſuperi-
oribus legendus. Quouſq; in Historia
proceſſerint iſti: quos inter, Aurelius
Victor, & Pomponius Laetus meritò
admittendi.

Relectionum

SECT. 23.

Post Constantium Chlorum, uti & paulo ante, Historia nonnihil perturbata videtur: præsertim apud Latinos Scriptores. Eusebius, Zosimus, Zonaras, explicationem reddere possunt. De Zosimo & Zonara eorumq; scriptis; item de Iornande, Ammianus Marcellinus hic locum habet. Lipsii & Balduini Isti de eo censura.

SECT. 24.

Historia Miscella Diaconi, item Iornandes de Rebus Geticis, necnon Procopius & Agathias suum hic locum habere possunt. Vel si placeat Zonara Tomus Tertius. Quem sequatur Nicetas Choniates. Tum Nicephorus Gregoras. Aut si prolixum nimis id videatur; post Zosimum, Blondus Forliuiensis legi potest. Vel aliter post Vopiscum Sigonii Historia Occidentalis admitti potest. Inde ad 7 vel 8 lib. primæ Decadis Blondi pergat Lector.

SECT. 25.

Breviorem adhuc Historia cursum, ab initio Cesarum ad hoc usq; seculum Lectori suppeditabunt, Iohannes Cassimianus, Paulus Iovius & Augustus Thuanus.

Sect

Conspectus.

SECT. 26.

Particularium Historiarum Scriptores quidam lectu dignissimi recensentur. Guicciardinus. Paulus Amilius. Philippus Comineus. Quorum egregia memorantur elogia. Meteranius, Chromerus, Bembus.

SECT. 27.

Ad Historiam Britannicam transitio, Quomodo ad eam legendam Lector se accingat. Quo ordine in ea pergendum. Camdeni Britannia, & Seldeni Analecta primò legenda. Georgii Lyllii Chronicon. Historie Britannicæ compendium.

SECT. 28.

Gulielmus Malmesburiensis. Savilii de eo iudicium, Item Camdeni. Undè Historiam inceperit, & quousq; progressus sit. Galfredus Monumethensis quare prætermittendus. Super ejus Historia censura Neubrigensis, Iohannis Wichamsted, Balei & Iohannis Twini. A quibus omnibus dissentit Virunnius. Malmesberiensem sequatur Huntingdoniensis, eum Hovendenus.

SECT. 29.

Afferii Menevensis Historia laudatur.
* * * Cum

Relectionum

*Cum superioribus quo tempore legenda
Item Eadmeri Historia novorum. Ma-
thæ Parisiensis. De eo Baronii indi-
cium. Thomæ Walsinghami Chronica.
Gesta Regis Stephani ab Anonymo, &
vita Edwardi II. à Thoma Dela Moore
scripta, suo tempore interponenda.*

SECT. 30.

*Walsinghami Hypodigma Neustria, & re-
rum Normannicarum Scriptores haud
insuper habendi. Eos inter, Oldoricus
Vitalis præcipue nota. Ab Henrico V.
ad Richardum III. Historia à Polydo-
ro Virgilio petenda. De quo, nobilif-
simi Savillii nostri iudicium animad-
vertendum. Richardum III. descripsit
Thomas Morus, Eques Auratus &
Angliæ Cancellarius. Henricum VII.
Vice-Comes Saltalbanus. Henrici
VIII. Edwardi VI. Et Mariæ Regi-
næ Annales, Fr. Godwinus Landavensis
Episcopus litcris consignavit. Sicuti
Gulielmus Camdenus Elizabethæ.*

SECT. 31.

*Etsi nostratis Historia corpus integrum
pro rei dignitate concinnatum Latine
nondum habeamus, Anglice tamen qui
id multa cum laude præstiterunt habemus*

Conspectus.

mus; Iohannis Speedæi, Theatrum Britannici Imperii oppidò illustre, à nostris adolescentibus imprimis contemplandū. Prasertim ab iis qui regiones exoticas visere cogitant.

SECT. 32.

Ad Historiam Ecclesiasticam transitio.

Eā tractare cui imprimis convenit. Duo (in genere) temporum intervalla respicienda. Historiam primi intervalli Sacra Biblia continent. Cum iis Iosephi Antiquitates Judaica legantur. De Iosepho doctissimorum virorum iudicia. Hegesippus ille pseudepigraphus, Auctor haud penitus reiiciendus. Quo sensu utilis & laude dignus. Sulpitii Severi Historia Sacra, meritissimò hic Lectori commendatur.

SECT. 33.

Secundi intervalli (h.e. Ecclesie Christiane) Historia, primo ab Evangelistis & aliis Novi Instrumenti libris, ubi eius incunabula narrantur haurienda est. Qui porro aliquam partem eius infantie aut pueritii descripserint, vix ulli extant: circumferuntur nonnulli qui iisdem temporibus vixisse perhibentur & primorum Martyrum certamina descripsisse,

Relectionum

*sed à doctis supposititii, quòd fabulis sca-
teant aestimati. Ei vitio Recentiorum
aliquot obnoxios fatetur Baronius. 7-
dem Vives conqueritur & Melchior
Canus. Item veteres nonnulli. Ideoq;
Ecclesiæ Historia cum cura legēda. Ni-
mia tamen incredulitas vitanda, in le-
ctione Historiarum quales esse debea-
mus. Antiquissimi & priores recentio-
ribus præponendi.*

SECT. 34.

*Fertio demum seculo, florente Ecclesia flo-
rescere cœpit Historia. Eusebius Pam-
phili inter Ecclesiæ Historicos princeps.
In libris de vita Constantini Xenophon-
is æmulus. Multa ab eo scripta periēre.
Eius auctoritas vindicatur. Quousq;
Historia Eusebii procedat. De Ruffino
Scaligeri iudicium. Tripartita Historia.
Panegyrici Eusebiani lectio commen-
datur.*

SECT. 35.

*Socrates quo tempore vixerit, unde &
quousq; Historiā perduxerit: item The-
odoretus quid quoq; libro complexus
sit. Photii de eo censura. Sozomenus Sa-
laminus, novem libris historiam conti-
nuat ad Ann. Chr. 423. D. Gregorii
locus*

Conspectus.

locus adversus Sozomenum expenditur. Eiq; respondetur. Sozomeni Candor, de eo Evagrii testimonium. Tripartitam Historiam sequitur Evagrius eamq; continuat, ad ann. 527. Theophilactus Simocattus inde ad An. 601.

SECT. 36.

Seculo septimo, & duobus vel tribus id sequentibus, qui Historiam Ecclesie pro dignitate tractaverint rarissimi. Sanctorum Legende. Miraculorum & mirabiliorum Oceanus. Portenti-loquiorum & ignorantia tempora.

SECT 37.

Nicephorus Constantinopolitanus, Simocattum sequi potest. Nicephorus Callistus erroribus plenus. Georgius Credeus. De eo Scaligeri & Vossii censura.

SECT. 38.

Zonara Tertius Tomus lectori commendatur, Historiam ad Ann. 1118. Anna Comnena Alexiada. Egregia illius Heroina laudes.

SECT. 39.

Nicetas & Acominatus Zonaram immediate sequitur. Nicetam Gregoras. In hoc censu quare ponantur. Lipsii de eorum Vtroq; iudicium. Gregora fides in dubi-

Relectionum

um vocatur. Iohannes Cantacuzenus hoc loco à doctissimo Vossio lectoribus commendatur. Superioribus subsequatur Laonicus Calcochondylas.

SECT. 40.

Blondus Foroliviensis Orientalium Scriptorum defectum in Historia Ecclesiae supplere potest, unà cum aliis. Sigebertus Gemblacensis. De eo sententia Card. Bellarmini. Sigebertum continuat Robertus Abbas, ad ann. 1210. Chronicon Hirshavense, ad Ann. 1370. Et Paraleipomena ei Chronico adjuncta ad seculum proximè elapsum. Gobelini Persona Cosmodromiam. Ubi & quando legendum. Ejus laus. Loco Cosmodromii legi potest Alberti Crantzii Metropolis, in quam multa è Gobelino congesta. & Historia à Caroli M. temporibus ad Ann. 1504. perducta. Potest etiam Nauclerus horum vicem supplere. Et ut repetitiones vitet Lector, incipiat à mediis generationibus Tomi Secundi. Ioh. Sleidanus Commentarios Ecclesiasticos scripsit ab Ann. 1517 ad Ann. 1556. quos continuavit Caspar Lundorpius ad Ann. 1609.

Sect.

conſpectus.

SECT. 41.

Venerabilis Beda & Uſuardus minimè prætereundi, neq; Pontificum Rom. vi-
tarum Scriptores. Anastasius Biblioth.
Barptolomæus Platina; eorum inſignia
elogia. Platinam recensuit Onuphrius,
& continuavit ad An. 1566. Sigonius
quoq; ſuis Hiſtoriis res Eccleſiæ inter-
texuit, & in hoc cenſu numerari mere-
tur. Sigonii & Onuphrii elogia.

SECT. 42.

Centuriatores Magdeburgici opus in hoc
genere per quam utile ediderunt. Rev.
Epiſcopi Ciceſtriensis de eo iudicium.
Quid in eo laudabile contineatur. Fun-
damentum ejus probè locatum. Mate-
ries ad ſtructuram unde collecta. Deſe-
ctuum excuſatio.

SECT. 43.

Centuriatores erroribus obnoxios docet e-
ruditiſſimus & Reverend. Ciceſtrenſis.
Cauſabonus agnoſcit. Opus ipſum ta-
men valdè utile eſſe oſtendit idem Reve-
rend. Antiſtes.

SECT. 44.

Baronii Annales Centuriis pares. Opus
planè ſtupendum. Cauſaboni de eo iudi-
cium, item Reverend. Præſulis Ciceſtr.
Annales

Relectionum.

*Annales isti cantè legendi quare. Spon-
danus Iesuita eorum Epitomator.*

SECT. 45.

*Priores centurias Magdeburgicas octo
compendi fecit Lucas Osiander, nec innu-
tiliter. Ab octava ad decimam sextam
transiit. Eius res meritò fusius tractat.
Ad hanc centuriam pertinet Historia
Concilii Tridentini. Istius operis atque
etiam Auctoris encomia. Iac. August.
Thuanus accurate suæ Historiæ res eti-
am Ecclesiasticas interseruit, ab Ann.
1546. ad An. 1608. inde continuatur
Historia ad An. 1618.*

P A R.

PARTIS SECUNDÆ

Sectiones & Lemmata.

SECT. 1.

*Iuvenis uti moralis Philosophiæ auditor
ita & Historiarum Lector minus idoneus
putandus. Quæ requirantur ad utrumq.
Finis & scopus lectionis. Doctissimi Vos-
sii & Keckermanni circa hanc questio-
nem sententiæ discrepantes.*

SECT. 2.

*Keckermanni sententiæ defenditur. Lin-
guæ absq. præceptis haud optimè dis-
cuntur. Linguarum atq. actionum lon-
gè diversa ratio. Philosophia practica
tam legenti Historias quam scribenti
requiritur. Vbertus Folietta, Sebastia-
nus Foxius, Viperanus ab hac parte sta-
re videntur. Etiam doctissimus Vossius
argumenta subministrat non infirma.*

SECT. 3.

*Tertium doctiss. Vossii argumentum con-
tra Keckermannum haud satis firmum
videtur. Nuda rei geste cognitio Le-
ctori cordato non sufficit. Id ex Ludov.*

Vive

Relectionum

Vive, Dion. Halicarnasseo & ipso Vossio probatur. Puerorum & virorum in artibus versatorum, lectio Historiarum valde diversa.

SECT. 4.

Argumentum à Quintiliano mutuatum expenditur eiꝯ, respondetur.

SECT. 5.

Simonis Grynai sententia hac ex parte probatur. Quis sit idoneus Lector fasius ostenditur. Philosophiæ practicae gustum saltem habeat, requiritur. Item Chronologia, & Geographia, Historiæ oculorum. Artium deniqꝯ, aliarum cognitio aliqualis necessaria.

PAR.

PARTIS TERTIÆ

Sectiones & Lemmata.

SECT. I.

*Caput ultimum tractandum proponitur.
Concilium Lud. vivis, Circa ea quæ
sunt in Historiarum lectione notanda.
Augusti Caesaris mos in legendis Hi-
storiis. Quæ reperiuntur apud Histori-
cos observanda, & ad quid conducant.*

SECT. 2.

*Duo excerpenderum genera. Philologica,
Philosophica: sub utrisq; species qua-
nam contineantur: quomodo singula sint
disponenda, & quis inde fructus osten-
ditur. Locorum Communium formulas
multiscripserunt.*

SECT. 3.

*Modus excerpendi, & in usum transfe-
rendi varius indicatur, ex Annæo Se-
neca.*

SECT. 4.

*Modus excerpendi exemplis illustratur.
Primo Philologicis ex Vell. Paterculo.
Magnorum virorum ortus & obitus
notandi*

Relectionum

Notandi. Majoris Catonis triplex Elogium. Ejus obitus. Circa etatem ejus dissentio. Odium ejus adversus Carthaginem. Urbis Corinthi conditus, Duratio. Aerum fatale urbibus evertendis. Cognominum ratio an iqua. Civium Rom. discrimen. Observationes Criticae sub philologicis. Scipio non fautor tantum sed & auctor (contra Lips.) omnis doctrina non inepte dici potuit. Ejus praconia. Otium duplex. Dispingere quid, & unde dictum; expuncta etiam quae dicantur. Exemplum ex Tacito. Primores Civitatis. Optimates, nobilium optimi, principes qui dicti. Consules, Exconsules, Expratores &c. Senatorum distinctio. Patricii, Conscripti, Pedarii unde dicti.

S E C T. 5.

In Philosophicis quae ratio tenenda. Exemplo Herodoti, Polybii & aliorum Historicorum. Duplex usus exemplorum. I. Lipsius, Io. à Chokier, & R. Dallington nostras Historiarum & exemplorum usum luculenter indicarunt. Specimen unum atq; alterum à nobis subjicitur. Ex L. Floro, Iustino. Herodoto Romuli & Remi Historiam veram supponit Augusti.

Conspectus.

Augustinus. Quis inde usus. Camilli & Fabricii fides, atq; inde axiomata. Xerxis ingens apparatus bellicus, ejusq; expeditionis successus quid nos doceant. Confirmatur Darii ultimi exemplo. Caligulae, Neronis, ac Valentiniani exemplis ostenditur malignitas philantiae, invidia ac livoris. Polybius frequens in Historiarum usibus.

SECT. 6.

Christiani Ethnicorum exemplis utiliter instrui possunt: & non in virtute morali tantum, sed in actibus etiam pietatis ac vitae Christianae promoveri. Id docetur ex D. Augustino. D. Hieronymo & aliis. Talia imitationum praecepta ab Ethnicis quoq; nonnullis adimpleta. Quos deniq; eleganter expressit D. Ambrosius.

SECT. 7.

Fructus uberiores atq; etiam praestantiores ab Ecclesiae Historia. Ethnicorum bona opera, splendida peccata. Ethnica Historia secundam tantum Decalogi tabulam illustrat: Ecclesiastica totam Legem. In illâ virtutum simulachra: in hac verae virtutes leguntur. In illâ jucunda quidem cognitum & utilia; in hac etiam necessa-

Relectionum

*cessaria memorantur: inde hortatione
ad sedulam Ecclesiasticae Historie le-
ctionem, dissertatio concluditur.*



ANTELOGIVM AD AUDITORES HIST.

Occasio harum Relectionum. item exempla. Scopus publica utilitas. hand temerè tamen publicanda. Scripturientium huius ævi præfidentia perstringitur. Modestia suadetur, exemplo Plinii Secundi. Mos antiquus recitandi apprimè utilis. & quomodo. hoc ævo optabilis. sapientibus gratissimus. Non ostentationis, sed modestiæ potius argumentum. Viva vox. Quo præstet auditio lectioni. Historiæ definitio, finis, divisio, species.

ANNORVM lustra jam facta sunt duo, (spectatiss. Academici) & si rectè calculum pono, menses aliquot amplius; ex quo, de ratione & Methodo legendi Historias,

storias, dissertatio hoc ipso é suggesto, non infrequente circumstante Coronâ, a me habita fuit. Indè paulo post, meditationes illas primas, quales-quales ut evulgarem, & publica luce donarem, ex iis qui tunc-auditores fuissent nonnulli, importunâ quâdam flagitatione mihi extorserunt. Easdem verò nuper, alii quidam amicorum, & ipsi non ineruditi, ut sub incudem denuò revocarem, vehementer hortati sunt. Quod a me ut impetrarent adhuc instant, urgent, inculcant: priora exempla ab aliquot retrò annis omnino defecisse; haud parum à plurimis iterum desiderari: novam editionem rem gratissimam, juxta & utilissimam studiosæ juventuti fore, idque neutiquam ambigendum. Postremò, sunt inter eos qui hac tempestate aurium operam mihi prebere sæpius dignantur, nonnulli, quos aliquoties impensius optantes audivi, ut relectiones super eodem subiecto publicas instituerem, easque postea (si ita visum foret) cum literata plebe communicarem & in lucem proferrem. Adnui tandem, votis utrorumque, pro viribus facere satis: quamvis propriæ voluntati, nedum iudicio, idem vix aut ne vix quidem facere possim.

Priores

ANTELOGIVM.

3

priores igitur meditationes illas, novis cogitationibus auctas, nec non alicubi emendatas, proximis lectionibus, vobis (Auditores) propitiantes Deo, repræsentare animus est; ita inquam, novis cogitationibus auctas, & cum curâ emendatas; ne fortassè vestrûm quispiam, vulgatum illud Satyrici mihi obvertat;

*Occidit miseros crambere repetita
magistros.*

*Juven. Sat.
7.*

Et tamen, dum vos cogito; quid si per omnia easdem ipsas, plane nudèque proponerem? quotusquisque vestrûm qui nunc dierum hæc subsellia occupare soletis, non dicam ab ore meo eas auribus exceperit, sed vel scriptis mandatas, uspiam oculis usurpaverit? Nemo hercule; nemo: vel duo, vel nemo; & qui de iis fando inaudiverint, haud multò plures (inter vos) esse auguror. Porro, ante editas concedamus; dummodò aliquando, alicubi, aliquanti æstimatas noverimus, cum aliquo fructu etiam a nonnullis lectas, atque ita leviusculâ quâdam commendatione non indignas habitas: cur apud novitios meos quos non ita pridem sortitus sum auditores, plerosque Historiarum sacris nondum initiatos, easdem

Ter. Heaut

Eiseng. ap.
M. Can.

relegere, & retractare, mihi vitio vertetur? nova planè hisce videbuntur, quæ aliis fortasse novata. Neque rem inauditam, aut factum insolens ita faciendo me ausurum arbitremini, *habeo bonorum exemplum, quo exemplo mihi licere id facere, quod illi fecerunt puto.* Obtinuit enim illa olim in tradendis disciplinis laudabilis consuetudo, etiam hodieque obtinet, ut præter quotidianam lectionem, aliquid accuratius elaboratum, Magistri relegerent, quo velut adipe selecto, discipulorum animi vegetati, avidius ad suam quisque professionem allicerentur. Ita Patrum nostrorum memoria, *Franciscus à Victoria*, suas habuit Relectiones Theologicas: *Melchior Canus* ejus discipulus etiam suas: ambo inter Pontificios magni nominis *Theologi*. Recentiori memoria, *Henningus Arnisaus*, clarissimus Philosophus & Medicus suas Relectiones politicas edidit. Sed & alii plures, diversarum professionum, homines docti, suas lucubrationes simili modo repetitas, in mediũ protulerunt. Verùm hisce tãtis quorsum opus defensoribus? quando certam res ipsa sibi fidem & auctoritatem faciat, promptamque defensionem suppeditet? quic-

quicquid enim semel placuerit, si merito id, neque temerè contigisse opinemur, eiusdem haud ingratam repetitionem fore, meritò speremus. *δὲς καὶ τοῖς τὸ καλὸν* vetus est verbum. De præclarâ Poesi etiam *Venusinus* ille vates.

Iudicis argutum quæ non formidat Horat. de
Arte Poët.
acumen,

*Hæc placuit semel, hæc decies repeti-
ta placebit.*

Sed quod de præclarâ poësi *Venusinus* sibi spondet, oppidò nimis hîc præclarum foret, longèque gloriosius, quàm ut ipse in votis haberem. Neq; sanè adeò sum mihi *Suffenus*, aut ineptè *φίλων*, ut meas hæc lucubrationes rudes & impolitas, tali fato dignas putem. Iuvandi quidem certè utilitatem mihi scopum destinavi; eamque, placendi curæ, non hîc modò, sed in universa etiam suscepti muneris executione semper prætuli. Quanquam apud rectas mentes, hæc duo sejungi non oporteat: par enim est & æquum, eadem semper placere, quæ semper prodesse possunt. Qua propter hæc mecum dum reputo, ne tenuem hanc nostram opellam, gratam minùs, parumve acceptam mei

nunc-auditores habituri sint, causam sub-
 verendi nullus video. Quin & amicorum
 quoque (illorum, quos supra dixi, velle
 priores meditationes meas reproduci, &
 à paucis hætenus visas, omnibus exhibe-
 ri) hortatibus ac desideriis obsequendi,
 non deest voluntas; eoque promptior, quo
 fidentiùs de juventute Academica, &
 Historiarum amatoribus, me sic non levi-
 ter promeriturum affirmant. Quorum ju-
 diciis, quasi præ amore non synceris, licet
 haud planè diffidam; cogito tamen seriò
 & frequenter, (cum *Plinio Secundo* e-
 mendatissimo scriptore) *quam sit mag-*
num, dare aliquid in manus hominum; nec
persuadere mihi possum, non & cum multis
& sæpè tractandum, quod placere & sem-
per & omnibus cupias. Hac propter (Aca-
 demici) me non ita pridem statuiffe, dixi,
 meditationes illas diligenter & accuratè
 recognoscere, recognitas parte non con-
 temnenda augere, auctas meis demum
 Auditoribus recitare adeoque exponere;
 neq; sic tamen prius orbi literato sistere,
 quàm ab aliis pluribus, edecumati judicii
 viris, harumque literarum peritis, non
 improbables habitas cognoverim. paucis
 incompertum opinor, nec me quidem la-
 tet,

Lib. 7. ep.

17.

ret, quot & quanta huius atque omnis ævi ingenia abripere soleat, sui suspectus & nimia confidentia. Hanc igitur (Adolescentes) suadeo, tanquam pellem fugiamus omnes, & à nobis procul amandemus. Parcè de nobismet ipsis sentiamus. Nostro pedè ac modulo, nosmet ac nostra metiamur: nec quidquam de nobis magnificentius credamus, quàm cuius revera conscii sumus. Modestia, modestia est, quæ omnem decet ætatem; omnemque ducit recto calle ad solidam gloriam. Sine ea præcipites ferimur; & pro gloria ludibrium hominibus debemus; pro fama dedecus, ignominiam, contemptumque reportamus. Sed ut pergamus; legistis unquam vel audivistis illud *Mimographi*? *Animus vereri qui scit, scit tutò ingredi, vel ut alii legunt, scit tutò aggredi?* dubium mihi non est quin audiveritis: effatum à *ἑσόμεν* credite: sed & monitum quanti-vis pretii, in re militari præsertim: ac reverà non magis verū, in illis militiæ sagatæ (quam vocant) periculis, quam in istis nostræ togatæ & Scholasticæ palæstris. Id quidem probè novit (quem modo nominavi) elegantissimus *Plinius Secundus*: ideòque suo parum fìsus ingenio aliorum

Lib. 5. ep.

13.

Lib. 7. ep.

17.

sæpè judicium consiliumque, imò semper
 requisivit, quoties quid meditatus fuisset
 quod in publicum prodire vellet. audite
 ipsum: *Recitaturus* (inquit) *oratiunculam*,
quam publicare cogito, advocavi aliquos, ut
vereretur paucos, ut verum audirem. Atque
 alibi nullum emendandi genus omitto; ac
 primum quæ scripsi mecum ipse pertracto,
 deinde duobus aut tribus lego, mox aliis
 trado adnotanda, notæque eorum si dubito,
 cum uno rursus aut altero pensito; novissimè
 pluribus recito. Amo hercule, immo veneror
 (politissime *Secunde*) hanc tuam cautam
 modestiam, prudentem hanc ingenii diffidentiam;
 quam examissimè imitari vehementer ipse cupio;
 & aliis imitandum fidentèr propino. Nec
 tantum singularem ejus modestiam (*Auditores*)
 & unicam ferè *μετριοπολιαν* vobis hîc
 commendo; sed ipsum etiam recitandi morem
 imprimis laudo. Opulchrum valdè morem!
 ac nostro hoc scripturientiũ ævo magnopere
 expetendum! scribimus indocti, doctique
 passim, & effrænata quædam libido
 chartas commaculandi, ubique dominatur.
 hinc tot effæta, arida, jejuna; tot cruda
 semper & inchoata in vulgus trudi solent.
 O igitur si
 mos

mos ille antiquus recitandi, saltem privatum & inter amicos posset revocari! quã utilis foret *vel sistendis pracocibus quibusdam & disfluentibus ingeniis, vel aliis dirigendis!* quàm gratum etiam & optabile videretur cordatis hominibus, eruditorum & benevolentium judiciis, sensibusq; scripta ac publicanda, prius censenda submittere! *vix quenquam enim invenias, quẽ sua non fallant scripta, & auctorem ipsũ* (divi Ambrosii verba) *frequenter prætereant; & sicuti deformes liberi suos, ut plurimum, delectant parentes, ita etiam indecores sermones, suos plerumque palpan scriptores.* Cordatis itaque hominibus pergratus indubiẽ foret mos iste, quem secutus est *Plinius*, quemque ego nunc jam, imitator non otiosus, aslectari decrevi. Atqui fortasse (diceret quispiam) ostentatio hæc plerisq; videbitur, & *κενοδοξία*: inanis gloriolæ ambitiosa quædam cupiditas. immò inquam ego, nihil minus. quin potiùs modestia, prudentia, verecũda sui æstimatio, *αὐθαρσίας καὶ ἀλαζονείας* fuga & detestatio; ideo enim sua recitat ipse scripta, vel aliis perlegẽda submittit, ut aliorũ judicia noscat, consilia exquirat, verum audiat, ut si quid eum fugerit admonetur,

Lips. ep. 48. cent 2. ad Bel. ubi multa de Recitat.

Amb. Ep. l. 6. ep. 40 ad Sabinum.

*Theo-
phraſti.*

Lib. 5. ep. 3.

tur; si quid obſcurius dictum fuerit illu-
stretur, si quid non rectè, corrigatur: jux-
ta illud αὐτὰρ ἀναγνώσεις, ποικίλιν ἐπαγορδαί-
CIS, recitationes pariunt emendationes.
Vultis iterum Plinio aures prebere, & su-
as recitandi causas juxta & utilitates au-
dire? Sic igitur ad *Aristonem* scribit. Has
(inquit) recitandi causas sequor; primum
quod ipse qui recitat, aliquanto acrius
scriptis suis auditorum reverentiâ inten-
dit: deinde quod de quibus dubitat, quasi
ex consilii sententia statuit: multa etiam à
multis admonetur: & si non admoneatur,
quid quisq; sentiat, perspicit ex vultu, o-
culis, nutu, manuum motu, murmure, silen-
tio, quæ satis apertis notis, judicium ab hu-
manitate discernunt, atque adeo si cui for-
tè eorum qui interfuerunt cura fuerit, ea-
dem illa legere, intelligat, me quadam aut
commutasse, aut præteruisse, fortasse etiam
ex suo judicio, quamvis ipse nihil dixerit
mibi. Videtis jam (Auditores) quales fu-
erint Plinianæ recitandi causæ: quotu-
plicesque inde exurgant utilitates satis
manifestum est. Quod si nostri temporis
scriptores, eisdem rationibus moti, eun-
dem recitandi morem de industria æmu-
lari satagerent: ecquis eos reprehensione
dignos

dignos pronunciaret? ecquis ambitiosæ
vanitatis reos ageret? quid si *M. Catonis*
vitiligatorum passim occurrant? qui nihil
quicquam tam rectè ab aliis dictum fact-
umve agnoscant, quod vellicare nō aude-
ant? quid si hariolatores etiam non vere-
antur esse? ac de aliena mente, tam prom-
ptè quam pravè conijcere? eorum ma-
lignas præcipitesque conjecturas, pruden-
tes omnes, & cordati viri præterfluere si-
nunt; rectæque conscientix præmio li-
benter acquiescunt. quin & ultrò fatemur
olim id moris fuisse, ambitiosorum quo-
rundam, ac φιλοδῶρων hominum, vulgi fa-
mam actionum suarum finem statuere,
auram popularem captare; grande & in-
fanum plebeculæ *Sophos* aucupari: euge!
bellè! facetè! atque ejusmodi nugatorias
audientium acclamationes recitando con-
fectari. O inepti, vani, futiles homuncio-
nes! o misera gloriolæ mancipia! libera-
liora nostris speramus ingenia; pectora
magis generosa. Norint id minimè sapien-
tis esse, opinioni ac famæ tantum velifica-
re: ὁ σοφὸς ἐν ἐπιτηδείοις ἢ πρὸς τὰ ἐνδοχίμειν
χάειν dixit Græcorum non ignobilis auctor.
alium igitur volumus ut nostri sibi reci-
tandi aut scripta cum aliis communicandi
finem

Plin. l. 7.
ep. 17.

finem proponant ; aliud sequantur consilium ; nimirum , ut quæcunque in publicum rei literariæ bonum elucubrare atque evulgare concessum fuerit , diligentius emendata , limatiùs expolita , omnidenique modo probabilia in manus hominum perveniant. nempe hæc castigatissimi *Novocomensis* unica cura fuit, non *ut dum recitaret, sed dum legeretur, laudari posset.* Et tamen (neque dissimulamus) haud displicet nobis illa *Satyrici* responsio.

Pers. sat. 1.

*Non ego dum recito, si forte quid
aptius exit*

*Laudari metuam; nec enim mihi
cornea fibra est.*

*Sed recti finemque extremumq; esse
recuso*

Eugè tuum & bellè!

Iam verò (*Adademici*) meipsum quod attinet, si provinciam quam nactus sum, còmodissime administrare velim, si in eâ plurimùm prodesse cupiam (cuius rei desiderio flagrare me profiteor) quis veltrùm (nisi planè tyrosit, & horum studiorum omninò rudis) non novit recitandi ac relegendi necessitatem quandam sæpè mihi impositam, pro ratione auditorum me-

orum

orum qui quotidie mutant, & successione
ac vicissitudine quotidie renovantur?
præsertim quum accesserint novitii, &
qui super hoc argumento, quod præ ma-
nibus jam teneamus, instrui atque infor-
mari multum opus, ne dicam necesse ha-
beant. At regerit fortassis eorum non ne-
mo, dicendo; frustra nos recitationibus
moraris; quandoquidem hæc ipsa publici
juris facere in animum nuper induxeris:
quod si feceris, pensculatius & tranquillo
in otio, ea legere cuivis licebit. At in-
quam, jam antea dixi, ideo me recitare,
ut pleniora & correctiora prodeant. addo
aliam rationem, nec inferioris momenti.
Præcepta cujuslibet disciplinæ, sicuti om-
nes concedunt, ab ipso dictantis sive do-
centis ore, foelicius imbibuntur, quam è
libris hauriuntur: & cur non idem senti-
amus de lectionis Historicæ regulis? Cer-
tè ea fuit Plinii, toties à nobis citati, hæc
ex parte sententia, siquidem ad *Nepotem*
suum scribens. *Dices, inquit, habeo hîc Lib. 2. ep. 3.*
quos legam non minus disertos; etiam: at
legendi semper erit occasio, audiendi non
semper. multo magis, ut vulgò dicitur, viva
vox afficit. Nam licet acriora sint quæ le-
gas, altius tamen in animo sedent, quæ pro-
nunciatio,

nunciatio, vultus, habitus, gestus etiam
dicentis affigit. à nobis etiam stat D. Hieronymus, in epistola ad Paulinum. Habere
inquit, nescio quid latentis energie viva
vox; & in aures discipuli, de auctoris ore
transfusa, fortius sonant. Ideoque Fab

Lib. 1. c. 2.

Quintilianus, maximus Artis Rhetorica
magister, in Oratoris sui gratiam ita præ
cipit. Præceptor (inquit) aliquid immo
multa quotidie dicat, quæ secum audire
referant discipuli, licet enim satis exem
plorum ad imitandum ex lectione suppeditet,
tamen viva illa (ut dicitur) vox, alio
plenius, præcipueque præceptoris, quem disci
puli, si modo recte sint instituti, & amant
& verentur. Neque aliam fuisse mentem

Vol. Max.
2. 8. c. 10.

Marci Tullii liquido constat; quippe in
perfecto Oratore; carent (inquit) libri,
spiritu illo, propter quem majora eadem
illa cum aguntur, quam cum leguntur,

videri solent, hinc illud: in Demosthene
magna pars Demosthenis abest quod
legitur potius quam auditur. Atque huc
optime quadrant Horatiana illa quibus
facetè, & admodum urbanè deridet Epi
cureum illum, a quo Catus in arte culi
naria institutus fuerat.

Lib. 2. Sat.

4.

Docte Cati, per amicitiam Divosque
rogatus Ducere

*Ducere me auditum, perges quocunq̃,
memento.*

*Nam quamvis referas memori mihi
pectore cuncta,*

*Non tamen interpret tantundem ju-
veris: adde*

*Vultum habitumq̃ hominis: quem tu
vidisse beatus*

*Non magni pendis, quia contigit: at
mihi cura*

*Non mediocris inest, fontes ut adire
remotos,*

*Atq̃ haurire queam, vita præcepta
beata.*

Hæc quum ita se habeant (Auditores)
quid deinceps obstat, quo minus ad opus
destinatum nosmet alacriter accingamus?
quod securi vestræ benevolentia jam
nunc facimus, & proximâ lectione opus
ipsum aggrediemur. Interim, ne dum nos
de ratione & Methodo legendi Historias
dissertamus, contra *Methodum* peccemus
si novitiis Auditoribus nostris (quorum
gratia imprimis susceptus est hic la-
bor) minus constet quasnam Historias in-
telligamus: operæ pretium fore puta-
mus, primo definitionem, inde, divisio-
nem, Historiarum præmittere, easque bre-
viter

viter explicare, quo maiori cum perspicuitate munus nostrum pensumque modò susceptum ad extremum usque exequamur. Definitio igitur, a nobis olim posita est huiusmodi, quam hic retinere placet. *Historia est notitia, & explicatio rerum singularium, eo fine suscepta, ut earum memoria conservetur, atque inde universalia evidentius confirmentur, quibus ad benè beatèque vivendum instruamur.* Dico, notitia iuxta & explicatio; quia de Historia quatenus legendâ nos acturi sumus; cuius genus, notitiam atque explanationem statuimus: pro objecto sive materia, *res singulares* pono: hoc est, res gestas publicas vel privatas, memoriâ hominum dignas. Finem multiplicem assigno: ut memoria rerum singularium conservetur; nec non ut ex singularibus, præcepta universalia eliciantur, & confirmentur: denique ut hisce instructiores fiamus ad benè beatèque vivendum. Hinc enim est quod M. Tullius Historiam *vita Magistrum* dixerit. Atque huc spectant lactea *Titi Livii* verba in præfatione ad Historiam suam. *Hoc illud est præcipuè in cognitione rerum salubre ac frugiferum; omnis te exempli documenta in illustri*

*illustri posita monumento intueri: inde tibi,
tuaq; Reipub. quod imitère capias: inde fœ-
dum inceptu, fœdum exitu, quod vites.*

Secundum hanc nostram definitio-
nem, subjiciamus quoque divisiones,
minimè subtiles, aut argutas (neque enim
hujus loci esse putamus) sed populario-
res, & magis cōmunes. Ab antiquis scio,
uti etiam à recentioribus nonnullis, Hi-
storia distribuitur in *Divinam*, quæ de
Deo, rebûsque divinis tractat; *Natura-
lem*, quæ de rebus naturæ earumque
causis agit; & *Humanã*, quæ hominis acti-
ones, vitam in societate agentis explicat.
Hanc postremam solummodo respicit
nostra definitio; & hanc distinguimus, in
Politica, & *Ecclesiasticã*. Atque harum
utramque, in *Universalem*, ac *particula-
rem* Historiam. *Politica* Historia, quam e-
tiam Civilem dicimus, est quæ Imperio-
rum, Rerum publicarum, Civitatũ initia,
constitutiones, incrementa, conversiones,
res denique gestas exponit: *Ecclesiastica*,
quæ præcipuè res Ecclesiæ tractat, etsi
Monarchiarum & regnorum negotia
interponat. *Universalis*, sive *Politica* sit,
sive *Ecclesiastica*, est quæ universorum,
vel etiam multorum, maximèque illustri-

um populorum, Rerumque publicarum, aut ecclesiarum res gestas per omnia sæcula complectitur. *Particularis*, quæ unius populi, civitatis, vel Reipub. aut unius particularis ecclesiæ actiones, sive res gestas comprehendit. De hisce omnibus distinctè, & suo ordine legendis, nostra *Methodus* instituenda est. Alia porrò Historiarum divisio est, quæ nostræ considerationi sese offert, & à junioribus præsertim notatu digna est: hæc à circumstantiis & Methodo narrandi, sive explicandi ducitur. Siquidem Historiæ, aliæ dicuntur *Chronica*, eæ scilicet quæ tempus in quo res quælibet gesta sit denotant. Aliæ *Vitæ* appellantur, quæ personas singularium quorundam virorum, eorumque res gestas, juxta & mores discriptos complectuntur. Aliæ denique *Relationes* indigitantur; quibus id operæ imprimis datur, ut actiones hominum memoratu dignæ, & quævis Rerumpub. negotia utcunque fideliter, & perspicuè narrentur. Quod primum membrum attinet; omnes Historiæ, tempus in quo res gestæ fuerint, adnotare aut solent, aut debent: cæca enim est quælibet narratio, similisque fabulæ, sine temporis notatione: & tamen
omnes

omnes eadem temporum intervalla haud
quaquam observant; nec eundem in rebus
narrandis ordinem tenent. Hinc Chro-
nici generis, varias species esse dici-
mus. *Annales, Fastos, Ephemerides* sive
Diaria, Menologias, Bimestria, Trime-
stria, Semestria, Decades, Centurias,
Commentarios. De quibus omnibus, in-
ter *Premetia Historica* fusiùs disputavi-
mus. *Chronici* generis Scriptores, sunt
Herodotus, Diodorus Siculus, Dionysius
Halicar. Justinus, T. Livius, Sabellicus,
& hujusmodi. *Βιογράφοι* seu *Vitarum*
Scriptores, personas (ut dictum est) re-
presentandas sibi proponunt, ad easque
(quod notandum esset) maxima ex parte
concurrunt mixti generis actiones; pub-
licæ, privatæ, civiles, domesticæ &c. in
hoc censu reponuntur *Suetonius, Plutar-*
chus, Cor. Tacitus, Dion Cassius, Æmilius
Probus, atq; alii. Αννύμωτες sive *Re-*
lationum Scriptores; sunt Historici, qui
rerum memorabilium narrationes inte-
gras, rerum gestarum & negotiorum om-
nis generis relationes plenas perpetuaf-
que instituunt; quales sunt *Xenophontis*
Κύρου ἀνάβασις. Sive *expeditio Cyri. Salu-*
stii Catilinaria. Halicarnassæi Legatio.

nes, & hujusmodi. De quibus omnibus
legendis, sequenti dissertatione (propi-
tante Deo) audietis.

Dixi.

Octob. 17. 1635

DE

DE RATIONE ET METHODO Legendi Historias.

PARS PRIMA.

SECT. I.

*Ad fructuosam Historiarum Lectionem
tria requiruntur. Indè tres hujus dis-
sertationis partes proponuntur.*

VT fructuosa magis fiat Historiarum
Lectio, largumque secum ferat
operæ suæ precium, tria mihi videntur
studio cuique insigniter necessaria. Pri-
mò, ut rectus idemque constans servetur
ordo; ne confusè, vagè, desultoriè legat.
Secundò, perspicax adsit & intelligens
judicium; ut quæcunque legerit, dextrè
capiat, & quæ sint elegenda probè dis-
cernat. Tertiò sedula & accurata adhi-
beatur industria; ut electa cujuscunque
generis velut annona, in horrea quædam
dispositè recondantur. Tria igitur quasi
B 3 capita

22 METHODVS LEGENDI.

capita, præsentis nostræ dissertationis statuere animus est. Quorum *primum*; Auctores præcipue legendos, continebit, eorumque ordinem quo sint legendi indicabit. *Secundum* quis sit idoneus historiarum lector habendus, docebit. *Tertium*; fructus colligendi perspicuam monstrabit viam: nec non modum, & rationem eos tanquam in cellâ quadam promptuariâ dispensandi explicabit.

SECT. 2.

Historicorum series qualis instituenda. Quomodo ordinanda. Temporum intervalla tria observanda. Epochæ quid. Quotuplex. Cataclysmi. Quibus temporibus inciderint. Intervallum ἀδελφικόν. Olympiades. intervallum Historicum.

QUod *primum* attinet, Auctorum series & catena ejusmodi instituat, quæ temporum intervalla, *Summorumq; Imperiorum* successiones ἀκριβῶς, & ad amissim imitetur. Temporum autem intervalla, quatenus Historiam & rerum gestarum memoriam respiciunt,

ex

ex Varrone notat Censorinus tria. Pri-
 mum, ab hominum principio ad *Cataclysmum* priorem, quod propter ignorantiam <sup>De die
Natali. c.</sup> 21.
 (inquit) ἀδελον vocatur. Secundum, a *Cataclysmo* priore, ad *Olympiadem* primam,
 quod, quia in eo multa fabulosè referun-
 tur, μυθικόν nominatur. Tertium à Primâ
Olympiade ad nos (ubi intelligit *Cæsares*
 & tempus deinceps) quod dicitur ἱστορικόν,
 quia res in eo gestæ veris Historiis conti-
 nentur. Hæc temporum intervalla (uti
 videtis) quibusdam *Epochis* distinguun-
 tur. *Epocha* verò, illustre quoddam tem-
 poris principium dicitur, à quo reliqua
 tempora numeramus. Et duplices qui-
 dem observamus *Epochas*. *Ecclesiasticas*
 & *Politicas*. Illæ in *Sacris Scripturis* &
Historiis Ecclesiasticis usurpantur, qua-
 les sunt: Ab *Orbe condito*, sive à *Creati-*
one: à *Cataclysmo* sive *Diluvio*: à *Turre*
Babylonica vel a linguarum confusione: à
 migratione ex *Ægypto*; & huiusmodi.
 Hæ autem sequentes in *profanis* *Histo-*
riis & *Auctoribus Ethnicis* legi solent.
 Ex: grat. Ab *Excidio Trojano*: ab *Olympi-*
ade prima: ab *Expeditione Cyri*: à *Transitu*
Xerxis: &c. Ita hoc in loco *Censorini*: ab
 hominum principio sive ab *Initio Mun.*

24 METHODVS LEGENDI

Oros. l. 1.
c. 7.

Lib. 1. c. 9.

Chronolo-
giam sequi-
mur Scali-
gerianam,
quod semel
in univer-
sum moni-
tum velim.

August.

de C.D.L.

1^a c. 10.

v. Iustin. l.

2 c. 6.

di ad *Cataclysmum*. Et notandum est quod dicit *Cataclysmum* priorem: *Cataclysmi* enim sive Diluvia tria magna in Historiis memorantur. Primum erat Diluvium universale, tempore *Noachi Patriarche*; de quo in *Sacro Codice* scribit *Moses*, quod in Annum Mundi 1656. incidit. Secundum erat *Ogygium* in *Achaia*, quod totam ferè provinciam vastavit; & quia *Ogygii* (qui tunc *Eleusinae* conditor & Rex) temporibus effusum est, nomen loco & tempori dedit, juxta *Orosium*. Hoc in annum M. 2185, incidit; florente tunc *Iacobo Patriarcha*. Tertium erat *Deucalcœneum*, à *Deucalcœone* sic dictum; cujus tempore *aquarum illuvies* (*Orosii* verba) *maiorē partē populorum Thessaliae absumpsit*, paucis per refugia montium liberatis; maxime in monte *Parnasso*, in cujus circuitu *Deucalcœon* quod semel tunc regno potiebatur: qui tunc ad se ratibus confugientes susceptos, per gemina *Parnassi juga*, fovit aluitq;: à quo propterea Genus humanum reparatum ferunt. Hoc diluvium incidit in annum Mundi, 2437. Tempore *Cecropis*, *Atheniensium* Regis; & quasi annos ter quinos ante *Israelitarum* Egressum ex *Egypto*.

Iam

HISTORIAS CIVILES. 25

Iam verò primum illud intervallum, quod *Varroni* (doctissimo licèt) ἀδελον videbatur, Nobis *Christianis* εὐδελον potiùs, & ex sacra pagina meridiano Sole clarius est: Annosque novimus continere mille sexcentos quinquaginta & sex. Quorum Historiam, primis sex capitib. *Geneseos*, à *Mose* brevissimo compendio descriptam habemus. Neque alibi per omnia quæ extant literarum monumenta, aut quæ reperiri possunt, occurrit certi quicquam, de rebus, ante *Diluvium* gestis ullibi legendum.

Secundum intervallum à *Diluvio* * Olympi-
 primo, ad primam *Olympiadem* (hoc est, as. τετραε-
 ad primum illud certamen quod quarto πρὶν δὲ ἀ-
 quoque anno, in honorem *Iovis Olympii* γάμ. *Hercu-*
 à *Græcis* celebrabatur; (& in annum les institu-
 quartum, aut quintum supra tricesimum, it: Jphitus
Vzzia Regis *Judeorum* incidit) annos instauravit
 complectitur, mille quingentos octode- An M.
 cim, nimirum ab Anno M. 1656. ad ann. 3174. &
 M. 3174. *Mythicum* autem fabulosum- ab hoc an-
 que à *Varrone* dicitur hoc intervallum, no nume-
 idque non sine ratione, quandoquidem rantur
 hûc poeticarum fabularum argumenta lympiades
 pleraque referri solent. Et licèt in poe- sive qua-
 matis *Græcis*, nec non in Historicorum ternorum
 circuitus, annorum
 non-

26 METHODVS LEGENDI.

v. Scal. A-
nimad. in
Euseb. p.
66.

In Oratione
ad Græcos.

De præpar.
Evang. cap.
10.

nonnullis, de rebus paulò antiquioribus. De bello Trojano, expeditione Argonautica, de Perseo, Oedipo, Hercule, Theseo &c. Narrationes quædam extant, quas Ovidius in suo Chronico plerasque complexus est: tamen verè, ut Africanus inquit, omnia plena sunt confusionis & dissonantiæ & certâ annorum distinctione carent, nec de toto illo intermedio 400^{rum} annorum tempore, quod inter excidium Troja & Olympiadem primam interjectum est, quicquam ἀξιόλογον in Græcorum monumentis proditum est. Multo minus de rebus ante tempora Trojanæ gestis. Hinc Iustinus Martyr ἐπεὶ τὸ πρῶτον ἀγνοοῦν ὑμᾶς προσήκει, ὅτι ἐξ ἐν Ἑλλήσι περὶ τῆς ὀλυμπιάδων ἀκριβοῦς ἱστορίᾳ - &c. Neq; hoc vos ignorare decet, nihil à Græcis ante Olympiadas accuratè scriptum esse. Et Eusebius. μέχρι μὲν τῶν ὀλυμπιάδων &c. Vsq; ad Evang. cap. 10. Olympiadas nihil certo perscriptum est à Græcis: sed omnia sunt confusa, neq; ante id tempus uspiam consentiunt. Nihilominus, totius hujus fabulosi intervalli certam nos Christiani habemus Historiam, & (quod Ecclesiam spectat) amplam factis & luculentam, à Mose ac Prophetis, divinis illis Sancti Spiritus amanuensibus,

bus, literis consecratam: cui etiam de *Gentium Nationumq;* imperijs, & de rebus ab ijs gestis, haud pauca immiscentur; quorum ad veritatem dubiosa illa & incerta narrationum, quæ de ijsdem temporibus in profanis plerisque historicis habentur, examinanda censemus.

Denique *Tertium* intervallum, (quod solum volunt historicum esse & *Varro* & *Censorinus*) ab *Olimpiade* prima ad *Censorini* ætatem, annos supra mille & quatuordecim comprehendit: ad quos refertur historiæ veteris profanæ totum illud, quicquid hodieque extat integrum, & certâ temporum notatione distinctum.

* Scripsit
Censorinus
circa ann.
Chri. 240.
ab V. C. 99.
1. uti ipse
cap. 21.

S E C T. 3.

Summorum Imperiorum series & successio. Fatalis perhibetur. Quadruplex eminenter probatur. Medorum & Persarum unicum Imperium asseritur. Singula Prophetarum oraculis premonstrata. Summorum appellatio, frustra Bodino cavillata. Romanum, omnium maximum Imperium.

Q Vapropter, cum intra duo posteriora temporum intervalla (*Mythi-*
cum

28 METHODVS LEGENDI

cum videlicet, & *Historicum*,) quatuor
 summa, & (in quantum sciri possit) in
 genere humano præcipua, successivè in-
 ciderint *Imperia*; quibus terrarum orbis
 pars maxima paruisse dicitur, & sub qui-
 bus eorum pleraque quæ in tota historia
 continentur, gesta fuisse memorantur.
 placétne ut quænam summorum istorum
Imperiorum fuerit series, qualisque suc-
 cessio proponamus? Id pro nobis faciet,
 nescio quis *Æmylius Sura*, apud *Vellei-*
um Paterculum. *Assyrij* (inquit ille)
Principes omnium gentium, rerum potiti
sunt, deinde Medi, postea Persæ, deinde
Macedones, exinde duobus Regibus, Phi-
lippo & Antiocho, qui à Macedonibus o-
riundi erant, haud multo post Carthagi-
nem subactam devictis, summa Imperii ad
populum Rom. pervenit. Hanc ipsam
Summorum Imperiorum successionem, fa-
 tali quadam necessitate, eo ordine dispo-
 sitam, *Arrianus Nicomediensis* asserere
 videtur. ἐξελθὼν ἡδὴ καὶ Περσὺς πρὸς Μακεδόνων
 ἀφαιρέσθαι τῆς Ἀσίας καὶ ἀρχὴν λαβαπρεσβῶν
 Μέδοι μὲν πρὸς Περσῶν &c. h. e. oportebat
Asia Imperium Persis à Macedonibus a-
dimi, quemadmodum Persæ Medis, ac
prius Medi Assiriis ademerant.

Lib. 1. cap.
 6.
 Lib. 2. de
 expedit.
 Alexand.

Planç

HISTORIAS CIVILES. 29

Planè idem *Claudianus* poeta,

---*Sic Medus ademit*

Assyrio, Medoq; tulit moderamina
Perses.

Subiecit Persen Macedo; cessurus
& ipse

Romanis, hac auguriis firmata Sibilla.

Eandem omninò successionem *Impe-*
riorum Dionys. Halicarnassæus memo-
rat in procemio *Antiquitatum Romana-*
rum, ubi collationem singulorum instituit,
& reliquis omnibus *Romanum* longè præ-
fert. Verùm hic obiter notemus quod
licet *Æmilius Sura, Arrianus, Hali-*
carnassæus, aliique satis multi *Auctores*
vetulti, inter Summa, *Medorum* distinctè
numerant *Imperium*; nos tamen *Medos*
& *Persas* unicum constituisse *Imperium*,
è sacris literis docemur: tunc præsertim,
ubi summo dominatu *Assyrios* privâssent:
ideoque quatuor tantum numero fuisse

Monarchias illustres, & maximè notabi-
les, *Ecclesiæ* veteri cum primis infestas
vulgò observatum est. Quas visione qua-
tuor *Bestiarum, Danieli Propheta*; qua-
tuor quadrigarum *Zecharia*; Regi *Na-*
buchodonosori ingentis *Colossi* imagi-
ne, quadruplici materia constante repræ-

De laudi-
bus Stilic.
l. 3.

* *Isai. 21.*
Dan. 6. 9.
Ester. 1.
3. &c.
Dan. 7.
17.
zech. 6. 2
Dan. 2.
37. 38.

fen.

sentatas, sacra volumina testantur. Ita enim & *Patres* antiqui, & recentiores etiam plerique interpretes, istas prophetias intelligunt. Recentiores autem ut missos faciamus, ex antiquioribus, tres tantum nobis sufficient ad probandum, quod jam olim à multis sæculis receptum fuerit, quatuor *Monarchias* prædictis tribus *Visionibus* designari. *Isidorus Pelusiota*, ante annos mille ducentos, quatuor *Bestiarum Visionem*, ad hanc mentem interpretatus est. τὸ θεοπαιδὲς Δαυιδᾶ ἡ περιβόητος ὄρασις &c. Divini viri Danielis, illa celebris atq; hominum sermone pervulgata visio, *Assyriorum* & *Medorum* ac *Macedonum* regnum, ut uniusmodi atq; ex una quodq; natione conflatum, uni belluæ comparavit; aliud nimirum *Vrsæ*, aliud *Leone*, aliud *Pardo*. Quarta autem visio, hoc est horrenda bellua (utpote ingentem stuporem afferens) ferreis dentibus septa, ereisq; unguibus armata, devorans & comminuens, & conculcans, nec ad ullius animalis similitudinem accedens, *Romanorum Imperium* perspicue designabat; utpote ex omnibus nationibus & tribubus compactum, omniq; robore ac gloria in seipso præditum: neq; enim uno nomine exprimendum

lib. 1. ep.
218.

mendum vidit propheta principatum illum,
 qui potentia sua iugum, in omnes exten-
 dit, atq; Dominica incarnationis tempore
 in infinitum imperium processit. Hactenus
 Pelusiotâ de quatuor Bestiis. Iam Zecha-
 riæ quadrigas Beatus Hieronymus, Pe-
 lusiotâ paullo antiquior, huc etiam refert.
 In quadriga prima (inquit) Equi rufi e-
 rant, cruenti & sanguinarii, & Babilo-
 nica crudelitate terribiles. In quadriga se-
 cunda equi nigri regnum Medorum atq;
 Persarum &c. In quadriga tertia equi al-
 bi Macedones, sub quorum rege Antiocho.
 Maccabæorum victoriam legimus. In qua-
 driga quarta equi varii fortes; scimus e-
 nim Romanorum Reges, alios in gentem
 Indæam fuisse clementes, ut Caium Ca-
 sarem; Augustum, & Claudium; alios per-
 secutores atq; terribiles; ut Caligulam,
 Neronem, Vespasianum. Hac B. Hierony-
 mus de Zechariæ quadrigis. Denique stu-
 pendus ille Nabuchodonosoris Colossus,
 explicatione Danielis ipsius, quatuor reg-
 na significat. Beatus autem Sulpitius
 disertim applicat, & quatuor istas quas
 diximus Monarchias prænunciatas fuisse
 nominatim affirmat. Secundum propheta
 interpretationem (inquit) imago visa
 mundi

Hieron in
 zechar. 6. 2.

Sacra Hist.
 lib. 2.

32 METHODVS LEGENDI

mundi figuram gerit. Caput aureum Chaldaorum Imperium est. Siquidem id primum & opulentissimum fuisse accepimus. Pectus & Brachia argentea, secundum regnum annunciant. Cyrus enim, victis Chaldeis atq; Medis, Imperium ad Persas contulit: in ventre aereo tertium regnum portendi pronunciatur: idq; impletum videmus: siquidem Alexander ereptum Persis Imperium, Macedonia vindicavit. Crura ferrea Imperium quartum, idq; Romanum intelligitur; præ omnibus ante regnis validissimum: pedes verò partim ferrei partim fictiles, dividendum esse Romanum regnum, ita ut nunquam inter se coeant præfigurant. Quod aequè impletum est, ita B Sulpitius. Hæc aliquantò longiùs produximus, à quibus tamen supersedisse poteramus, nisi hanc opellam à nobis expressisset Johannis Bodini viri impensè docti argutatio; qua decantatam illam regnorum antiquioris mundi divisionem in quatuor Monarchias, nupera auctoritate, & insulsa Neotericorum quorundam opinione niti astruit. Nobis verò ex supradictis, contra liquidò paret; Summa quatuor Imperia, antiquitus observata, & designata fuisse. Quorum priora duo, in

* Methodi
cap. 7.

in *Asia* successivè floruerunt, ideoque *Asiatica* dicta: duo reliqua, suo ordine in *Europa* eademq; ratione *Europea* nuncupata. Has appellationes, nec non *Imperiorum* distinctiones probare, suaque auctoritate confirmare, nobis videtur ipse etiam *Velleius* loco supra citato. Insequenti tempore (inquit) *Imperium Asiaticum* Lib. I. c. 6. ab *Assyriis*, qui id obtinuerant annis mille septingentis, translatum est ad *Medos*, &c. Verum, inquam, haud tanti quidem est, ut de appellatione, sive etiam de distinctione *Imperiorum* prolixius litigemus. Breviter ergo, dicimus longè testatissimum illud esse, apud omnem etiam antiquitatem notissimum, adeò latè olim per totam *Asiam* dominatos fuisse *Assyrios* & *Chaldaeos*; postea *Medos* & *Persas*, ut *Summa* tenuisse totius orbis (qua tunc habitabatur) *Imperia*, jure meritoque dicantur: idem etiam de *Græcis* suo tempore, atque indè multo magis de *Romanis* affirmari potest: a quibus non *Asia* modo, & *Europa* sed & *Africa* quoque partem, si non maximam, certè potiorem subjugatam, ex Historiis novimus. Vnde *Megalopolitanus* *Ῥωμαῖοι γε μὴ ὕπνα μέν,*
ἔτι δὲ πᾶσαν πεπονημένοι πλεὺς δεκαμύριον ὕπ-

34 METHODVS LEGENDI

κοον αὐτῆς &c. *Romani non partibus solummodo aliquot, sed universo ferè terrarum orbe, in ius ditionemq³ suam coacti, Imperium suum in tantum evexerunt fastigium, ut predicare quidem illius felicitatem præsens ætas meritò queat: superare verò illud nulla unquam sæcula sint valitura.*

S E C T. 4.

Assyrio-Chaldaici Imperii institutio ac duratio. Item Medo-Persici, inde Græciani. Romani Imperii initium ante Iul. Cæsarem. Inde ad Carolum M. quot anni intercesserint. Deniq³ ad Carolum. V.

VT progrediamur igitur, primum illud Imperium *Assyrio-Chaldaicum* (sic enim lubet appellare) a *Nemrodo* (qui etiam à nonnullis *Belus* dicebatur) institutum est. A. M. 1717. aut circa. Durationis erat longissimæ, utique annos plus minus mille septingentos complectens; nam per totum quasi intervallum secundum *Censorini*; & porro ad annum usque ducentesium tricesimum

- finum octavum tertii intervalli excur-
 - rit illud Imperium; haud quidem semper
 , integrum, sed fractum nonnunquam, at-
 . que imminutum; sicuti a doctissimo *Jo-*
sepho Scaligero notatum est. Amplitudo *Scalig.*
 enim ejus, initio quidem immensa fuit, *Can. Isa-*
 , postea per subditarum nationum defecti- *808. l. 3. p.*
 . ones, in multas quasi lacinias divulgum *315.*
 est, Regibus Assyriorum in luxum solutis,
 & quidvis potius quam arma, & salutem
 regni sui meditantibus. Verum a prima
 ejus origine, ad captam a *Cyro Babylo-*
nem, quo tempore ad *Medos & Persas*
 transferebatur, intercesserunt anni pau-
 lō minus septingenti supra mille. Nam
 licet *Assyrios* Imperium tenuisse annos
 ter centenos tantum supra mille, autumet
Justinus; Georgius Monachus, ter cente-
 nos sexaginta; *Diodorus Siculus* quadrin-
 gentos. Omnes tamen intelligendos au-
 gutor, de spacio quo regnabant posterī
Nemrodīs & Nini, qui illius Imperiī
 fundamenta jecerunt circa A. M. 1717.
 præsertim *Nini* a quo *Sardanapalus* (te-
 stante *Velleio*) tertio & tricesimo loco *Vell. Par. l.*
 (ita ut semper successor regni paterni *1. cap. 6.*
 foret filius) ultimus regnabat. *Nini* verō *A. M.*
 familiam excepit *Phul Belochus* & ejus *3076.*

posteritas: indè *Merodach Baladan* ejusque progenies, usque ad interitum *Baltazaris* qui regum *Babilonicorum* extremus, urbe a *Cyro* capta periit. Ita quidem *Funccius*, *Reinerus Reineccius*, *Viginerius*, atque alii ex sacra Scriptura ferè, colligere videntur. Verum *Iosephus Scaliger*, *Dionys. Petavius*, *Jac. Capellus*, atque alii ex *Beroso*, *Megasthene*, ac *Ptolomæo*, interitum *Baltazaris* prævertisse *Babylonis* expugnationem per *Cyrum*, annos circa septendecim contendunt. *Baltazar* enim conspiratione suorum, quos ob pravam indolem a se alienos fecerat, interfectus est. Olymp. 55. cui successit *Nabonidus* quidam, origine *Medus* (a *Daniele*, *Darius Medus* appellatus) idque communi sententia conjuratorum. Hic autem decimo septimo imperii sui anno ab *Cyro persarum* Rege bello superatus, ac *Babylone* exutus, vitâ & *Carmanie* præfecturâ donatur: atque sic Imperium ad *Persas* translatum; anno videlicet 2^o *Olympiadis* 60. & anno M. 3412. haud igitur difficile videtur ex præmissis demonstrare *Monarchiam Assyrio-Chaldaicam* a prima sua inchoatione, ad hunc quem posuimus *Epilogismum*

num durasse, paullo minus annis mille septingentis. Quod insuper ex iis confirmari potest, quæ retulisse perhibetur *Calisthenes*, *Aristotelis* discipulus. Is enim *Alexandrum M.* in expeditione *Asiatica* secutus, rogatu Magistri sui, capta *Babylone*, diligentèr a *Babylonica* antiquitatis peritis, astrorum observationes, & Regum primæ illius & antiquissimæ *Monarchiæ* successiones, nec non annorum numerum inquisivit. Quasunque autem nancisci potuit *Babiloniorum*, antiquitates *καὶ τῶν αἰώνων ἀπονομιὰς*, in *Græciam* transmisit, quas mille nongentos & tres annos complexas fuisse testatur alicubi *Simplicius*.

Secunda *Monarchia Medo-Persica* indigitata, a capta *Babylone* per *Cyrum*, ad eandem ab *Alexandro Macedone* occupatam (*Dario Codommano*, Rege decimo & ultimo *Persarum* victo) non ultra decem annos supra ducentos continuasse dicitur. *Alexander* enim *Babylonem* intravit anno 3^o Olympiadis 112. anno M. 3620.

Tertia verò *Monarchia, Græca* vocata, & ab *Alexandro M.* post *Darium* victum, inchoata, usque ad *Perseum Philippi* Se-

cundi Macedonici filium a Paulo *Amylio* debellatum, & Macedoniam in provinciam redactam perdurâsse æstimatur: quod spacium, annos paullo plus centum sexaginta comprehendit. *Persens* enim a *L. Amylio Paulo* victus, captus, ac triumphatus est, an. ab. V. C. 586. an. M. 3782. atque circa id tempus, ad immensam illam magnitudinem suam, a *Polybio* in tantum prædicatum accreverat *Imperium Romanum*: quod postea latius adhuc sese extendit: verum ab hoc tempore quarta *Monarchia* facta est. Siquidem huc ejus initium disertis verbis refert *Amylius* ille *Sura*, (quem ex *Paterculo* supra citavimus:) *duobus* inquit *regibus Philippo & Antiocho devictis, summa Imperii ad populum R. pervenit*. Quod eisdem ferè verbis affirmat etiam *Polybius*. Regno Macedonico everso, *Romani orbem terrarum suo Imperio subiecerunt*. *πᾶσαν τὴν οἰκουμένην ὁμίκοον αὐτοῖς ἐποίησαντο*. Immo uti ex eodem *Polybio* colligere est, certatim sese addixerunt populi eorum obsequio, ab iisque pacis inter se, ac belli arbitria sumpserunt. Quod *Florus* lib. 2. c. 7. itidem noster confirmat: *Quippe jam gentium reges, duces, populi, nationes, præsidia sibi*

Lib. 1.

Lib. 3. p.
159. &
160.

sibi ab hac urbe petebant. Iterum Polyb.
 Hoc tempore in confesso apud omnes erat, Lib. 3. p.
 atq; adeo confessionem hanc necessitas om-^{160.}
 nibus exprimebat, parendum porro esse Ro-
 manis, & illorum jussa capeffenda. Deni-
 que huc ipse propheta Daniel, Monarchia
 quartæ initium refert, si rectè opinetur
 doctissimus Melancthon, qui hunc in mo-
 dum loquitur. Cum Daniel quartam Chron. l. 3.
 Monarchiam nominat & pingit, non tan-^{p. 146.}
 tùm a Julio & Augusto eam orditur, sed
 completitur tempus, quo urbs Roma, sum-
 mum Imperium tenuit, etiam ante bella
 civilia. Quapropter si hinc initium du-
 rationis hujus Monarchiae putemus; ad
 Jul. Cæsarem anni numerantur, 118. indè
 ad Constantinū M. 356. post ad Augustu-
 lum, qui ab Odoacro rege Herulorum co-
 actus est sese abdicare, reperiuntur anni
 supra 170. inde deniq; ad Carolū M. 325.
 sic ut ab everfione regni Macedonici ad
 Carolū M. intersint anni, 978. inde ad
 Carolū V. sequuntur anni, 720. ita à victo
 Perseo ad Carol. V. numerantur an. 1688.

SECT. 5

Quatuor isthac imperia quare diceban-
 tur Summa.

NOn me latet, alias multas respub,
& dynastias, alia regna atque impe-
ria, hinc illinc, per orbem terrarum, su-
periorum etiam trium *Summorum Im-*
periorum tempore floruisse; imprimis
autem dum Prima & Secunda vige-
bat Monarchia: e. g. *Agyptiorum*, *Sicyonio-*
rum, *Spartanorum*, *Aethiopum*, aliorum;
de quibus frequens mentio apud Anti-
quos habetur; horumque nonnullos la-
tè aliquando rerum potitos legimus;
Venit ad occasũ, mūdiq̃ extrema Sesostris,

Lucan. l.
10.

Lib. I.

Et Pharios currus regũ cervicibus egit.
Ita cecinit *Lucanus*. Et *Iustinus*, *Vexorẽ*
tradit regẽ *Agypti*, ad *Pontũ* usq; produx-
isse imperiũ. *Strabo* etiam *Tearchonẽ* *Æ-*
thiopem usque in *Europam* cum exercitu
processisse testis est. Denique, Rerum do-
minos aliquando *Æthiopes* fuisse, claros &
potentes, usque ad *Trojana* tempora,

Lib. I 5.

Lib. 6. c. 29. *Memnone* regnante, scribit *Plinius*. Præ-
cæteris tamen omnibus, prædictas qua-
tuor *Monarchias* longè eminuisse, notius
est, quàm ut probationi diutiùs immore-
mur. Namque id semper meminisse o-
portet, haud ita à nobis quatuor *Summa*
Imperia Monarchias vocatas, quasi om-
nes omnino regiones & gentes comple-
cte-

sterentur, sed quòd magnam orbis terrarum partem tenuerint, tantamque haberint potentiam, ut cæteros reges compescere, iisque leges imponere facili labore possent. Siquidem *idcirco voluit Deus* Chron. l. i. p. 10.
Monarchias constitui, (Melancthonis verba) ut homines legibus, judiciis, & disciplina probabili regerentur.

SECT. 6.

Historiarum lectio undè aùspicanda. Epitoma iustæ non penitus damnanda. Synopseis Historiarum. Chronologi. Alia etiam compendia nominatim commendantur. Qui deniq; Auctores præcipuè circa universalem Historiam sint consulendi. Raulaus inter præcipuos. Sed Historia Biblica omnium prima & primo ediscenda.

QVapropter, si quis *Monarchiarum* sive *Imperatorum* istorum, adeoque totius mundi *Historias*, cum uberiori fructu percurrere cupiat; priusquam illud immensum pelagus ingrediatur, compendium aliquod (suadeo) degustet; & à succincta aliqua *Chronologia*, aut brevi aliqua *Historiarum Synopsi* incipiat. Inde enim

42 METHODVS LEGENDI

enim series temporum, *Imperiorum* successiones, generis humani præcipuas mutationes, insimul discere poterit. Inde exemplar ideamque *τὴς ὁικουμένης ἱστορίας*, totius universalis Historiæ, uno quasi intuitu contemplandam facili negotio (si voluerit) comparabit. Id *Ludovici Vivis* consilium. *A principio* (inquit) *legendus aliquis, qui ab ultimis temporibus ad nostram memoriam, aut ei proximam historiam tenore uno contexat, ut summa quadam propenatur omnia.* Namque revera, licet negari non possit, quod vulgo dici solet, compendia nonnunquam dispendia fuisse; Auctoribusque præstantissimis cladem atque interitum attulisse: *Epitomas* tamen cum abbreviationibus iustis, si viâ quadam planâ & ad incedendum expeditâ, rationem proficiendi demonstrent, haud prorsus contemnimus. Quinimò sicut infantes modicè manu aliena ducti, passibus incertis ambulare discunt: Ita in re Historicâ, ab epitomis & abbreviationibus, juvenibus ordiendum esse omnino persuasum habeamus; donec probè jactis fundamentis, processu temporis fontes ipsi, cum fructu & utilitate ab iis frequentari, adeoque exhaustiri possint.

Pro-

Lib 5. de
Trad.
Discip.

Frankenb.
l. 1. Inst. H.

Proderit igitur. Haud parum vel *Synopsin* *Beureri* legisse, vel *Sleidani* compendium de quatuor *Summis Imperiis*, eleganti, concinno, rotundo orationis genere scriptum; (ita de eo *Reineccius*) & quod ex eorum numero statuere nos oportet, de quibus Poeta; *Victurus* genium debet habere liber. Vel denique *Melanethonis Chronicon*; quod qui non degustaverit, (si *Stephano* cuidam *Pratorio* auscultemus) is verè bardus est. Quippe inquit, *eruditissima & elegantissima Epitome est omnium ferè Historiarum totius mundi*. Alia etiam nec inferioris notæ scripta, *Lectori* nostro *Historiæ* studioso, commendari jure, meritoque possunt. Quale est *Reineri Reineccii Syntagma* de *Familiis*, quæ in *Monarchiis* *Rerum* potitæ sunt, opus quidem laboriosum, & exquisitum; cujus ceu *περίπλῳ* per amœnos *Historiarum* campos, facilius multò, jucundiùs, foeliciusque iter suum instituere poterit. Sed & *Iacobi Capelli*, (viri multæ eruditionis, & harum *literarum* callentissimi,) *Historiam Sacram & Exoticam*, accuratâ quidem diligentia ad temporum rationem concinnatâ, meritâ suâ laude neutiquam privandam

Epist. ad
Henr. Mel-
bomium.

Lib. de for-
mandis
stud. p. 37.

44 METHODVS LEGENDI.

A.VC.6
91.

Coff. de H.
art. 2. c. 1.

vandam censeo: dignam videlicet lecti-
one perquam seriâ, & in ipsis studii Hi-
storici primordiis; quam utinam ad hæc
nostra tempora produxisset, nam in Na-
tivitate *Augusti* desinit. Verum eodem
in genere singularem navavit operam
nuperrimè, *Dionysius Petavius* è Socie-
tate *Jesu*, qui *Temporum Rationarium* de-
dit, in quo, ætatum omnium, Sacra pro-
fanaque Historia, Chronologicis probati-
onibus munita, summatim traditur, ab
Orbe condito ad Annum Christi. 1632.
Inter Chronologos autem celebriores si
cupiat assuescere paulisper, (quod ut fa-
ciat etiam plurimum intererit) præter
Capellam & *Petavium*, quos in eodem
censu pono, *Funccium* adire poterit,
Buntingum, *Bucholcerum*, *Helvicum*, aut
denique *Sethum Calvitium*, qui nuperâ
sux *Chronologia* editione, operosam a-
deo diligentiam adhibuit, ut nihil quic-
quam omiserit, quo verum Historiarum
tempus exquisitè doceatur. Quod si post
Chronologos diutiùs adhuc & plenius in
Universali Historiâ libeat versari; *Iu-
stinus* legi potest: qui sub *Antoninis* flo-
ruisse putatur; neque eo quisquam alius
inter *Latinos* tot *Imperatorum* tempora
po-

politiùs aut elegantius perstrinxit. Inde *Herodotus*, tum *Diodorus Siculus*, postea *Polybius*: de quibus plura mox erunt dicenda. Hos autem sequi possunt nonnulli ex recentioribus: quos inter, principem locum obtinere meretur *Gualterus Raulens* nostras, Eques auratus, vir clari nominis, & ob singularem fortitudinem ac prudentiam meliori fato dignus. Is universalem Historiam ab initio Mundi usque *Macedonici Imperii* sive tertiæ *Monarchiæ* occasum ex probatissimis Auctoribus coagmentavit; nostræ quidem gentis idiomate vernaculo, sed accurato admodum judicio, methodo perspicuâ, *Stylo* elegante ac virili. Quin & omnis ævi res gestas, ante aliquot annos digerere aggressus est, vir incomparabilis *Gerardus Johannes Vossius*; illud opus videre, & unâ vobiscum frui (Auditores) utinam daretur? quid enim aliud quam eximium, & supra ingeniorum, non hujus tantum seculi, sed superiorum etiam multorum aleam positum, a tanto antiquitatis & Historiarum condo promo expectandum? utcunque tamen hosce universos præcedat *Historia Biblica*, quæ omnium antiquissima est, atque ἀρχαιότατος

v. Epist.
ded. lib. de
Ar. Hist.

τω; verissima. Atque huc tendit, gravis
 admodum & seria Caroli Sigonii moris
 vulgati in studio antiquitatis instituendo
 reprehensio, juxta & monitio. | *Vt in ple-*
risq; aliis rebus instituendis (inquit) sic
in jaciendis ad rerum veterum temporum-
que prateritorum cognitionem fundamen-
tis, nescio quo modo prava cujusdam con-
suetudinis aestu abrepti vehementer erra-
mus, ab iis ferme lustrandis monumentis
exordientes, quae falsorum Deorum tra-
ditiones & commentitias fictorum He-
roum actiones a Grecis acutissimis ho-
minibus sed plane veritatis ignaris prodi-
tas complectuntur. Quibus neque ad a-
liquem prudentiae usum, neq; ad ullum pie-
tatis fructum excolimur. Cum si quid in
nobis sensus, ne dicam sanitatis inesset,
ab iis potius quae sacris continentur He-
braeorum literis, initium ducere debere-
mus. Nam si prima rerum principia qua-
rimus, non altius repetere, quam ab ipso
mundi hominumq; quod ibi tractatur o-
pificio possumus; si vera, nihil tam verum
existit, quam quod Dei ipsius viventis
ore prolatum est; si gravia, quid magnifi-
centius iis inveniri monumentis potest, in
quibus sancta Dei mandata, salutaria
 pro-

promissa, certa oracula, ceteraq; his adnexa salutis nostræ adminicula concluduntur? porro autem unde aut virtutum exempla præstantiora ad persequendum, aut vitiorum detestationes acriores ad declinandum, aut actiones insigniores ad memorandum, quam ab ipsis Hebræorum commentariis peti possunt? in quibus solis aperte docetur, quantum humanum genus, aut religione colendâ summo præsentis Dei auxilio sublevetur, aut ea negligendâ acri ejusdem iracundia conteratur.

SECT. 7.

Assyrio-Chaldaica unde petenda Historia. De Beroso, Ctesia, Megasthene, eorumq; supposititiis Scriptis. Ad Iosephum potius in eorum defectu recurrendum. In Diodoro Siculo magna iactura aliunde sarcienda. Præsertim ex Iosepho & Historia prophetica. Diogenes Laertius laudatur.

I Am verò si ad partes per Imperia summa descendere placeat, & Historias eorum separatim suo ordine persequi; Res Assyrio-Chaldaicas qui narrant,

48 METHODVS LEGENDI.

rant, *Berosum* habemus; *Ctesiam*; *Megasthenem*: habemus dixi? immò (quod maxime dolent Historiarum cultores) non habemus. Fragmenta quædam *Ctesia*, fortasse non notha, atque ista de rebus tantum *Persicis*, nam *Assyriaca* protinus interierunt, habemus; paucas *Megasthenis* lacinias, & adulteratas quasdam *Berosi* rapsodias, a *Viterbiensi Monacho*, institore subdolo suppositas; quibus parum fidei adhibendum censent, viri longè doctissimi. Etenim de *Ctesia Iosephi Scaligeri* maximi philologi tale est iudicium, nimirum, ineptum esse *Græculum*, & modo *Herodoto* aduersetur, nihil pensi habere: multa ab eo humanitùs, multa etiam consultò per *ζηλοπικίαν* peccari, atq; id non obscure cognosci ex *Photii* *patrietinis*. Floruit temporibus *Cyri junioris*, & ab *Artaxerxe*, prælio captus, ei medicinam fecit. *Megastheni* quoque fidem detrahit ipse *Strabo*, etiam genuino illi, quem toties citat: quanto magis viri eruditi, fictitio isti *Anniano*, *Metastheni* ignoranter dicto? ille autem cum *Seleno Nicatore* vixit, teste *Clemente Alexandrino*, iste figmentum planè *Annianum*. Eiusdem furfuris *Berosum* illum esse

scalig. de
sm. Temp.
in notis.

Strabo l.
14.

lib. 2.

Strom. l. 1.

esse qui circumfertur autumant plerique Lib. 5. de
Trad. disc.
 doctorum. Audite *Ludov. Vivem. libellus*
 (inquit ille) *circumfertur*: *Berosi Babylonii Antiquitates*; sed commentum est,
 quod indoctis & otiosis hominibus mirè al-
 lubescit. Cujusmodi sunt, *Xenophontis Æ-*
quivoca, tum *Archilechi*, *Catonis*, *Sem-*
pronii, & *Fabii Pictoris* fragmenta, quæ
 eodem sunt libro ab *Annio Viterbiensi*
 conferruminata, commentisq; reddita ma-
 gis ridicula. Non quin insint quedam in
 illis vera, nam alioqui frontem non habe-
 ret narratio, sed ipsum *Historiæ corpus*
commentitium est, nec illius cuius titulum
mentitur. Hactenus doctissimus *Vives*.
 Atque idcirco tum ipse tum alii, nos ad
Iosephum; *Iustinum Trogii Epitomatores*;
 & *Diodori Siculi Antiquitates* mandant.
 Et meritò quidem ad *Diodori Siculi An-*
tiquitates (si extarent integræ) quas ve-
 terum nonnulli ἀπλῶς βιβλιοθήκῃ vel e-
 tiam βιβλιοθήκας nominare non dubita-
 runt. Siquidem ipse sua Præfatione nos Lib. 1. p. 5.
edit. Rho-
 docet, qualem seculorum priscorum me-
 moriam libris suis consignasset. Ejus n. dom.
 Hæc sunt verba. *Ex libris nostris* (inquit)
primi quidem sex, continent res ante *Tro-*
ianum bellum gestas, eaq; quæ *fabulis de*
 D secu-

seculo isthoc prodita fuerunt horumq; priorum tres Barbarorum, proximè sequentes Græcorum Antiquitates continent. In sequentibus undecim, res ubiq; locorum gestas, a bello Troiano usq; ad Alexandri interitum descripsimus. Ita Siceliota. Verum quinque illi qui sequebantur post quintum (quem *ΕΙΣΑΙΟΝ* *ὑποπικτω* ipse indigitat, quia in eo de *Insulis* tractat) immensa rei Historicæ jacturâ periêre. Nam in illis erat memoria totius vetustatis regnorû Orientis: quæ multum *Historia Sacra*, (*Veteris* nimirum *Instrumenti* libris) allucere possent: uti notat doctissimus ille *Ios. Scaliger*. hanc tam deplo-
 randam jacturam æquiore animo feren-
 dam censeremus, si præter illos supra
 nominatos, superessent, *Theopompus*, *Euphorus*, *Callisthenes*, *Timæus*, atque alii,
 ex quibus sua assiduo labore congefferat
Diodorus. De quibus videte eruditissi-
 mum *Vossium*. lib de H. Gr. Habet qui-
 dem fateor *Siceliota* suos reprehenso-
 res, propter libros illos priores, quos dix-
 imus hîc in primis legendos; eosque
 inter, *Ludov. Vivem* qui miratur *Pli-
 num* dicere potuisse, *Diodorum*, primum
 apud Græcos nugari desisse, cum nihil
 (in-

Ad Euseb.
an. 1967.

Lib. 2. de
caus. corr.
art. & lib.
5. de trad.
aisc.

(inquit) *sit eo nugacius*. Sed eruditum illum *Censorem* dicimus non satis animadvertisse *Diodorum* non diffiteri, istorum temporum Historiam fabulis multis esse permistam, easque aliter atque aliter apud *Veteres* traditas: sed contentum esse referre, quæ veritati maximè consentanea putaret: ac ne sic quidem haberi ea vult pro usquequaque veris: sed satius putat, quomodocunque res priscas nosse, quàm eas penitus ignorare. Sicuti vir acerrimi iudicii summæque eruditionis, *Gerardus Ioh. Vossius* observavit; quem videte. In defectu igitur Auctorum quos nominavimus, & ad faciendam utcunque jacturam factam inter *Siceliotæ* libros priores, advocanda sunt subsidia, ab *Eusebii Chronico*, ubi prisca multa digito designata videbimus: à *Plutarchi Theseo, Licurgo, & Solone*: a descriptione *Veteris Græciæ* per *Pausaniam*: ab *Orosii* libro primo. Præsertim verò ab *Historiâ Prophetica*, in quâ solâ, pleraque eorum, quæ certæ ac indubitata fidei de *Assyriis & Caldeis*, (post interitum *Sardanapali*) haberi possunt, reperiuntur; etiam usque ad initium *Monarchiæ Medo Persicæ*, & paullo ulterius.

Lib. 2. de
Hist. Gr. s.
2.

neque alibi uspiam ferè apud *Antiquos* de Rep. *Judaica* (si *Iosephum* excipiamus) quidquam legere conceditur. Is verà, ubi vetus *Testamentum* desinit, reliqua gentis *Judaica*, usque ad ann. decimum tertium principatus *Domitiani Caesaris*; ætatis verò suæ quinquagesimum sextum, in *Archæologia* deducit. Sed de *Iosepho* suo loco. A *Diogenis Laertii* vitis quoque hauriri possunt multa scitu dignissima, quæ primæ *Monarchiæ* Historiam locupletare possunt. Præsertim Historiam centuriæ postremæ; quâ floruerunt Septem *Graciæ* Sapientes, nec non *Pythagoras* ille *μετρώπης*, alique *Philosophi* multi, quorum vitas descripsit *Laertius*, aureo libello illo (sicuti *H. Stephanus*,) opere utilissimo & auro contra non caro, sicuti doctissimus *Vossius* affirmare non dubitat. l. 2. de Hist. Gr. c. 13.

SECT. 8.

Herodotus undè suam inchoaverit Historiam, ubiq; desierit. Ejus laus; quo tempore floruerit. Secunda *Monarchiæ* initium. Argumenta singulorum librorum *Herodoti* recensentur. Musarum

HISTORIAS CIVILES. 53

nomina cur eis imposita. Contra Lud. Vivem excusatur. Ex quibus Auctoribus locupletior vel etiam illustrior fieri possit ejus Historia.

Historiam prophetica[m] immediate sequitur *Herodotus*; *Ethnica* pater *Historiæ*: idque divina cum bonitate, tum providentia factum, ut ferè in eo ipso quasi momento, quo desinit *Prophetica Historia*, *Halicarnassensis Herodotus* ordiatur suam. Nam cum *Propheta* ea quæ *Spiritui S^{to}* digniora essent visa, in sacris suis scriptis ab ineunte Mundo, ad *Cyrum* usque enarrassent; *Herodotus* à *Gyge Lydorum* Rege (*Hezechia & Manassè Judæorum* Regibus *οὐ γὰρ ὄρω*) auspicatus, circa ann. M. 3238. quasi annos centum & quinquaginta ante *Cyri* regnum in *Persia*; mox ad *Cyrum* Magnum illum *Medo-persici* Imperii fundatorem devenit. Atque ita *Medorum & Persarum* Historiam, stylo sine falebris, sedati amnis instar fluente, (uti *Cic.* in *Oratore* loquitur) usque ad turpem illam atque ignominiosam *Xerxis* è *Græcia* fugam deduxit Ea autem contigit, anno 2^o. *Olymp.* 75. an. M. 3471. quo tempore etiam He-

herodotus floruit, & usque ad initium belli *Peloponnesiaci* vixit. Id *Dionysius*, ejus popularis hisce verbis docet. ὁ δ' Ἀλικαρναυεὺς Ἡρόδοτος γεννόμενος ολίγω πρῶτον τῶν Περσικῶν, παρεκτείνας δὲ μέχρι τῶν Πελοποννησιακῶν. Nimirum ab anno primo Olymp. 74. ad primum belli *Peloponnesiaci*. h.e. Olymp. 87. annum secundum: (ita enim ejus ætatem putat magnus *Scaliger*) & intervallum, Olympiadum præcisè xiii. facit. h.e. annorum 52. quot inquit vixit *dulcissima* τῆς Ἰαδοῦ μέσσα. Atq; ita pergit *Scaliger* in ejus præconio: *Vetustissimus omnium Solutæ orationis Scriptorum, qui hodiè extant: scrinium originum Græcarum & barbararū, Auctor a doctis nunquam deponendus, a semidoctis, & pedagogis, & simiolis nunquam tractandus. Cæterum utcunque diutiùs vixerit Herodotus, Historiam suam non ultrà Xerxis tempora propagavit. Continuum autem ducentorum triginta quat. ann. seriem, libris novem complexus est; quos novem Musarum nominibus distinxit. Vultis singulorum librorum argumenta? dabo quam brevissima. Libro primo, præter ea quæ de Lydorum regno Regibusque a Gyge ad Cræsum, de veterē*

*Animad.
in Euseb.
Chron.p.
97.*

Clio.

HISTORIAS CIVILES. 55

re *Ioniam*, de moribus *Persarum*, *Babyloniorum* ac nonnullis aliis narrat; *Cyri* principis *Monarchæ Medo-Persicæ* natalis exponit: inde miraculosam ejus conservationem, porro educationem & res gestas elegantè describit. Libro Secundo, *Ægyptum* universam graphicè depingit, *Ægyptiorum* mores prodit, regumque seriem commemorat. Tertio *Cambyſis* Historiam contexit; indè *Ma-* *Euterpe.*
gi, *Smerdim* *Cyri* simulantis, atque ita menses septem regnantis, dolum interitumque explicat. Tum *Darii Histaspidae* electionem subjungit; mox provinciarum *Imperii Persici* enumerationem instituit: *Babylonis* denique a *Dario* receptionem adnectit, operâ nimirum fidelissimâ *Zopyri*, in cujus laudibus conclu- *Melpomene*
dit. Quartus liber *Scythiæ* descriptionem satis accuratam exhibet, nec non infelicem *Darii* contra *Scythas* expeditionem. Ibidem etiam *Myniarum* legimus Historiam urbemque *Cyrenem* ab eisdem iu *Lybiâ* conditam, regionis insuper illius gentes prolixè descriptas. Liber Quintus, *Persarum* legationem ad *A-* *Terpsicore.*
myntam *Macedoniæ* regem continet; nec non *Sisamnis* injusti judicis justam vindictam;

Erat0.

Polymnia.

Urania.

Calliope.

dictam *Aristagora* Milesii seditionem & exitum: statum denique civitatis *Atticae* *Lacedamoniorum* & *Corinthiorum*, qualis tempore *Darii Histaspida* fuerit, ostendit. Sextus *Histiae* seditiosi supplicium tradit: Regum *Laconicorum* originem indicat: *Darii* apparatus & bellum adversus *Gracos* exponit, pugnamque ad *Marathonem* quâ *Miltiades Persas* fortiter profligavit. Septimus deliberationem luculentissimam de bello suscipiendo adversus *Gracos* à *Xerxe* habitam deindè, famosissimam ejus expeditionem in *Graciam* & praelium ad *Thermopylas* complectitur. Octavus praelium ad *Salaminam* Insulam describit. Novus præter *Lycida* cujusdam poenas, duas narrat pugnas, uno eodemque die pugnatas: ad *Plateas* primam, diluculo diei: alteram ad *Mycalen* *Asiae* promontorium, eamque vesperi: quibus utrisque *Persae* devicti, & è *Gracia* penitus ejecti fuere. Atque hisce novem libris, præter *Medorum* ac *Persarum* Historiam, *Lydorum*, *Ionum*, *Liciorum*, *Aegyptiorum*, *Myniarum*, *Gracorum*, *Macedonum*, aliarumque nationum res gestas, mores, religiones, intertextas reperietis; tanta

fer.

fermonis puritate, elegantia, suavitate, ut ipsæ Musæ, à veteribus fingantur ore *Herodoti* locutæ esse: eamque ob causam libris hisce *Musarum* Nomina ab aliis (non ab ipso Auctore) imposita nonnulli opinantur. Doctissimus tamen *Vossius* (quod hic notare placuit) aliter sentit, *Eaq̃* ratione (inquit) opus suum novem *Musarum* nominibus inscripsit, quā tres *Æschini* orationes ob numerum, simulq̃ gratiam sermonis, Gratias dixere: & novem ejus *Epistolas* *Musas* vocarunt à *Musarum* numero, teste *Photio*, tmem. 61. satis autem liquere asserit, idem vir doctissimus, non ita nuncupari *Herodoti* libros, ut mendacia titulo ipso excusentur, quod censuit *Ludovicus Vives*; nempe quasi in ipso operis ingressu commoneri nos opus fuerit, quædam in eo ad animos oblectandos, aliquanto licentius dici, quod *Musis* permittitur. Nam licet quædam narrationes recitet *Herodotus* fabulis non absimiles, totum tamen *Historiæ* corpus, singulari fide, & diligenti veritatis studio coagmentatum est. De aliis verò narrationibus plerunque præfatur ipse, se eas non quòd veras esse existimet, sed ut ab aliis acceperit, recitare. ἐγὼ δὲ (inquit)

Lib. de Scr.
Græc. 1.
6.3.

58 METHODVS LEGENDI

(quit ὀφείλω λέγειν τὰ λεγόμενα: πείθειν γὰρ μὴν ἔπαντάπασιν ὀφείλω. i. *Ego quæ fando cognovi, exponere narratione mea debeo omnia, credere autem vera esse omnia non debeo: quod in tota Historia meminisse lectorem volo.* Iam temporum istorum Historiam de quibus scripsit Herodotus, non nihil amplificare possumus aut confirmare, lectione *Iustini*, lib. 2. 3. & 7. lectione etiam *vitæ*, ducum istorum celebrium, *Aristidis, Themistoclis, Cimonis, Miltiadis, & Pausania*, a *Plutarcho & C. Nepote* descriptarum. Adjicere porro licet *Philosophorum συγγραμμάτων* vitas a *Laertio*, videlicet, *Anaximandri, Zenonis, Empedoclis, Heracliti, Democriti, & aliorum ejusdem ævi.*

SECT. 9.

De Thucydide. Ejus elogia. Vnde & quousq; deducat Historiam suam, quam octo libris complexus est. Eorum argumenta breviter & singulatim explicantur: quinam Auctores de iisdem temporibus ac bellis cum Thucydide scripserint indicatur

He-

Herodoto succedit *Thucydides*, dicendi artificio, juxta & fide clariss. Historicus. Cujus elogia a doctissimis viris posita, hic etiam repetere non gravabor; indè enim fortassis Historiarum studiosi ad feriam ejus lectionem acrius accendentur. *M. T. Cicero* sic: *Thucydides* (inquit) omnes dicendi artificio, mea sententia facile vicit, ut verborum propè numerum, sententiarum numero consequatur: ita porro verbis apius, & pressus ut nescias utrum res oratione, an verba sententiis illustrentur. *Fabius Quintilianus*, sic: *Thucydides*: dulcis & candidus & fusus *De Orat. l. 2.*
Herodotus: ille concitatis hic remissis affectibus melior: ille concionibus, hic sermonibus: ille vi, hic voluptate. Recentiorum etiam audiamus judicium. *Iustus Lipsius* ita de eo loquitur. *Thucydides* (inquit) res, nec multas nec magnas nimis scripsit, sed palmam fortassè præripit *De Justit. Orat. l. 10.*
omnibus, qui multas & magnas. Elocutione totà gravis, & brevis; densus sententiis, sanus iudiciis, occultè ubiq; instruens, actionesq; vitamq; dirigens, orationibus & excursibus penè divinis; quem quo sæpius legas, plus auferas, & nunquam *In not. ad polit. l. 1. c.*
tamen

Prefat. ad
Polyb.

Epist. de
stud. politi-
co.

amen dimittat te sine siti. Isaacus Casau-
bonus. Magnus & vir & Scriptor Thu-
cydides; qui a gerendis rebus, ad eandem
stylo persequendas quum sese contulisset,
Historia ad usum scripta mortalium, cre-
do primus exemplum post futuris miran-
dum potius quam imitandum dedit. Chri-
stophorus Colerus. Thucydides Historiam
consummavit, cum Herodotus prior exor-
nasset. Volve, volve, & in sinu gesta illum
thesaurum. Bellum Peloponnesiacum de-
scripsit, vidit, & partim etiam attigit.
& tu illud apud eum non legere, sed spe-
ctare videre. Præterea apud eundem tan-
tum verborum gravissimorum, quantum
sententiarum reperias. Res explicat pru-
denter, severè, graviter. Undè planum fit
quantum homini politico conferre possit
qui de bello & pace deliberant, hunc ar-
tissimo sibi nexu devinciant consiliarium,
& omne punctum ferat Thucydides. Is
igitur (ut pergamus) a Xerxis è Græ-
cia discessu, (ubi desinit Herodotus)
usque ad vicesimum primum Belli Pello-
ponnesiaci, annorum ferè septuaginta Hi-
storiam, octo libris definivit. Etsi enim
bellum suo tempore gestum, inter A-
thenienses & Peloponnesios, (cuius & ip-
se

se pars magna fuit) ex professo describendum suscepit; libro tamen primo, sub ipso ingressu, *Veteris Græciæ* statum, ab *Argonautarum* usque & belli *Trojanæ* temporibus repetit; magnitudinemque *Peloponnesiaci* cum antea actis bellis conferens, ejusque causas, prætextus, & occasiones exponens, annorum quinquaginta, (qui inter *Xerxis* fugam & hujus belli initium intercessere) Historiam, a proposito nonnihil digrediens præmittit. Horum verò quinquaginta annorum, si lector plenam & perfectam desideret Historiam, priusquam ulterius progrediatur in *Thucydide*; adjungat hoc in loco *Plutarchi*, vel etiam *Cornel. Nepotis Themistoclem*, *Aristidem*, *Pausaniam* & *Cimonem*. *Diodori Siculi* lib. 11. & 12. *Iustini* etiam l. 2. & 3. huc facere possunt. Tum demum pergat in *Thucydide*, qui libro secundo bellum ipsum narrare aggreditur, ejus initii tempus primo limine designans, ordinemque totius operis exponens, nec non quæ fuerint primæ belli faces, & à quibus pugna primum inita ostendit. Indè sequitur Regis *Læconici* ad suos hortatio: *Periclea* auctoritatis juxta & Eloquentiæ prædicatio.

catio: horrendæ pestis *Atticæ* descriptio. Post hæc *Phormionis*, *Atheniensium* ducis præstantiam, victoriasque navales celebrat. Tum *Potideæ* deditionem, *Plateensium* obsidionem, *Thracum* denique adversus *Perdiccam* *Macedonem* cassam expeditionem commemorat. Atque ita trium primorum annorum Historiam nobis exhibet. Libro tertio trium immediate sequentium annorum res gestæ continentur: *Mitylenæorum* scilicet, ac reliquorum *Lesbiorum* ad *Lacedæmonios* defectio: quibus in potestatem denuò ab *Atheniensibus* redactis, illustris admodum de eorum supplicio habetur deliberatio. *Pachetis Attici* ducis crudelitas notatur. Vrbs *Platea* capta & solo æquata. *Corcyraeorum* seditio descripta. Belli *Siculi* semina. *Demosthenis* adversus *Ætolos* infauusta pugna: adversus *Ambraciotas* magis prospera. Libro quarto *Pylus* communita, obsessa, defensa; & *Nobilitas Spartana*, ibidem victa & capta legitur. Res a *Brasidâ* insigni *Lacedæmoniorum* duce feliciter in *Thracia* gestæ narrantur; atque hæc trium etiam annorum historiam conficiunt, Quintus indè liber, septem ferè annorum res gestas com-
pre-

prehendit: nimirum *Brasida* ducis *Spartani*, & *Cleonis Attici* prælium ad *Amphipolim Thraciæ* urbem, ubi interiêre ambo, pœnasque inquietudinis suæ meritas pertulêre. Tum varia utrinque fœdera, infirma omnia, & inconstantia. *Meliorum* stolidam & amentem pertinaciam, cujus denique tristis narratur eventus. Libro Sexto Auctor, primò *Sicilia Antiquæ* descriptionem, historiasque veteres nonnullas repetit. Tum prætextus belli *Siculi*, & pulchras quasdam circa illud, proponit deliberationes: dissuadente *Niciâ*, *Alcibiade* verò impellente atque incitante. Ad hæc portenta nonnulla quæ expeditionem *Siculam* antecessere memorat. Denique *Alcibiadis* ad *Lacedæmonios* defectionem, & res nonnullas in *Sicilia* gestas post *Atticæ* Classis appulsum recenset, quæ anno decimo septimo hujus belli acciderunt. Libro Septimo *Micalessus Beotiæ* civitas capitur a *Thracibus*, qui ibidem immaniter sæviunt: indè bellum *Siculum* persequitur Auctor, quod quidem Atheniensibus oppidò infelicitè cessit, easque ingenti admodum clade mulctavit; ducibus *Demosthene* & *Niciâ* captis, atque invito

64 METHODVS LEGENDI
invito *Gylippo*, cui sese dediderant, interfec-
tis. Hæc autem annis decimo octavo
& decimo nono belli *Peloponnesiaci* gesta
sunt. Libro denique octavo, post cladem
Athenis nunciatam, sequitur defectio fœ-
deratorum *Atheniensium* ad *Lacedæmonios*
hostes: fœdus etiam inter *Persici* regis
Satrapas & *Spartanos*. Posthæc *Democra-*
tia Atheniensium mutatur in Statum qua-
dringinta virorum; qui paullo post iterum
dissolvitur: *Alcibiades* ad classem *Atti-*
cam revocatur. Postremo classem *La-*
conicam & ducem *Mindarum* *Thrasylu-*
lus ac *Thrasylus Athenienses* post dubi-
um certamen ad *Abydum* vicerunt. At-
que hæc victoria contigit, anno 2^o O-
lymp. 92. anno hujus belli, 21^o, tempore
æstivo, quo desinit *Thucydidis* Historia,
ann. M. 3539. Cum *Thucydide* legendi
sunt, *Plutarchi* & *Cornelii Nepotis*, *Pe-*
ricles, *Alcibiades*, *Chabrias*, *Thrasylulus*,
Nicias. Item *Diodori Siculi* lib. 13^{us} *Iu-*
stini 4. & 5. denique *Orosii* lib. 1. c. 14. 15.
ex quibus plenior aliquanto fiet Historia,
& locupletior.

SECT. IO.

De Xenophonte. Laudes ejus & elogia
quando

HISTORIAS CIVILES. 85

quando & quo ordine legēdus. Quadra-
ginta octo annorum Historiam dedit.
Quam ex Plutarcho, Iustino, Diodo-
ro Siculo amplificare licet.

T Hucydidea Historiæ filum continuat
Xenophon, Attica Musa, & Apes
Attica, ob melleam dicendi suavitatem ^{Laert. &}
nuncupatus. Cujus etiam voce *Musas* ^{Suid. in e-}
quasi locutas vulgò ferri solitum testatur ^{ius vita.}
Cicero in Oratore. Luculentum Xeno-
phontis elogium extat apud Dionem
Chrysostomum, in oratione de dicendi
exercitio, ubi mirè ad ejus lectionem ad-
hortatur: atque inter alia ait, vel ejus so-
lius lectionem sufficere posse homini
politico. Neque inter ejus laudes mini-
ma hæc est quam refert Diogenes Laer-
tius, in ejus vita circa finem. Fertur (in-
quit) Xenophon Thucydidis libros eatenus
latentes quum subducere posset, ipse pri-
mus in ejus viri gloriam, in lucem dedisse.
Quo suo facto quantam sibi ab omnibus
sive eloquentiæ, sive Historiæ Græcæ stu-
diosis mereatur gratiam, nemo non in-
telligit. Hisce paria, ei recentiores etiam
Critici, tribuunt elogia. Xenophon, (inquit
Lipsius) in Historia suavis quidē & fidus:

E

certè

In not. al. 1. politic. cap. 9. Epist. de stud. politi- co.

certè *circumspēctus* Scriptor: è quo tamen *haurias* magis prudentiam civilem, quam ut eam propinet. Et tamen *Christop. Colerus*. Prudentia certè in libris *Xenophon- tis* ante ceteras virtutes palmam obtinet: elucet eximie ex *Cyri institutione*, & expeditione illa in *Artaxerxem*, in qua etiam patefecit, quantus ipse imperator esset. Regibus itaque & principibus *ἑσπερίων*: Imperatoribus, ut *Alexandro* *Homerus*, *ἰσθμίου* sit *Xenophon*. Tergemina *Xenophon- tis* gloria (inquit *Vossius*) nam de facundia viri nihil dicam; fuit & Philosophus, & Historicus, & bello dux bonus &c. Reverà, Hic a Philosophia profectus, princeps Historias scribere aggressus est. Elegantes illos de *pædiâ* sive Institutione *Cyri* libros missos faciemus, quòd superiora spectent tempora (de quibus *Herodotus*) neque ad Historiæ fidem, sed ad Imperii iusti effigiem concinnati dicantur. *Εὐκλείδου* sive *Rerum Græcarum* sui temporis Historias composuit, septem libris: quorum Primus & Secundus, immediate post *Thucydidem* legendi: residuum enim belli *Peloponnesiaci* complectuntur. Ac ubi desinit *Thucydides*, indè (quasi narrationis telam pertexens)

Floruit

max. ann.

40 Olym.

94. Laert.

A.M. 3550

orditur *Xenophon*; quæque porro inter *Athenienses* ac *Lacedæmonios* gesta fuerint, post illam anno 2^o Olymp. 92. juxta Abydum *Thraſybuli* de *Mindaro* victoriam navalem, (de qua supra dictum) ulque ad *Athenas* à *Lysandro* captas, anno 4 Olymp. 93. luculenter exponit. Quædam etiam *Medo-persica* hisce libris interferit: nimirum quomodo *Medi* à *Dario* rege *Persarum* defecissent, seque de novo ejus imperio submiserint: quomodo *Cyrus* minor *Darii* filius, ad patrem valetudine laborantem, in *Asiam* superiorem abierit, datis, in usum belli, contra *Athenienses* *Lysandro* pecuniis. Quomodo denique vivendi finem fecerit *Darius Nothus*, regnique successionem *Artaxerxes Mnemon*, ejus filius natu major, consecutus sit. Extremò demum libro Secundo, *Triginta Tyranni*, qui per biennium *Athenis* enormiter grassati essent, à *Thraſybulo* sublatisunt. Pax etiam, atque ἀμνηστία sive injuriarum oblivio, inter *Athenienses* jurejurando sancita. Atque ita Bello *Peloponnesiaco* finis impositus: quod bellum *Thucydides* ἐξιολογέτατον vocat τῶν πελοποννησίων, & μακρότατον; Ac verè quidem: in annum enim vicesi-

mum septimum, siue etiam octavum, uti ex *Xenophonte* liquet, protractum est. Hæc, inquam, *Xenophon* duobus primis Ελληνικῶν libris; quibus absolutis, Ἀναβάσεως septem libros, hoc est de *Cyri Junioris* expeditione, siue de *Ascensu* ejus in *Asiam* superiorem, contra *Artaxerxem Mnemonem* fratrem suum natu majorem, ab eodem *Xenophonte* scriptos interponat Lector. Quibus memoriæ proditum habemus, quo pacto *Cyrus* copias *Græcas* collegerit: & cum ijs adversus fratrem adscenderit: tum quâ pugna commissa fuerit, & ipse perierit: indè quâ ratione duces *Græcorum* (post pugnam) contra fidem datam occisi fuerint. Denique ut ipse *Xenophon*, *Cyri* in hac expeditione sequutus signa, post ejus mortem, dux à militibus *Græcis* electus, eos à penitissima quidem *Perside*, quotidie contra *Barbaros*, aut alias difficultates dimicans, in patriam reduxerit; ann. 1^o. Olym. 95. His jam expeditis, redeat Lector ad Ελληνικῶν libros, quibus rerum cum *Persicarum*, tum *Græcarum* narrationes luculentæ continuantur, usque ad pugnam *Mantinensem*, quâ *Thebani* *Lacedæmonios* vicerunt, sub ductu *Epaminondæ*: qui
 dum

HISTORIAS CIVILES. 69

dum non ducis tantum, verum etiam fortissimi militis officio fungitur, graviter vulneratus, paullo post occubuit; & cum eo vires quoque reip. *Thebanorum* ceciderunt. Anno. 2. Olym. 104. sic ut quadraginta & octo annorum Historiam, facundam quidem, nec revera minus rerum fecundam, nobis suppeditaverit *Grylli* filius. Hanc tamen ampliorem & locupletiore efficerere poterit Lector si (uti inter legendum *Thucydidem*, *Plutarchi Periclem*, *Niciam*, *Alcibiadem*) ita cum *Xenophonte* adiunxerit *Plutarchi* & *Nepotis Lysandrum*, *Agésilauum*, *Artaxerxem*, *Thrasibulum*, *Chabriam*, *Cononem*, *Datamen*. Namque hi omnes, intra illud temporis intervallum, de quo *Thucydides* & *Xenophon* scribunt, floruerunt: & eorundem temporum Historiæ, materiam minimè contemnendam suffecere. *Iustini* quoque 4. 5. & 6. huc advocari possunt: etiam 13. 14. 15. libb. *Diodori Siculi*. Quem auctorem proximo in loco diligenter legendum propono.

SECT. II.

Diodori Siculi pulcherrimum elogium.

E 3

Hi.

Historiam scripturus varias regiones peragravit. Xenophonteam continuat Historiam lib. 15. circa finem. Inde Philippi Maced. res gestas narrat. l. 16. Mox ad Alexandrum M. pergit, & Tertia Monarchia institutionem describit.

Floruit
Diod. Sicu-
lus tempo-
ribus l.
Ces. &
Augusti. O-
lymp. 183.

NAm licèt aliquot annorum centu-
rias antiquitate Xenophonti cedat,
in hâc nostrâ tamen Auctorum serie, suc-
cedat velim immediatè *Diodorus Sicu-
lus*; non unus de multis, sed celeberrimus
Scriptor, & cui antiquitatis cogni-
tione, vix habet Græcia quem conferat.
Quod quidem iudicium, Theologi cuius-
dam nostratis valdè eruditi, abundè con-
firmari potest, elogio illo quo præsul ad-
modùm Reverendus & harum immo om-
nis generis literarum pertissimus, super
hoc Auctore usus est. *Laudatissimus cum-
primis* (inquit) *Auctor, Diod. Siculus,*
qui summa fide, labore immenso, cura &
solertia singulari, Historicas construxit
Bibliothecas, (quemadmodum loquitur
Iustinus Martyr) suas & aliorum, in hoc
ipso genere operum varias, humanarum acli-
onum buccinam, sed et ipse illas nomina-
vit,

Cicest. E-
pisc. in
præf. ad
Apparatū.

vitæ commune quoddam χρηματισήριον, &
ἀκίνδυνον τὸ συμφέροντος διδασκαλίαν. Rectè
 dixit *immenso labore*, doctissimus Præ-
 sul; nempe triginta annos (uti de se fa-
 tetur Auctor) huic scribendæ Historiæ
 impendit, variis, interim regionibus dis-
 cendi gratia peragratis, periculisque ut
 fit obitis & superatis. Rectè & Ipse, *κοι-
 νὸν χρηματισήριον.* Apud hunc enim va-
 rias antiquitates, *Ægyptiacas, Assyriacas,*
Libycas, Persicas, Græcas, aliarumque na-
 tionum, res gestas ante bellum *Trojanum,*
 summatim prioribus* quinque libris expli-
 caras habemus; sicuti jã supra notavimus.
 Insequentes quinque libri, a quinto vi-
 delicet ad undecimum, periêre. Ab initio
 verò libri undecimi, ad decimum sextum,
 eorum temporum Historia, de quibus
Thucydides & Xenophon (uti suprâ iam
 dictum est) scripsêre, continetur. Extre-
 mò autem decimo quinto, Historiam *Xe-
 nophonteam* continuare, & quasi pertexe-
 re haud temerè dici potest. Ipse enim in
 fine ann. 2. Olymp. 104. ita expresse lo-
 quitur. *Hoc anno* (inquit) *Xenophon A-*
theniensis, Græcorum Historiam cum Epa-
minonda interitu concludit. Atque inde
 pergit *Sicelcota.* ad annum 3. eiusdem

* Priores edi-
 tiones la-
 tine sex li-
 bros nume-
 rant, erro-
 ris ansam
 præbuit li-
 bri primi
 divisio in
 partes du-
 as ab Au-
 ctore ipso
 instituta,
 unde inter-
 pres lati-
 nus, &
 Volaterra-
 nus atque
 alii decepti
 fuerunt,
 qui sex li-
 bros ex illis
 quinque
 conficiunt.

Olympiadis, quo bellum *Artaxerxis* cum rebellibus *Persis*, & cum *Agyptio*, perstringit: ibidem etiam reliqua *Agessilai* facinora exponit. Nec non utriusque mortem, *Agessilai* scilicet & *Artaxerxis*, (cui in regno *Persarum* successit *Ochus*) denarrat. A.M. 3588. Libro decimo sexto, *Philippi Macedonis Amyntæ* filii res gestas recenset ab ingressu in regnum, ad vitæ usque exitum. Eodemque libro, alia quæ per cognitæ terræ partes accidere commemorat. Istius libri decimi sexti Historiam illustrare atque amplificare possunt, *Corn. Nepotis Chabrias, Dion, Iphicrates, Timotheus, Phocion, & Timoleon*; horum ducum præstantissimorum gesta, hæc tempora admodum clara reddere: ab Olympiade CV^a. ad Olympiadem CX^{iam}, a cuius anno 2^o incipit *Diodori* liber decimus septimus, *Alexandri Magni* egregia narrare facinora; & quomodo is Monarchiam *Tertiam* instituerit docere. Vz. Olym. 112.

SECT. 12.

Alexandri M. res gestas varii scriptores executi sunt. Arrianus & Q. Curtius.

*us. Eorum elogia. Quo tempore flo-
ruerint. Successores Alexandri prose-
quitur Diodorus. Cui utiles suppetias
alii Auctores ferre possunt.*

Magni autem illius *Monarchæ* res
gestas, alii tam *Græci* quam *Latini*
uberius exposuerunt. Nimirum *Plutar-* plutarchi-
elogia vide
infra § 16.
chus in *Alexandri* vita, nec non duobus
aliis libris de *Alexandri* fortunâ pecu-
liariter scriptis. Et *Arrianus Nicomedi-*
ensis, septem libris, eleganti ac planè *Xe-*
nophonteo dicendi genere compositis.
Septem libris dico, quia octavum illum
qui vulgo circumfertur, de *Alexandri*
expeditione *Indicâ*, singularem esse li-
brum constat ex *Photio*; tum ex fine libri Lib. 2. de
Hist. Gr.
cap. 11.
septimi: quemadmodum notavit doctis-
simus *Vossius*. Hi duo *Græce*: *Latinè* verò
Iustinus libb. 10. & 11. Q. etiam *Curtius*.
Rufus, Scriptor valdè bonus & argutus,
sed ἀκέραιος vel hominum, vel tempo-
rum, vel utrorumque iniquitate factus.
Arrianus & *Quintus Curtius*, floridus u-
terq; (inquit *Colerus*) sed nitidior *Cur-* Epist. de
studio poli-
tico.
tius & quovis melle dulcior: lectorem ci-
lius defatigatum quam satiatum dimit-
tat: sententia passim directæ & obliquæ,
qui-

quibus mirè illustretur vita humana. Idem de *Curtio* l. *Lipsii* iudicium. *Historicus* (inquit), *me* iudice probus, legitimus-
 q̃, si quisquam fuit. Mira in sermone e-
 jus felicitas, in narrationibus lepos. *Astri-*
 ctus idem & profluens, subtilis & clarus,
 sine curâ illâ accuratus. Verus in iudiciis,
 argutus in sententiis, in orationibus supra
 quam dixerim facundus. *Acidalius*. Q.
Curtius rerû *Alexandri M. Latinus* super
 omnes Græcos diligens, verus, candidus
 & prorsus integerrimus scriptor si integrû
 haberemus. Sub *Vespasiano* floruisse *Cur-*
tium & *Historiam* suam edidisse prolixa
 disputatione probabiliter ostendit do-
 ctissimus *Vossius*. Neque suo privandus
 est elogio *Arrianus*; qui inter *Historicos*
Græcos tantæ in scribendo integritatis
 esse perhibetur, ut *φιλανθής*, veritatis
 consecretor, studiosusque cognomina-
 tus sit, atque ita etiamnum honestetur in
 libris *Calii Rhodogini*. Fuit autem Philo-
 sophus ex *Nicomedia* oriundus, atque *A-*
driano, ac *Antonino*, imperantibus *Roma*,
 clarus, novus *Xenophon* cognomento in-
 digitatus; uti testatur *Cataneus* in Com-
 mentariis ad *Plinii* Epistolas. Hi, inquam,
 de *Magno Alexandro* fusiùs scripserunt.
 Ejus

præf. ad
44.

Lib. de Hist
Lut. 1. c.
28.

Lib. 1. c.
ultimo.

Lib. 1. ep. 2.

HISTORIAS CIVILES. 75

Eius successorum Historiam profequitur idem *Diodorus Siculus* libris, 18, 19. & 20. ab Olympiadis CXIV anno secundo, ad finem Olimpiadis CXIX. A. M. 3650. Cuius interualli Historiam pleniorē adhuc reddere poterit Lector, si admittere placeat *Iustini* libros, 13. 14. & 15. *Plutarchi Demetrium*, atque *Eumenem*. Et quia *Siceliota* nostri posteriores viginti libri, quibus Historiam uniuersalem usque ad expeditionem *Julii Caesaris* in *Britanniam* (h.e. usque ad Olympiadem CLXXX^{am}) continuasset, periēre, Velim ut historię studiosus, *Iustinum* adhuc non dimittat, sed reliquos eius percurrat libros, usque ad vicesimum nonum; quibus subiungat *Plutarchi Pyrrhum*, *Aratum*, *Agidem*, *Cleomenem* & *Philopœmena*. Nec non Eclogas illas, siue *Excerpta* ex *Diodori* lib. sex, qui vicesimum sequuntur, & in editione *Laurentii Rhodomanni* extant. In illis haud pauca de *Agathocle Sicilia Tyranno*; de rebus in *Sicilia* gestis; de *Pyrrho* ibidem belligerante, de primo bello *Punico*, notatu non indigna reperiet. Neque multum puto a rectâ methodo legendi Historias deviabit, si a *Iustino* nequicquam nunc recedat, donec libros

76 METHODVS LEGENDI
reliquos usque ad penultimum absol-
verit.

SECT. 13.

*Polybius ubi legendus. Quorum tempo-
rum historiam scripserit. Quomodo a-
nimum ad scribendum appulerit. Quan-
tus vir fuerit. Quibus elogiis celebra-
tus. Ejus Historie pars maxima periit,
aut in fragmenta dissipatur. Librorum
superstitum contenta.*

SIn autem ; post *Diodorum Siculum*,
Polybius legendus accedat : prudens
Scriptor si quis alius. Eorum temporum
res gestas literis consignandas sibi pro-
ponit, quibus & cæpisse & consummata
fuisse traduntur Romani Imperii incre-
menta. Quod ut sælicius ac certius effe-
ctum daret, itinera quoque longinqua, &
pericula haud mediocria suscepit ; in per-
agrandis Africâ, Hispaniis, Galliis, ipsi-
que Alpibus ; indè Historiam suam com-
posuit universalem, annorum quinqu-
aginta triū. Qualis autem quantusque vir
fuerit, ex eo promptum est conjicere,
quod tot statuas ei erexerint Græci : ad

Pa-

Palantium, Mantinea, Tega, Megalopolim & alias Arcadiae urbes. Quarum inscriptiones (inquit Pausanias) testabantur; Alia, vagatum eum fuisse, per terras & maria omnia; amicum & socium Romanorum fuisse, quos etiam iratos Graecis placavit. Alia, Graciam nihil ab initio offensuram fuisse; si Polybii consiliis parvisset: jam vero graviter affecta eum illum praesidio fuisse. Quid quod ipse Pausanias testetur, tantum eum fuisse politicum, ut quaecunque monitu ejus gesserit Romanus Imp. omnia bene ei evenisse: in quibus vero minus se ejus viri dicto audientem praebuit, in iis offendisse. Tantum etiam, ut civitates plane omnes quae se Achaiae contribuissent, eum Rerum suarum publicarum Auctorem, legumque latorem habuerint. hinc non dubitamus, quin meritissimo à doctis viris amplissima elogio Historiae ejus sint tributa. Exempli gratia; à Joh. Bodino. Polybius non modo equalis ubique & sui similis; sed etiam intelligens, gravis, in laudibus parcus, in reprehensionibus acerbus, ac veluti prudens legislator & bonus Imperator. Multa de remilitari urbanâque disciplinâ, multa de Historici officio disputat. Neque differt ab hisce

Inter not.
ad 1. lib.
Polit. c. 9.

Iustus Lipsius. Diffusior in ejus laude. *Polybius*, indicio & prudentia *Thucydidi* haud dispar, curâ & stylo solutior; qui excedit, abrumpit, diffundit, & sæpe non tam narrat, quàm ex professo docet. Sed recta & salutaria ubiq; ejus monita, & quem ego, hoc magis Principibus commendatum velim, quòd anxia in eum inquisitione non opus; sed sensus suos aperit, & revelat ipse &c: Verum *Polybii* excellentiam, & in quantum aliis præstet Historicis, luculenter demonstravit eruditissimus *Casaubonus*, in præfatione suâ ad *Polybium*. Scripsit libros quadraginta, quorum solos quinque priores, sua integritate conspicuos habemus: reliquorum fragmenta tantum & excerpta quædam, multo labore, & singulari industria dicti *Clarissimi Casauboni* in unum collecta, & quatenus licuit, suo nitori restituta. Primis duobus libris quos *Apparatus*, sive preparationis *Olymp. 98.* libellos nuncupat, *Reip. Romanae* tempora strictim attingit; a captâ *Roma* per *V.C. 365.* *Olymp. 128.* *Gallos*, duce *Brenno*, ad primum extra *Italianam* cum classe transitum: & paulò uberius, a primâ traiectione in *Siciliam*, *Olymp. 140.* quando bellum *Punicum* primo est confectum, ad *Punici* Secundi annum primum

mum. Quas ille res cum *Græcanicis*, aliorumque populorum, ratione temporum congruentibus, in illa duorum librorum præparatione comparat. In quibus (verba sunt ipsius doctissimi *Casauboni*) multa studiosi invenient, nusquam alibi tam benè descripta: Quædam omninò apud alium nullum, neq, *Græcum*, neq, *Latinum* invenienda. Tres qui deindè sequuntur, propter subjecti magnitudinem, varietatem ingentem, accuratam ejus tractationem, doctrinæ denique, quæ civilis, quæ bellicæ, uberrimam copiam, ut magni duces ac viri politici, eos diligentissimè frequentissimeque versent, meritò merentur. Reliqui libri (quorum frustra quædam & fragmenta supersunt) pari accuratatione compositi, Historiam continuabant ad finem belli *Macedonici Secundi* cum *Perseo*, & ad ultimam regni *Macedonici* eversionem. Ita ut jam constet Historiarum studiosis, me in hac lectionis Historicæ dispositione atque ordine, viam eòsque monstrâsse, quò digitum intenderat (ille quem suprà nominavi, nescio quis) *Æmylius Sura*. Nempe ad illud ævi, quo populi Romani magnitudo in tantum creverat, ut penes eos
 sum-

summum totius ferè orbis Imperium fuisse non immeritò dicere possimus. Id autem eo anno adimpletum autumamus, quo Macedonia in provinciam redacta est, uti suprà probavimus. Nimirum, An. ab VC. 587. A.M. 3784.

SECT. 14.

De quarta Monarchia Romanorum. Ad eius Historiam transitio. Vtriusq; laudes. Historicorum Romanorum fata deplorantur.

QVapropter quum inter eminentia illa quatuor, & Summa Mundi Imperia, de quibus loquuti sumus, Romanorum istud maxime eminuisse constet: quumque eorum respub. (uti prudenter observat, ex Polybio, eruditissimus Casaubonus) si qua unquam alia, omnes temporum diversitates, secundum naturæ communis leges, sit experta; nostro Historiarum Lectori plurimum expediet, retro hîc tempora aliquantū spectare, & ipsa Romanorum primordia (quæ durante adhuc prima Monarchia contigerunt) repetere, atque indè ad incrementa descendere;

HISTORIAS CIVILES. 81

dere; postea ipsorum ad interitum inclinationem contemplari: recto temporum atque Auctorum ordine diligenter observato, atque ita demum, ad exitum huius intervalli perveniet, quod nobis tertio loco definivit ex Varrone *Censorinus*. Et reverà ut Lector noster Historiarum studiosus magis prompto, attentoque magis animo, huc sese applicet, *Iust. Lipsium*, virum inter philologos haud immeritò magnū & de Historia Romana optimè meritum, seriò invitante audiat. *In Cent. 3. misc. ep. 61.*

„ Romanà (inquit) Historia, ubertim verū
 „ & eventuum eorumq; insignium; & quæ
 „ plures Sriptores illustrarunt. O magnum,
 „ O pulchrum imperiū! & addo diuturnū.
 „ Ideoq; non mirum, si viris factisq; brev-
 „ via illa & fugacia Græcorum superavit.
 „ Græci præceptis valent (ait quispiam)
 „ Romani exemplis. Et hercules ita est:
 „ non fuit gens, puto non erit, quæ plura,
 „ vel in militia, vel in pace, laudis & vir-
 „ tutis suppeditabit. Itaq; ad hanc (mi
 „ adolescens) ad hanc segetem veni, mani-
 „ pulos frugum collige, & in usum tuum *Livius in
 „ reconde. Et meritò quidem (Iuste Lipsi) proem. libr⁶*
 Nam quod olim T. Livius, Aut me amor 1.
 negotii suscepti fallit, aut nulla unquam

Cic. Tuscul.
qu. l. i.

Lib. 2. c. 7.
6.

*Respub. nec maior, nec sanctior, nec bonis exemplis ditior fuit. Et M. T. Cicero. Quae tanta gravitas, quae tanta constantia, magnitudo animi, probitas, fides? quae tam excellens in omni genere virtus in ullis fuit, ut sit cum maioribus nostris comparanda? Firmat omnia Val. Maximus. Nostra urbs omni genere mirificorum exemplorum, totum Orbem terrarum replevit. Atque hinc fanè Romanorum Historicorum fata lugendi, iusta nimis emergit occasio. Nam ut parentes levius ferunt, non natos sibi liberos, quam postea denatos: sic nobis fortassè, si de principum illorum Historicorum scriptis nunquam audissemus, dolor nullus advenisset. Nunc cum fragmenta intuemur, & titulos pulcherrimorum operum videre contingit, angimur desiderio, & torquemur animitus; quòd magna pars eorum penitus interierit; quòd reliqua, aut vetustate corrupta, aut temporum invidiam fœdè mutilata, aut scilicet manibus interpolata, pessimeque tractata fuerit: id quod neminem antiquitatis indagatorè fugere queat. Tro-
(gus), optimus Auctor, & quem disertissimis viris in Probo annumerat Vopiscus, desideratur totus, nisi quod ejus operis*

Epitomā habemus satis elegantem; ex qua tamen de integro *Trogi* opere judicare, desipere esse affirmat doctissimus *Bongarsius*. *Salustii* optima periit Historia. De *T. Livio* minimum superest. Non multum de *Tacito*. Dimidiatus extat *Ammianus*. Eandem passi sunt temporum injuriam *Græci* rerum *Romanarum* Scriptores; (quemadmodum supra quoque notavimus) *Polybius*, *Diodorus*, *Dionysius*, *Dion Cassius*: qui si extarent integri, perfectam haberemus Rerum *Romanarum* memoriam, ab V. C. ad annum paullo minus millesimum. Sed contenti sumus hoc *Catone*; divina factum providentia est, ut ex ijs quæ adhuc supersunt reliquiis, Historiæ Romanæ corpus concinnari possit venustum satis; cuius imaginem, ab Auctore nostro *L. Annao Floro*, brevi quadam tabella graphicè depictam reperietis.

In Annot
ad Justinū.

SECT. 15.

*Romanæ Historiæ cursus unde auspican-
dus. L. Annaeus Florus commendatur.
Doctorum de eo judicia. Non est idem
cum Livii Epitomæste. Ejus hallucina-*

tiones excusantur. Ejus scribendi Methodus. Vnde errores verosimiliter irrepperint. Sigonii & Onuphrii Fasti Consulares, item Pighii Annales, laudantur.

*Elect. l. 2.
Cap. 5.*

*Epist. de
stud. politico.*

HAnc igitur tabellam, *Historia Romana* studiosum, oculis atque animo intentis perlustrare, intueri, contemplari, primo loco hortantur viri doctissimi, & rei Historicae peritissimi. Nec immerito; cum sit rerum *Romanarum* Compendium (si quid in *Iusto Lipsio* sit iudicii) compositè, disertè, eleganter Scriptum. Neque ibi sistit ejus censura: addit porro: subtilitas quidem & breuitas sæpè mira; & sententiarum quaedam gemmula, cum iudicio inserta, & veritate. Nec diuertit ab hac censurâ, quem supra sæpius advocavi *Christoph. Colerus*, I. Ctus, vir insigniter doctus. Ejus verba sunt. Nihil me hercule in incundiùs tersissimum illum libellum legas, quam Apellis tabulas intueare; ita compositus, ita elegans est. Miror iudicium quod ubiq; cum subtilitate & breuitate sententiarum, in tanto rerum acervo & varietate inserit. Horum utrique præiuit, jam olim Auctorum cen-

for

for prædoctus *L. Vives*, in libro de tradendis disciplinis, ubi palam affirmat, eo opusculo nihil posse fingi, in suo genere vel acutius, vel lepidius. In eo tamen frustra esse, tum ipse *Vives*, tum alii viri docti putantur, qui *Florum* hunc nostrum eundem esse censent, cum *T. Livii* Epitomaste, qui singulorum ferè *Livii* librorum argumenta reliquit: multo magis illi, qui *Florum* nostrum *Liviane* Historiæ Epitomen, hoc suo compendio dare voluisse opinantur: siquidem nec *Livianam* observat Methodum, & a *T. Livio* sæpè discedit. Atqui ut huic *Floro* detrahant nonnulli, latæ eum culpæ reum esse objiciunt; tempora confundendo; id quod prius gestum est posterius commemorando; *Imperatorū*, nomina & munia frequenter aut perturbando, aut permiscendo: sic ut non possit non sæpius hallucinari, qui hunc ducem sequi velit. Haud ibo inficias, hujusmodi errores, apud hunc Auctorem nonnunquam reperiri: nec dicam utrum per incogitantiam, an per negligentiam, an denique per inscitiam admissi fuerint. In quibusdam tamen, excusari eum posse, mea fert opinio. Nam quod temporum confusionem objiciunt,

sciant; quod narrationes suas per capita & species instituat, potius quam per tempora: homogenea ab heterogeniis, & contrà, segregans: bella à conjugationibus; civiles discordias à militaribus expeditionibus distinctè exponens. Vtunque quod de *Paulò Diacono* magnus quidam *Philologus*, id ego de *L. Annæo Floro* lubens usurpaverim; Nemo Chronologorum tam fatuus fuerit, ut exactam Fastorum seriem a *L. Floro* petat, cœ calculatore jurato Deindè quod nominum & munerum perturbationem attinet; ejusmodi sphalinata, quis nescit librariorum incuriâ nonnunquam, nonnunquam veterum notarum imperitiâ, irrepere solita? præsertim in nominibus Imperatorum, ac magistratuum Rom. Nec non in annorum numeris transcribendis. Nec me latet quid *Andreas Schottus* vir impensè doctus, alicubi conquæsitus est: *Nominum affinitas* (inquit) *vocumq; cognatio*, dici non potest quantas in *Historia Romana Reipub. familiisq; ipsius diiudicandis*, tenebras semper offuderit; & quantum hodieq; facessat hominibus *Antiquitatis studiosis*, veterum *Scriptorum interpretibus*. Itaque duces hac ex parte lon-

Observ.

Hist. l. 3. c.

34.

longè certiores sibi adsciscere Lector noster, si velit, potest, (& ut velit luadeo) *Caroli Sigonii* vel *Onuphrii Fastos Consulares & Triumphos*: nam in ijs *Historiam Romanam*; breviter & ordine adumbratam reperiet. Vel etiam *Stephani Vinandi Pighii Annales Magistratum, & Provinciarum S.P.Q.R.* Extra quos nullum aptiorem commentarium, non ad *Florum* nostrum modò, sed ad ipsum *T. Livium* etiam, ad *Dionys. Halicarnassenum, Dionem*, omnesque adeo *Romanarum* rerum Scriptores, nec sperari, nec optari quidem posse, affirmat eruditissimus ille Iesuita *Schottus*, modò nominatus. Denique quum in pulcherrimo alicujus puellæ corpore, ob cæteras eximiæ formæ dotes, si quid fortè nævi occurrat inspectanti, facilè condonetur; cur non pauculos quosdam errores, in tam concinno alioquin utilique opere, non promptè Auctori ignoscamus?

SECT. 16.

In lectione Romanae Historiæ quo ordine pergendum. Dionysius Halycarnass. laudatur. Historia ejus, quot annorum se-

riem contineat. Cur ei principem locum tribuamus, ratio redditur, & ex I. Bodino confirmatur.

Post imaginem verò & umbram attentius inspectam, corpus ipsum *Romane* Historiæ, per suas partes, lustrare & explorare pergat: quod hoc Auctorum ordine, si me audiat, faciet. *Dionysius Halicarnassæus*, omnium confessione, Scriptor gravissimus, & in *Romanis* Antiquitatibus peruestigandis, describendisque accuratissimus perhibetur. Eum igitur agmen ducere volo. Quippe ut liquidò liqueret undè genus suum hauserint *Romani*, ea primum quæ de *Aboriginum* populo, & priscis *Italiae* gentibus, non ex fabulis tantum & vulgi rumoribus inaudiverat, sed ex libris etiam *Portii Catonis*, *Fabii Max. Valerii Antiatis*, aliorumque plurium didicerat, refert: mox pertexit Historiam viginti libris, usque ad primum bellum *Punicum*; quod cœpit anno 3^o vel 4^o Olymp. 128. anno V.C. 488. Verum ex istis viginti libris, quos teste *Photio* reliquit, undecim tantum ad nos pervenerunt, in quibus annorum trecentum & duodecim Historiam, multa fide

de & cura descriptam habemus. Nec temerè primus huic *Dionysio* tribuitur locus in hac nostra Auctorum catena; faciem enim lucidissimam prælucebit philistorico nostro, sine quâ fieri non potest, quin frequenter hæreat, cæcutiatque & in nocte densissimâ ambulet, dum *Latinas* tantum versat Historias. Vultis rationem? multiplicem nobis suppeditabit *Johannes Bodinus*, Methodi Cap. 4. ubi de hoc Auctore sententiam suam profert hisce verbis. *Dionysius Halicarnassæus*, præter moderatum dicendi genus, & Atticam puritatem, Antiquitates Romanas ab ipsius Urbis origine, tantâ diligentia conscripsit, ut Græcos omnes & Latinos superâsse videatur. Nam quæ Latini quasi pervulgata neglexerunt, puta Sacrificia, ludos, triumphos, Magistratum insignia, tum universam Romanorum in gubernanda Rep. disciplinam, censum, auspicia, Comitia, totiusq; populi difficilem in classes ac tribus partitionem; postremò Senatus auctoritatem, jussa plebis, magistratum imperia, populi potestatem, unus omnium accuratissimè tradidisse mihi videtur. Quæ ut planius intelligerentur, Græcorum leges ac ritus, cum Romanis institutis comparat,

rat, ut cum jura Clientelarum, quæ Romulus instituit (quanquam ea quoq; Gal-
torum communia fuisse tradit Cæsar) ab
Atheniensibus & Thessalis altius repetit.
Ac Romanorum Dictatorem parem po-
testatem habuisse atq; Harmosten Lace-
dæmoniorum; Archum Thessalorum; E-
zymneten Mytelænarum. Leges autem
Romuli, Numa, Servii, unâ cum antiquâ
Romanorum origine, sine hoc Auctore, pe-
nitùs interiissent: quæ Latini quasi per-
vulgata negligenter omiserunt. Atq; id
ferè omnibus Historicis contigisse vide-
mus, ut quæ vulgo cognita sunt, Reipub.
instituta prætermittant; quasi exteris æ-
què ac civibus nota, vel etiam immutabi-
lia fore indicarent. Hactenus Bodinus.
Quantus autem vir fuerit Dionysius Ha-
licar. Si quis scire porro desideret, quan-
tæque sint ejus Historiæ utilitates, legat
operas varias Henrici Stephani, Historiæ
Halicar. adiectas. Vixit sub Augusto Cæ-
sare, ita ipse in præfat. Varroni dome-
sticum fuisse & familiarem, & ex eius
fontibus optima quæque hausisse vult
Iohannes Bodinus. lib. 3. de Rep. c. 3.

HISTORIAS CIVILES. 91

T. Livius abundè, nec immerito, laudatur. Quo tempore vixerit. Quot libros scripserit. Eorum divisio unde. Quo ordine legendi. Quomodo eorum Historia vel amplificanda, vel in defectu supplenda. Plutarchi laudes & Elogia.

Post hunc *Dionysium*, sequatur Latinae princeps Historiæ, *T. Livius*: Eloquentiæ ac fidei præclarus imprimis: (id ei eulogium tribuitur apud *Tacitum Annal. 4.* à *Cremutio Cordo*) quod prolixius confirmat *Quintilianus*, ubi eum cum *Hero. Lib. 10. cap. 1.* doto componit. Non indignetur (inquit) sibi *Herodotus* æquari *T. Livium*, cum in narrando miræ iucunditatis, clarissimiq; candoris, tum in concionibus suprâ quam enarrari potest eloquentē, ita dicuntur omnia, cum in rebus, tum personis accommodata. Sed affectus quidem præcipuè eos qui sunt dulciores (ut parcissimè dicam) nemo Historicorum commendavit magis; ideoq; immortalem illam *Salustii* velocitatem, diversis virtutibus consecutus est. Neque hisce inferius (licet recentius) est *Casauboni* viri clarissimi atque eruditissimi de eo testimonium: magnus (*Deus bone!*) Auctor *T. Livius*; lactea quâdam

In præf. ad Polyb.

92 METHODVS LEGENDI

dam ubertate dictionis divinitus facundus, amans virtutum, Otor vitiorum, re-
ctus iudicii, rerum toga, rerum sagi (et si
non eo usu neq; experientia, egregie tamen)
peritus : deniq; si quid iudico, hoc so-
lum ingenium (de Historicis loquor)
Pop. Romanus par imperio suo habuit.
Solidæ sunt hæ laudes, & satis proluxæ
quibus ornatur *T. Livius*; neque tamen
mihi possum temperare, quin huc etiam
adscribam *Iohannis Alariensis Episcopi*
de eo censuram; quam adeo miratur *Lud.*
Vives; Et reverà spero me quoque sic fa-
cturum rem studiosis utilem juxta &
gratam : siquidem virtutes ostendet quas
in Historia sequamur, & quæ fugiamus
vitia : sive hæc ille in *T. Livio* observâ-
rit, sive in ratione Historiæ componen-
dæ, sive in collatione amborum. Non il-
lum (inquit) varietas confusum, non simpli-
citas Historia fastidientem reddit. In te-
nuis quod persæpè accidit atq; humili re-
rum materia, non est exanguis, aridus &
ieiunus: in copia vero ac magnitudine, non
turgescens ac vastus; plenus citra tumo-
rem; æquabilis ac lenis citra molliciem, nec
luxuriose effluens, nec nimia sterilitate ta-
bescens. In asperis rebus non salebrosus,

De ratio.
dicens. 13.
p. 194. 1.
de Histor.

neq; languens; in mollibus, non violentâ & coactâ oratione subsultans; non ita tamen copiosus ut nimius; neq; ita suavis ut lascivus; nec adeò levis ut remissus: non sic tristis ut horridus; neq; ita simplex, ut nudus; aut adeo comptus, ut affectatâ compositione calamistris videatur inustus: par verbis materia, par sententiis rebus. In re gestâ exprimendâ, gravis atq; magnificus, & tamen succinctus ac proprius. In narratione naturalis, & semper spectatus, ordinem minime confundens, & rerum eventa non præcurrens; minime in gratiam adulator, aut reprehendendo parcus in Veniam, non amarulentus in noxam. Ipse quoq; Senatui, ordini illi orbis terra moderatori venerando, Populoq; Rom. terrarum principi, si vel temeritate præcipites, vel errore Lapsi, vel quacunq; forent ratione supra modum iustumq; evecti, nequaquam parcens. Res etiam adversariorum debitâ commendatione non defraudans, ut modò narrator tantum, modò censor esse videatur: atq; ita severus & tetricus, ut ne Censoribus quidem gravissimis, quibus nihil Romæ sanctius fuit, ubi factus usus fuerit, unquam ignoverit. At verò inconcionibus, ante omnia verborum parcus,

sen-

*Variarum.
Epist. 22.*

sententiarum dives, multo est verbis, quam sensu restriction atq; concisior, in qua parte non ceteros Scriptores tantum, sed seipsum quoq; longe antecellit. Hæc ille de Livio inquit Lud. Vives, atque adeo de Historico optimo. Sub Augusto suam edidit Historiam; quarto Tiberii anno mortem obiit. Libros scripsit centum & quadraginta, (quos in Decades, non imple, sed fastidiola legentium scindit ignavia; (Petrarchæ opinione). Verum ex his triginta quinque soli supersunt. Quorum tres quidem priores, multa habent cum Dionysio communia; tanta tamen sermonis suavitate atque elegantia descripta, ut repetitionis Lectorem pigere nequaquam possit. Reliquis Septem libris primæ decadis, Historiam continuat Auctor, ad Annum V. C. 461. Jam verò, priusquam ulterius progrediatur Lector noster, quamvis locupletissimam fortassis primorum temporum Romanorum ex Dionysio Halicarnassæo, & ex prædictis T. Livii libris Historiam nactus jam fuerit: hoc in loco tamen haud inutiliter legi possunt, Plutarchi Romulus; Numa Pompilius; Valer. Poplicola; Coriolanus & Camillus. Haud inutiliter

dis

dixit: ecquid ejus Auctoris sine magno emolumento & operæ pretio legi potest? presertim si lector serius accedat, perspicax & judicandi peritus? Thesaurus sapientiæ, doctrinæ, Historiæ, in *Plutarcho* reperire est. Immo sunt qui ejus monumenta (*Parallela dico majora, & Moralia*) omnium veterum Historiæ Scriptorum, omnium denique qui præclare, rectè, ac sapienter aliquid aut fecerunt aut dixerunt, (seu Græcos seu Latinos putemus) *Bibliothecas* esse affirmarunt.

Vt non immeritò *Theodorus Gaza*, interrogatus aliquando, quemnam Auctorem sibi reliquum fieri vellet, si cæteris omnibus carendum esset; Vnum *Plutarchum* responderit. Hac propter eum toties Historiarum studiosis, suprâ & deinceps, commendamus; atque per partes legendum, sed suo quasque tempore præ-

cipimus. Per partes (inquam) quia (uti *polit. Lib. 1. Lipsius* non propriè Historiam sed par-

ticulas Historiæ scripsit, & *ablegit illarum virorum vitas*. Et tamē inibi (si *Ca-*

leri iudicio stemus) omnibus numeris leges Historiæ absolvit, magis quam *Suetonius* aut alius talis. Vtcunque, dignus herculè, si quis alius (opinionē *Lipsii*)

prin-

*In not. ad
polit. Lib.
1. c. 9.*

*Epist. de
stud. polit.*

96 METHODVS LEGENDI

principe Scriptor, qui iudicium mirificè format, & diffusâ ac planâ quadam scribendi viâ ad virtutem ubiq; & prudentiam ducit.

SECT. 18.

T. Livii Decas Secunda, h.e. à libro 10. ad 21. tota interiit. Quomodo, & undè ea Historia suppleri possit. Appianus Alexandrinus. De eo quid censeant viri doctissimi.

SEd ut pergamus quo eundum erat
 Sin T. Livio. à libro ejus decimo ad
 vicesimum primum, tota Decas secunda
 desideratur. Historia scilicet annorum
 septuaginta, ab anno videlicet V.C. 461.
 ad annum V.C. 531. intra quod tempo-
 ris intervallum, (præter alia notatu ap-
 primè digna) incidisse dicuntur, Bellum
 Tarentinum cum Pyrrho Epyrota; Bel-
 lum Punicum Primum; Bellum Ligasti-
 cum, Illyricum, & Gallicum. Huic igitur
 defectui supplendo, inserviunt Epitoma-
 stis illius (Auctoris nostri cognominis)
 argumenta. Ad consummandam verò i-
 storum temporum Historiam, adsciscen-
 dus

dus est *Plutarchi Pyrrhus*, nec non *Ju-*
stini liber decimus septimus, inde deci-
 mus octavus. Denique vicesimus secun-
 dus, & vicesimus tertius. Hisce adjun-
 genda quatuordecim capita libri quarti
Orosii. Et quatuor prima capita Libri ter-
 tii *Historiæ Miscellæ Diaconi*. Præcipuè
 verò *Polybii* lib. 1^{us} & 2^{us}. Vbi de bello
Punico primo, licet plenam non habea-
 mus Historiam, plura tamen quam apud
 omnes *Latinos* qui extant, inveniemus.
 Idem de bellis quæ *Romani* gesserunt
 cum *Gallis* in *Italia* degentibus, censen-
 dum. Huc etiam possunt advocari, *Fabius*
Maximus Plutarchi, & *M. Marcellus*;
 qui fortiter in primis & foeliciter contra
Ligures & *Gallos Cisalpinos* pugnare:
 sicuti postea fecerunt bello *Punico Secun-*
do adversus *Carthagenenses*. Siquidem
 ille, primus *Annibalem* morâ fregit; hic
 eum posse vinci primus docuit, uti scri-
 bit Auctor de *Viris Illust.* postremo, *Io-* Cap. 45.
hannes Zonaras, qui res *Romanas* ab urbe
 conditâ, ad *Constantinum magnum* bre-
 viter perstrinxit, tomo Secundo *Annali-*
um, potest fortassis adminiculi huc aliquid
 conferre, ad lacunam illam in *Historiâ*
Livianâ explendam: nonnihil etiam *Ap-*
G
pianus

Biblioth.
cod. 57.

Methodi
2. Cap. 4.

Balduinus
l. 1. de Inſt.
Hiſt. p. 87.

pianus Alexandrinus in Punicis & Iſt-lyricis, Scriptor ex cenſurâ *Photii*, quoad ejus fieri potuit, veritatis amans. Militaris diſciplinæ (ſi quis alius) enarrator: ſed unus eſt ex omnibus Hiſtoricis, qui Romanorum provincias, opes, exercitus, totiusque Imperii deſcriptionem ad intue-ndum velut in ſubjecta tabula proponit. Vti obſervavit *Iohannes Bodinus*. In eorum tamen antiquitate ſæpiſſimè offendit, inquit idem *Bodinus*. Et *Iosephus Scalliger* in *Animadverſionibus Eusebianis* eum in Hiſtoria vel admodum infantem fuiſſe autumat, vel multa ejus Syriacis eſſe adſuta. Quin & doctiſſimus *Voffius*, cum *Polybio* multum debere, ac *Plutarchum* ad verbum exſcribere ſolitum, affirmat. Reverà *Franc. Balduinus* aliquot *Plutarchi* in *Crasso* paginas, de bello Parthico, in libris quoque *Appiani* repetitas legi fatetur. Verum id eſſe factum ſuſpicatur, non ab ipſo *Appiano*, qui *Plutarcho* fuit æqualis; ſed a librariis, ut ſupplerent aliquam in *Appiani* comentariis lacunam.

SECT. 19.

Ad

Ad reliquos viginti quinque libros T. Livii ubi pergendum. Eorum Historiam quinam alii Auctores confirmare aut illustrare possint. Decades novem posteriores cum dimidia prorsus desiderantur. Unde resarcienda earum jactura. Salustii Historia laudatur. Item Caesaris Commentarii: ab eruditis priscaevi, juxta & modernis.

Hisce utcumque subsidiis auctus, Lector noster, Historiæ studiosus, ad librum XXI. T. Livii procedat, (h. e. ad *Decadem Tertiam*.) Indè continenter pergat omnes reliquos, quotquot supersunt, diligenter ordine percurrere (duas videlicet *Decades* & dimidiatam) in quibus, Historiā minimè intercisam, annorū quinquaginta & sex, videre potest, usque ad annum VC. 587; sed & una cum istis T. Livii viginti quinque libris, (totidem enim, post primam *Decadem* commune naufragium evaserunt) præter illos *Plutarchi* suprà nominatos, *Fabium* & *Marcellum*, conjungit *Hannibalem*, *Scipionem Africanum*, T. *Quinctium Flaminium*, *Paullum Aemilium*, *Catonem Majorem*, sive *Censorium* vocatum. Horum enim

quilibet intra spatium prædictum floruit,
 eorumque singulares Historias, & una
 rerum *Romanarum* successus, *Plutarchus*
 literis aliquanto fusiùs, nec minus lucu-
 lenter consignavit. A libro 45^o *T. Livii*,
 novem *Decades* cum dimidia, (quatuor-
 decim enim scripserat) h.e. nonaginta
 & quinque libri, communi (inquam) illo
 & deplorando naufragio periêre: Historia
 nimirum annorum, 157. usque ad mor-
 tem *Drusi Neronis*, *Augusti Caesaris* pri-
 vigni, qui bellum *Germanicum* ultrà *Rhe-*
num administrans, fato est functus. A. V.
 C. 744. Horum librorum periochæ, ab
Epitomatore supra nominato collectæ
 extant: quibus amplificandis, post *Ma-*
jorem Catonem Plutarchi, sequantur le-
 gendi duo *Gracchi*, *Marius*, *Scylla*, *Cato*
Minor sive *Vticensis*, *Sertorius*, *Lucullus*,
Pompeius M. M. Crassus. *Cicero*. *Anto-*
ninus & *M. Brutus*, suo quisque tempore.
 Hos inter *Salustii* Bellum *Ingurthinum*
 ponat Lector. *Catilinarium* adjungat, &
Caesaris *Comentarios*. Quos Auctores e-
 tiã inter principes Historicos numeravit
Antiquitas. *Salustium Quintilianus Thu-*
cydidi opponere non veretur. *Tacitus*
Lib. 10. c. 1. cum Rerum *Romanarum* Auctorem floren-
Hister. 3. tissimum

tissimum nuncupat. *A Martiale Epigra-* Lib. 14.
matista, Crispus Romana primus in Hi-
storia, dicitur. Indè Colerus ad Stasi- Epist. de
slum Zelenium. Cogita (inquit) in Sa- stud. politi-
lustio omnia fuisse, quæ in perfectum Hi- 69.
storicum cadunt, vel antiquorum testi-
monio. Et postea: Bellum Catilinarium
memoriter tenes: sed frustra nisi conside-
ras profundam illius viri Reipub. scien-
tiam, quam ille vel breviculo illo libello
prodidit. Non minori arte Bellum Iugur-
thinum confecit. Dne illæ Epistolæ de Re-
pub. Ordinanda ad Casarem, nonne Cælo
delapsæ videntur? Iustus Lipsius. Salu- Epist. ad
stium, si mei arbitrii sit, in hoc lustro, prin- maximil.
cipem Senatus Historici legere non dubi- Imp.
tem. Iam verò Caesaris Commentarios
quis non laude dignissimos, & diligenter Cic in Bru-
à juventute legendos unquam censuit? to. In præf.
Cicero valde probandos affirmavit. Au- l. 8. de Bel-
lus Hirtius etiam admirandos. Adeò lo Gall.
probantur (inquit) omnium iudicio, ut
præcepta, non præbita facultas scriptori-
bis videatur, Cujus tamen rei (pergit)
maior nostra, quam reliquorum est admi-
ratio. Cateri enim, quam benè atq; emen-
datè, nos etiam quam faciliè, atq; celeriter,
eos perscripserit, scimus. Quid Critici

Lib. 1. de
 Histor. Lat.
 Cap. 13.

hodierni? haud minoris aestimant. Clarissimus Vossius. Scriptor est purus & elegans, inq̃ verborum structurâ accuratus, ac omnino placidi instar fluminis procurrens: interea Πολιτικός, ac gravis in sententiis: quo Xenophontem exsuperat: ceteroquin ei non dissimilis multum. Et postea; sane ex eo haurire est maximarum & utilissimarum rerum copiam: quam qui verborum elegantiam contenti negligunt, minus etiam pueris sapiunt, qui nunquam se ita arboris frondibus oblectabunt, ut egregios ejus fructus contemnant. Librum de Bello Africano sive sit Caesaris sive Oppii sive Hirtii, reliquis omnibus praefert Colerus. Ita non sanguine & colore tantum, sed robore ac nervis ea commendatio (inquit) praestat: habent certe principes, & militares viri, quod legant & imitentur, aut mirentur potius. Quis enim Casarem imitetur? A Colero, & Vossio. 7. Lipsius de Casare nonnihil diversum sentit. Sic n. scribit. Ex iis qui superant Historicis C. Caesar laudatur imprimis. Si ut disertus narrator, libens assentio: est n. eius viri pura oratio, sine fūco & calami-
 stris ornata, vel Romanis vel Atticis Musis dignissima. Sin ut perfectus Historicus,
 du.

Epist. de
 stud. polit.

Epist. ad
 Maximil.
 Imp.

dubitare me dicam, cum & nonnulli fidem
ejus in Historia Civili requirant, & ter-
tium illud ἡδὲ καὶ Πολιτικὸν totum ei de-
sit. Itaq; ipse Caesar cateroqui minimè sui
contemptor commentarios inscripsit, non
Historias: & hoc ipso laudem veram me-
ruit, quod falsam contempsit.

S E C T. 20.

*De Dione Cassio & ejus Historia. Quot
libros scripserit. Eorum quot perierint
& quantâ jactura. Inter optimos Scri-
ptores quam merito censendus Velleius
Paterculus. Ejus virtutes indicantur.
Sed & nevi non dissimulantur. Ad
Caesaricrum temporum Scriptores tran-
situr.*

Possunt etiam post Lucillum Plutar-
chi, Dionis Cassii sive Cocceii (inter
nobileis Historicos merito numerati)
Reliquiæ hûc accersiri. A Quinti Metelli
rebus in Creta gestis, Anno V. C. 686.
incipiunt. Dein Pompeii egregia facinora
exponunt, à bello pyratice auspicando;
atque ita Romanam continuant Histori-
am ad mortem Claudii Caesaris, An. V. C.

Phot. Bib
lioth. cod.
71.

Methodi
Cap. 4.

806. Scripsit quidem *Dion* Historiarum libros octoginta, inchoando ab *Aenea* in *Italiam* adventu, & *Alba* urbe, ac *Româ* conditâ. Vndè continentèr pergebat; & in ejus, qui *Heliogabalus* est cognominatus, cæde finivit. Sed primi triginta quatuor libri periere: sequentes viginti quinque extant; qui indè sequebantur, pariter intercidêrunt. Quanta autem fuerit istorum quinquaginta quinque librorum iactura, ex iis quæ de eo refert *Johannes Bodinus*, æquo cuivis rerum æstimatori, facile est coniicere. Cum enim (inquit) *Dio* totum vitæ suæ temptus, in repub. gerenda consumpserit, ac per omnes honorum gradus, bis ad consulatum evectus, deindè proconsul factus, provincias summa cum sua laude gubernârit, magnam deniq; bonarum artium scientiam, cum usu conjunxerit, quis dubitet eum inter optimos Scriptores censere? Profectò Comitiorum, ac magistratum Romanorum totiusq; publici juris disciplinam, accuratè collegit. Principum verò consecrationes, & apostolorum unus tradidit, & ea quæ *Tacitus* Imperii Arcana vocat, penè solus evulgavit. Fuit enim publici consilii diligens indagator. Aut si còpendiosa magis viâ uti

ve-

velit noster Lector, reliquamque Historiam qua *T. Livius* deficit, uno quasi filo pertextam legere; *Velleius Paterculus*, non ineptè potest admitti: explicator veteris Historiae luculentus, & pressus, & In Scholiis efficacis imprimis. Ita de eo *Aldus Ma-* ad Vell.
natinus. Probus & fidus, donec ad Caesarum
res venias, ubi haud usquequaq; verus: a-
dulatione enim multa celat, aut velat;
immo & palàm aliter narrat: disertus ta-
men ubiq; & eloquentia quadam facili, ac In animav.
profluente. Ita Iust. Lipsius. Eius dicendi ad Vell. pater.
genere nihil purius, ac suavius fluere po-
test: Antiquitates Romanorum ab ulti-
mo principio, tantâ brevitate ac perspi-
cuitate (siquidem integer extaret) com-
prehendit, ut nemini secundus esse vi-
deatur. Laudes etiam illustrium viro-
rum, egregia quadam oratione, & magno cap. 4.
viro digna commendare solet: ita Iohan- Meth.
nes Bodinus. Duobus libris eius, compen-
dium historiae Romanae constare vulgo
receptum est. Primoris libri frustra tantum
(uti loquitur Rhennanus) supersunt; à
nono tamen capite, editionis Gruterianae,
si Lector incipiat, Historiam à Perseo
Macedonum rege devicto, ad Tiberiani
Imperii annum decimum sextum, con-
tinua

106 METHODVS LEGENDI
tinuatam reperiet. Cum *Velleio Plutar-*
chi vitas, illas quas supra indicavi, suo or-
dine, & cum libuerit, ad ampliandam Hi-
storiam conjungat, & sic denique ad *Ce-*
sariorum temporum *Scriptores* accedat.

SECT. 21.

Historia Caesarum à Suetonio & Tacito
primo petenda. De utroq; praeclara do-
ctissimorum virorum testimonia. Circa
Tacitum variant celeberrimorum Cri-
ticorum judicia, ne dicam pugnans. Et
Suetonio & Tacito lux à Dione Cassio,

in Firmo.
c. 1.

Spartia. in
Adriano.
c. 11.

lib. 10 ep.
95.

Lib 5. de
Trad. desc.

EOs inter, à *Suetonio Tranquillo* in-
cipiat, emendatissimo & candidissi-
mo Scriptore: id ei *Elogium* à *Vopisco*.
Floruit sub *Trajano*, & *Adriano* Impe-
ratoribus. Huic etiam ab epistolis fuit:
Plinio Secundo valdè charus: nec imme-
ritò; probissimum honestissimum, erudi-
tissimumq; virum cum appellat in *Epi-*
stola quadam ad *Trajanum*. Vndè recen-
tiorum *Criticorum* de eo testimonia ve-
rissima esse conjicio. Quale est illud *Lad.*
Vivis. Graecorum (inquit) & *Latinorum*
Scriptorum diligentissimus atq; incorrup-
tissimus

tissimus: Res duodecim Caesarum videtur
 mihi integerrimè exponere, qui in optimis
 principibus, nec vitia, nec suspiciones vi-
 tiorum tacet: in pessimis verò etiam colores
 virtutum non dissimulat. Vivem sequitur

Colerus ferè, quoad rem, sed & de stylo
 addit. Oratio ejus brevis & nervosa est.

Epist. de
 stud. polit.
 tico

Nemo ritus publicos diligentius miscuit.

Emendatissimus & candidissimus est, ne-
 mini obnoxius. Quis enim ingenia & mo-
 res principum liberius unquam? Aulici &

Politici non exiguum fructum ex hoc. &
 simul exemplum capiunt fugienda adula-
 tionis ab ipso Suetonio. Cum Suetonio

Tranquillo, Tacitum admittere potest
 Lector noster; magni & acerrimi ingenii

Historicum; qui de temporibus iisdem
 cum Suetonio scribit. Novæ cujusdam

gravis, concisæ, & sententiosæ eloquen-
 tiæ genere, eximie præditum, aiunt Cri-
 tici. De usu tamen ac utilitate ejus Au-

ctoris variant, imò fortean pugnant do-
 ctissimorum virorum judicia. Iustus Lip-

sus Criticorum Coryphaeus. Utilem
 magnumq; scriptorem (Deus bone!) &

quem in manibus eorum esse expediat, in
 quorum manu gubernaculum & reipub.

olavus. Iterum, Acer Scriptor (dii boni!)

epist. ad
 Ord. Batav.

Ad maxi-
 mil. 2. Imp.

&

& prudens; & quem si unquam in mani-
 bus hominum versari utile fuit, his certè
 temporibus, & hac scenâ rerum expediat.
 Non ille Annibalis funestas Romanis vi-
 ctorias, non speciosam Lucretiae necem,
 non vatum prodigia, aut Etrusca portenta
 recenset, & quae alia sunt oblectandi magis
 quam instruendi Lectoris: hic mihi quis-
 que principum Aulas, principum interio-
 rem vitam, consilia, iussa, facta consideret,
 & obvia in plerisque nostrorum temporum
 similitudine, ab iisdem causis pares exitus
 animo præcipiat. Inuenies sub tyrannide
 adulationes, delationes, non ignota huic se-
 culo mala, nihil sincerum, nihil simplex,
 & nec apud amicos tutam fidem; frequen-
 tatas accusationes maiestatis, unicum cri-
 men eorum qui crimine vacabant; cumu-
 latas illustrium virorum neces, & pacem
 quovis bello seuiorem. Tristitia ex iis ple-
 raque fateor, & legentibus mœsta: sed
 singulis nostrum à Thrascâ iam moriente
 dictum putemus, specta juvenis, & omen
 quidem dii prohibeant, cæterum in ea
 tempora natus es, ut firmare animum ex-
 pediat constantibus exemplis. Accedit
 genus ipsum sermonis minime sordidum
 aut vulgare, distinctum crebris, & nescio
 unde

unde ex abdito erutis sententiis, quas vel
 veritate vel brevitate vicem oraculi possis
 accipere. Denique: mirabilis omnino Scri- Not. ad lib.
1. polit.
 ptor, & qui serio hoc ipsum agit quod non
 agit. Nec enim Historia solum est, sed hor-
 tus & seminarium præceptorum. Lipsii ju-
 dicio planè sequitur Colerus. Ita enim
 scribit; Nos censuram Lipsii una cum Ta- Epistola de
stud. politi-
 cito aestimamus. Tu Aulam & Palatia
 cogitas? Et cogitas serio? Amabo te disce co-
 prius, ex Tacito Aulicorum fortunam; &
 ingenium principum parumper inspice. Sit
 tibi ad latus Cornelius, verus ille comes
 Palatinus. Nec est quod te moveant Cen-
 tauri nonnulli aut rupicones, qui hac talia
 antiqua nimis, & nostris moribus aliena
 cavillantur. Non inquam ita est. Eadem
 fabula nunc luditur, quæ olim: eadem vir-
 tutes & vitia representantur. Tantum
 personæ mutatae sunt: sed quæ doctum &
 prudentem spectatorem desiderent. A Lip-
 sii & Coleri sententia, hac ex parte, longè
 abit Isaacus Casaubonus, virtute atque e-
 ruditione juxta admirandus. Is enim,
 ubi alios Historicos cum Polybio suo
 comparat, de Tacito affirmat, si à fortuna
 non esset destitutus, quæ ei dignam sua
 facultate materiam negavit, quemvis &
 Prin-

TIO METHODVS LEGENDI

Principius, sive Romanorum sive etiam
 Græcorum Historicorum, videtur potuisse
 provocare: sed ejusmodi tempora constat
 (inquit) ab eo præsertim in Annalibus
 esse descripta, quibus nulla unquam fue-
 runt turpissimis vitiis fœdiora; neque aut
 virtutum steriliora, aut virtutibus ini-
 miciora. Mox utriusque, Polybii ac Ta-
 citi materias particulatius at summam
 recensens, tandem sic concludit. Tacitum
 igitur, facile nos quidem excusamus: illos
 excusari non posse iudicamus, qui unicum
 hunc Historicum, omnibus aliis antepo-
 nunt: Vnum Tacitum Politicis hominibus
 assidue terendum pronunciant: Vnum esse
 unde principes, & principum Consiliarii
 documenta regendæ Reipub. petere debe-
 ant. Cujus absurditatem sententiæ, si vel-
 lemus exagitare, facile probaremus, qui
 ita sentiunt, eos tyrannidis principes ho-
 diernos accusare, vel palam tyrannidis
 instituta videri velle eos docere. Quid e-
 nim, præsertim iuveni, lectione illorum
 Annalium esse queat perniciosius? Vt bo-
 na exempla si sæpè ob oculos versentur,
 proficiunt, etiam non sentientibus nobis, sic
 mala nocent; paulatim namq; descendunt
 in animos, & vim præceptorum obtinet,
 fre.

HISTORIAS CIVILES. III

frequenter legere aut frequenter audire. Iam verò ut pergamus. Vtrumque, *Suetonium & Tacitum*, rectius intelliget Lector noster, & majori claritate percurreret, post *Dionem* supra nominatum; ita *Colerus* expressè suadet. *Tacitū tu & Suetonium* vis rectius intelligere. *Dionem* obducito. Illud scire te velim, unam illam *Epist. de stud. polit. p. 109.* *Macenatis* orationem ad *Augustum* insignem ac politicam, reliquorum omnium instar esse. Est & *Agrippa* illa satis splendida. In ceteris rebus ac narrationibus inanis suspitionem non effugit.

SECT. 22.

Quomodo ad alios *Historia Augustæ* Scriptores transeundum. v. *Spartianum*, *Capitolinum*, *Vulcatium*, & reliquos non leviter æstimandos Auctores. Iusti *Lipsii* de iis iudicium, item *Casauboni*. *Herodianus* suo loco cum superioribus legendus. Quousq; in *Historia* processerint isti: quos inter, *Aurelius Victor*, & *Pomponius Latus* meritò admittendi.

HIs expeditis, si *Nerva Cocceii* & *Trajani*, duorum insignium bonitate

112 METHODVS LEGENDI

tate principum, vitas, ex *Aurelio Victore*, *Xiphilino*, aut alio quopiam ἐκ τῶν βιο-
 γραφῶν adnectat, immediatè & recto or-
 dine sequetur *Spartiani* *Adrianus*, *Ca-*
pitolini Antoninus ceterique Imperato-
 res, quorum vitæ ac res gestæ, à sex illis
Historia Augustæ Scriptoribus, non tam
 dilertè quam verè in literas referuntur;
 quos accuratè emendatos atque illustra-
 tos, *Isaacus Casaubonus*, novissimi hujus
 seculi immortale decus, & *Claud. Salma-*
sus, rerum literarumque veterum usque
 ad miraculum doctus, haud ita pridem
 nobis dederunt. Holce Auctores, licèt
 exili quidem ac levidensi testimonio pro-
 sequatur *Caspar Barthius* alicubi, & ipso
 ævo *Theodosiano* vel etiam *Iustiniano*
 latinitatem in plerisque deformiorem
 pronunciet: nolim quisquam, utilitatis
 parum ex eorum lectione comparari pos-
 se putet. *Iusto Lipsio* potius auscultet, at-
 que etiam *Casaubono*. Quorum ille bre-
 viter sic. *Alius Scriptor in aliam rem u-*
tilis. Spartiano, Lampridio, Capitolino,
Vulcatio, & illis quasi partium secunda-
rum Historicis, eloquentiæ non multum, re-
rum & morum veterum immensam copi-
am est haurire. Iste verò fufius & pleniore
 elo-

Advers. l.

26. c. 16. c.

Epistol.

quest. l. 5.

ep. 2.

elogio. Horum Auctorum lectio, cum om-
 nibus & Historia & morum antiquorum In Prolo-
 gum. ad Hi-
 stor. Aug.
 studiosis, necessaria, nedum utilis; tum vel
 maximè iis, qui cognitione juris civilis Ro-
 manorum delectantur. Quam multa enim
 toto sparsim opere invenias, quæ ad juris-
 prudentiæ studia propriè pertineant? quam
 multis locis aut novum jus aliquod intro-
 ductum, aut vetus antiquatum observa-
 tur? ut taceam, quod absq; his Scriptoribus
 fuisset, plurimos prudentes, quorum extant
 in pandectis & nomina & fragmenta; ig-
 noraremus: taceam item dictionis genus,
 in multis commune cum antiquis juricons-
 ultis. Quid? Tot principum pulcherrimas
 epistolas, tot gravissima Senatus consulta,
 tot alia publica monumenta, è Scriniis
 Augustorum, Actis Senatus & Populi, aut
 nescio undè ex abdito eruta, quanticen-
 semus facienda? aut quem mihi dabis ex
 omni veterum Auctorum numero, cui
 propter similem vel fidem, vel diligentiam
 tantum debeamus. Nec prætermiserim e-
 ruditas illas, neq; longè petitas, sed è re
 natas digressiones, quibus hi libri, tan-
 quam segmentis purpureæ veri luminis, va-
 riis locis sunt ornati. Ita Casaubonus: Hi
 verò Auctores annorum plus minus cen-

tum sexaginta septem (nisi me fallant Chronologi) Historiam Lectori nostro suppeditabunt. Certè septuaginta, atque eo amplius fuisse docebunt, qui horum temporum decurſu, ſeu jure ſive injuriâ, vel *Imperatorum*, vel ſaltem *Cesarum* ſint adepti nomina: quorum etiam nonnullorum vitas & reſgeſtas, politiffimus ac judicii non vulgaris Auctor *Herodianus*, diſertè & eleganter octo libris deſcripſit. Eum igitur ſi cum ſuperioribus *Biographis*, ſuo tempore conjungat Lector noſter; *Commodi* Imperatoris, aliorumque ſeptem, qui eum ſunt ſecuti, uſque ad *Gordianos*, Historiam pleniorẽ, longèque illuſtriorẽ habiturus eſt. Si quidem in eo Scriptore, negotiorum perſonarumque varietatem multam; multam rerum novitatem deprehendet; crebra in utramque partem fortunæ, ceu vacillantis, exempla habebit; conſilia admirabilia & conſiliorum inopinatos eventus obſervabit. Graves pro tempore ſententias, & plenam ubique dignitatis, plenam ſuavitatis orationem comperiet.

Polit in
præf. ad

Pent. Max.

Innocent. 8.

Denique copioſam quandam ad inſtruendos mores ſupelleſtilem (ita *Politianus*) inibi inveniet; & tanquam ſpeculum hu-

manitatis agnoscat, in quod inspicere omnis
 vita poterit, unde ea capere atq; haurire
 documenta queat, per quæ vel publicis vel
 privatis rationibus consulatur. Legat i-
 gitur censeo, sive Græcè sive Latine hunc
 Auctorem; nam haud scio uter majorem
 laudem mereatur *Herodianus* ne, quem
 in lingua sua, ubere venâ fluere non ne-
 gaverim: an *Politianus*, qui *Herodiani*
 scripta, tantâ felicitate interpretatus
 est, ut non transtulisse, sed ipse compo-
 suisse videri possit. Vtunque, sex illi
 priores *Biographi*, quorum ultimus est
Vopiscus, sed eruditus admodum & præ
 cæteris accuratus, Lectorem ultra annum
 V.C. millesimum tricesimum sextum de-
 ducet; ad mortem scilicet *Carini Cæsa-*
ris, qui cum *Numeriano* post *Carum* im-
 perâsse, aut imperium affectâsse perhi-
 betur. Fatendum est in hac serie quam
 nobis exhibent Auctores isti sex *Βιογρά-*
φοι, superius nominati, hiatum quendam
 esse inter *Gordianum* Tertium & *Vale-*
rianum Imperatorem. *Gordiano* enim,
 non successit immediate *Valerianus*; sed
 duo *Philippi*; ijs *Decij*; deinde *Vibius*
Gallus, cum filio *Volusiano*; tum *Em-*
plianus Libycus, quem immediate *Vale-*

In Not. ad
Trebell.
poll.

rianus excepit. Alios plures recenset clarissimus Casaubonus, usque ad quindecim, Augustos vel Cæsares, intra novem vel ad summum decem annorum spatium, de quibus apud hos Scriptores nulla jam extat mentio. Huic itaque defectui supplementum quærat ab *Aurelio Victore*, Auctore neque indiferto nec inarguto; quem, *virum sobrietatis gratiâ multilaudum*, dicit *Ammianus Marcellinus*: & Casaubonus, opusculum ejus de vitis *Augustorum*, elegantissimum appellat. Vel à *Pomponio Lato*, *Antiquitatis & bonarum literarum* (ut in eâ ætate) *concellan. c. 73* *sultissimo*; ac inter præclara sui sæculi *ingenia conspicuo*; qui *Romane Historiæ compendium*, ab interitu *Gordiani Junioris* paullo ultra *Heraclii* mortem non ineptè concinnavit.

Lib. 21. c.
18.

In Not. ad
Hist. Augustam.
Polit. Miscellan. c. 73
Paul. Iov. us. Elg. 40.

S E C T. 23.

Post Constantium Chlorum, uti & paullo antè, *Historia nonnihil perturbata videtur: præsertim apud Latinos Scriptores. Eusebius, Zosimus, Zonaras, explicationem reddere possant. De Zosimo & Zonara eorumq; scriptis item de*
Ior.

Iornande. Ammianus Marcellinus hic locum habet. Lipsii & Baldnini Idem de eo censura.

Sed quoniam temporum istorum usque ad Constantini M. liberos, Historia satis est perplexa, & tenebris involuta, præsertim si Latinos tantum Scriptores consulamus; non erit operæ dispendium, à Græcis, *Eusebio, Zosimo, Zonara*, aliove aliquo Auctore suppetias petere, tam ad Imperatorum supradictorum, quam ad sequentium *Dioclesiani, Constantii Chlorigalerii & Constantini M.* Historias illustrandas. Namque hac ætate floruit *Eusebius*, nempe sub ipso *Constantino* ac filiis ejus; & ob πολυμαθίαν & πολυϊστορίαν valdè celebris fuit. De quo plura erunt dicenda, quum ad Scriptores Ecclesiasticos ventum erit. *Zosimus* Imperii declinationem descripsit, ab *Octaviano Casare* exorsus, ad urbem à *Gothis, Alarico* duce, captā, libris sex. Quorum primo *Casares* priores, usque ad *Dioclesianum* breviter percurrit; reliquos paulò fusiùs & explicatiùs depingit, libris quinque posterioribus. Vixit tempore *Theodosii* Junioris. Dictio ejus brevis, per-

Cir Ann.
Chr. 410.

In præfat.
ad Sambu-
eum.

Epist. ad
Phil. Syd-
neum.

An. Ch.
1118.

spicua, pura & suavis. Ita de eo *Photius*. Homo fuit quidem Paganus, atque inde principes *Christianos* frequenter fugilat; propter quod tamen, ei fidem, non temerè idcirco abrogandam censet *Leunclavius*: immò addit insuper; Si quis eum seposito animi adfectu legerit, experietur hanc ipsius *Historiam* (ferè totam ex illarum rerum narratione contextam, quæ ab aliis memoria prodita non sunt) ad cognoscendum jucundam, ad usum in vitâ civili sanè idoneam & fructuosam esse. *Henricus* etiam *Stephanus*, eum veritatis & eruenda è tenebris, & in lucem proferenda valde studiosum fuisse persuasum habet. *Johannes* quidem *Zonaras*, *Historiam* eadē ab initio mundi ad sui avi Imperatoris *Alexii Comneni* obitum. Eam in tres tomos dispertivit. Tomo primo res *Orientales* imprimis ab orbe condito, ad excidium usque *Hierosolymitanum* summam recensentur. Tomo Secundo *Historia Romana*, ab *V. C.* usque ad *Constantinum M.* breviter perstringitur. Tertius denique Tomus, *Christianorum* Imperatorum res gestas completitur à *Constantino M.* ad *Alexii Comneni mortem*. Ex his igitur vel omnibus,

vel

vel aliquibus, Imperatorum supra memoratorum Historia, explanatio juxta & uberior fieri potest. Præfertim, si dum ea quæ sub Gallieno proximisque Romanorum Principibus à Gothis gesta ordine apud Zosimum legantur, Iornandes advocetur, qui bona fide singula fuisse narrata testis idoneus ostendet. *Perpulchrè enim conveniunt (Leunclavii verba sunt) quæ* Præfat. ad Zosimum.
ab utrisq; de Gothis commemorantur; nec aliud ferè discrimen est, quam quod à Iornande pleraq; paullo plenius enarrantur, non omissis rerum circumstantiis; quas non perinde Zosimo ac Iornandi cognitæ fuisse minime mirum videri debet. Gothus enim erat vel Alanica natione Gothis affini oriundus Iornandes. Et rectius haud dubiè res ille patrias tenebat, & Gothicos Scriptores Græcis atq; Romanis, ut ipsemet fatetur, adjunxerat. Hinc rectè Amm. Marcellinum adeat Lector; fidei ac judicii apud rigidissimos censores satis clarum: sua confessione Styli militaris, ac scabrosi. Rem militarem ut miles, diligentissime persequitur. Et descriptiunculis non rarò divertit, nec rarò sententias miscet. Ita de eo I. Lipsius. Et Balduinus: Homo quidem militaris, sed tam literatus miles,
H 4 tamq;

tamq̃ veterum literarum studiosus, ut nihil non peruestiget. Vno verbo dicam, diligentissimus Scriptor est. Est quidem (scabra eius (hominis nempe Constantinopolitani) oratio Latina: sed rebus est doctis referta, & variam, multiplicem, reconditamq̃, lectionem includit; & verò Historiam quam alius non exposuerit, copiosè explicat. Hæc & plura de eo Balduinus. Scripsit libros XXXI: à principatu Caesaris Nervæ exorsus, adusque Valentis (in cuius Aulâ floruit) interitum: sed ex his XIII communi naufragio pessum iverunt. In ijs qui supersunt, incipiens à Gallo Cesare circa Ann. Chr. 353. res Constantii Caesaris, Iuliani, Joviani, Valentiniani & Valentis, quarum ipse magnam partem inspector erat enarratè describit. Hic igitur ad Ann. V. C. 1128. Ann. scilicet à Christo Nato 378. Lectorem perducet.

SECT. 24.

Historia Miscella Diaconi, item Iornandes de Rebus Geticis, necnon Procopius & Agathias suum hic locum habere possunt. Vel si placeat Zonara Tomus Tertius. Quem sequatur Nicetas Choniates.

niates. Tum Nicephorus Gregoras. Aut si prolixum nimis id videatur; post Zosimam, Blondus Forliviensis legi potest. Vel aliter post Vopiscum Sigontii Historia Occidentalis admitti potest. Indè ad 7. vel 8. lib. primæ Decadis Blondi pergat Lector.

Post *Ammianum*, si *Pauli Diaconi* Historiam *Miscellam* accersat Lector; eique comitem adjungat, (quem supra in subsidium *Zosimo* assignavimus) *Jornandem*, de Regnorum ac Temporum successionem, nec non de Rebus *Geticis*; non inclinationem modo, quam à *Zosimo* didicit, sed etiam interitum ipsum *Romani* Imperii animadvertet. Et ne rerum fortè à superioribus memoratarum molesta nimis & tædio plena sit repetitio: incipiat à 12^o libro Historiæ *Miscellæ*, qui à *Valentiniano* auspiciatur, & reliquos indè percurrat; quibus Historia usque *Michaelis Curopolatæ* tonsuram continuatur. h. e. ad ann. Chr. 812. *Jornandem* etiam, ubi tempora & res gestæ requirere videbuntur, adhibeat. Is enim de *Getarum* origine, nec non de rebus ab ijs circa illa tempora gestis (uti suprà innuimus)

Hi-

Y22 METHODVS LEGENDI

Historiam non contemnendam scripsit. Procopius etiam, qui de Bellis, Persico, Gothico, & Vandalico, Iustiniani auspiciis, ductu Bellisarii gestis, septem libros composuit, hoc in loco opportunè & non sine fructu legi potest. Siquidem in ejus libris (si Volaterrano credamus) tanta est rerum cognitio, ut quemvis curiosum alere; tot etiam (ut solet in huiusmodi bellis) ducum vertigines, Stratagemata, consilia ordinandi, captandi, refellendi, tergiversandi, mitigandi, ut quemvis ignavum prudentem planè hominem, ac publicis & privatis actionibus idoneum reddere valeant. Magnum Scriptorem eum vocat eruditissimus Casaubonus. Et Iohannes Bodinus, inter selectos eum recensere nullus dubitat. Procopium sequatur Agathias floridus & non contemnendæ prudentiæ Scriptor. Quod si Zonara (cujus itidem supra mentionem fecimus) Tomum tertium perlegere & sequi placeat; Nicetas Choniates proximum locum vendicat, tum Nicephorus Gregoras, qui quidem Auctores, narrationis quasi filum alter ab altero excipientes, Historiam, præsertim Orientis Imperii usque ad Andronici Paleologi posterioris mortem, hoc est, ad

Ann.

Notis ad
Spartianū.
Merb. c. 4.
Gruterus
discurs.

Ann. Chr. 1341. pertexunt. Nec fraudabimus hosce Auctores suis elogiis; quibus etiam à viris apprimè doctis honestantur. *Illi* (inquit *Christophorus Colerus*) qui ab oriente procedunt, floridum quoddam dicendi genus confectantur, & nimio sæpè mendo studentes ab immundo propius absunt. *Gregoras* ad prudentiam civilem unicus est fateor, & sententiarum uber quoddam. *Zonaras* Reipub. satis gnarus facere: & proficiant ex eo legum studiosi. *Choniates* ab ineptiis sæpè non abstinet: piè tamen multa, & aliquando de causis publicorum malorum non imprudentèr differt. Verum de his etiam infra, loco fortassè magis idoneo.

Si autem totidem Auctorum lectione *εικοσις* noster defatigari videatur, & iter suum nonnihil cupiat in compendium contrahere. Post *Dionem*, aut *Suetonium*, *Zosimum* sibi adsumat: is (uti jam monuimus) Imperii declinationem ex professo contemplandam proponit: ita ipse de se testatur: Historiamque ab *Octaviano Cæsare*, ad urbem à *Gothis* captam, perpetua ferie continuat. Hinc ad id tempus quo *Carolus Magnus* diadema Imperiale obtinuerat, (quod hîc notatu indignum non est)

A. V. C.

1162.

A. Chr. 410

est) per quādringentos ferè annos, Vrbs
Roma, & tota *Italia*, quæ multis seculis,
 formidini & terrori, exteris gentibus
 fuerat, calamitatum aut præsentium sen-
 su, aut impendentium metu perculsa,
 nunquam quieuit. Ab eo igitur tempore,
 quo Urbem victor ingressus est *Alaricus*,
 & desinit *Zosimi* Historia, pergit *Blondus*
Forliviensis, *Gothorum*, *Vandalorum*,
Longobardorum, aliarumque nationum
 facta narrare, Historiamque mille trigin-
 ta annorum pertexit. Nempè ad Annum
 Salutis Christianæ, 1440. aut si Lectori
 visum fuerit, ubi *Vopiscum* expediverit,
 haudquicquam à rectâ studii Historici
 Methodo deviabit, si *Caroli Sigonii* Hi-
 storiam de *Occidentali Imperio* admittat.
 Eam (uti profitetur ipse) primo singulari
 diligentia & accuratione collegit; deindè
 quam verissimè, in maxima rerum ob-
 scuritate, temporum vetustate, scripto-
 rum dissentione potuit, literis consigna-
 tam posteritati commendavit. Incipit ab
 Anno Chr. 284. quo anno *Carinus* à *Dio-*
cletiano ad *Martium* victus occubuit.
 Desinit in morte *Iustiniani*, qui obiit Im-
 perii sui anno. 39. Chr. 565. *Posthac* (in-
 quit) ipso prorsus extincto Imperio, *Rei*
Ro-

Epist. præ-
 lim.

Romana in multa regna est distributa, Francorum & Burgundionum in Gallia, Gothorum in Hispania, Anglorum & Scotorum in Britannia, Longobardorum & Normannorum in Italia: Itemq; Sarracenorum in Africa. Atque à Sigonio ad Blondum (si libuerit) procedat Lector, & à 7^o vel 8^o, primæ Decadis libro, incipiat, & sic ad finem usque pergat.

SECT. 25.

Breviorem adhuc Historia cursum ab initio Cesarum ad hoc usq; seculum Lectori suppeditabunt, Iohannes Cuspinianus, Paulus Iovius & Augustus Thuanus.

QUod si breviorē adhuc Lector desideret Historiæ cursum, nec multorum Auctorum lectione delassari sustinebit; Historiam Casaream scripsit Iohannes Cuspinianus, solers antiquitatis indagator: à Julio Cesare, usque ad Maximiliani I, mortem, luculentum sanè opus, & omnium Lectione dignissimum: utpote quo, dum vitas omnium ordine

Im-

Imperatorum describat, non tantum, insignia eorum exempla dicta & facta, quicquid in illis honestum esset vel secus proponit: Sed uniuersam etiam temporum seriem (suprà mille quingentos & viginti annos) integram connexamque, non intercisam aut mutulata, posteritati reliquit. Ab eo ferè tempore orditur *Paulus Iovius* & Historiam non *Casaream* sed universalem, splendide satis, ac ornate, per quinquaginta annorum spacium continuat. Sed parum fidus in aliquibus putatur, & ad gratiam non pauca scripsisse perhibetur; in tantum, ut *Gorrens Parisiensis*, se quas finxisset *Amadisi* fabulas, non minus veras ac probabiles, quam *Iovii* scripta fore, confisum affirmaverit. Laudandus tamen (si iustum Lipsium audiamus) legendusq; ob multiplicem & variam rerum seriem, quas redegit compositè & dilucidè in unum Historie corpus. Eum excipit *Præses* ille celeberrimus, *Iacobus Augustus Thuanus*, qui inter Historicos postremæ hujus ætatis facile principatum obtinuit; Historiamque rerum per totum orbem gestarum, ab anno Chr. incarnati. 1545. ad annum usque 1608. stylo perquam luculento propagavit.

SECT.

Bodinus
Metb p
pen. H. 51.
Melch. Ca-
nus p. 538
Paulus Io-
vius in qua
libet par-
tem nimis
odio & a-
more, gra-
tia & si.
multate. Et
quoniam
pecuniam
amabat, in
Historia
quoq; scri-
benda pecu-
nie servus
fuit.

Particularium Historiarum Scriptores quidam lectu dignissimi recensentur. Guicciardinus. Paulus Amilius. Philippus Comineus. Quorum egregia memorantur elogia. Meteranus, Chromerus. Bembus.

Non sum nescius, multos esse alios Auctores, qui nationum quarundam particularium, & personarum singularium etiam gesta, stylo sunt persecuti; non antiquos modo sed & recentiores quoque suo tempore lectu dignissimos; hos inter *Franciscus Guicciardinus* occurrit qui de rebus suo tempore in Italia gestis tractat.

Prudens peritusq; Scriptor, & qui tales In Notis ad Lectores suos facit, (inquit Lipsius) liber Polit. 1.6.2 est & verax; ab affectibus immunis, si tamen ab odio, quod retegere non semel videtur, in Ducem Urbinate. Largus est etiam Johannes Bodinus in Guicciardini laudibus, nec sine suo justo merito. Siquidem in scribenda Historia, judicio gravissimorum virorum; suos aequales (atq; haud scio an veteres quoq; Historicos) superavit. Nam ubi quid in deliberatio-

*Cap. 4.
Methodus*

nem

nem cadit quod inexplicabile videatur, illic admirabilem in differendo subtilitatem ostentat, & graves ubiq; sententias veluti sat accommodatè perspergit, & paulò post mirum in eo studium veritatis inquirenda; nihil enim temerè; sed omnia necessariis argumentis confirmat. Fertur enim Epistolas, decreta, fœdera, conciones, ex ipsis fontibus hausisse & expressisse. Deniq; fuit & rerum & locorum, & personarum tam diligens investigator, ut omnes Italiae urbes, municipia, castra, fluuios, quodq; maximum duco, publica monumenta penitus inspexisse videatur. Eadem proavorum nostrorum ætate floruit Paulus Æmylius Veronensis, qui orsus à primis Gallie regibus, mille amplius annorum Gallicam Historiam, laconica tamen breuitate perscripsit. Huic inclyto quidem operi annos impendisse triginta dicitur; eoque magnum sibi nomen paravit. Omnino Scriptor est elegans & disertus, opinione doctissimi Gerardi Johannis Vossii. Elogio etiam valde præclaro eum donat I. Lipsius, hisce verbis. Ille (inquit) ut rem dicam, penè unus inter novos, veram & veterem Historiæ viam vidit; eam firmo pede calcavit. Genus scribendi ejus doctum,

Lib. 3 de H.
Græ. c. 12.

In Not. ad
1. lib. polit.
69.

etum nervosum, pressum; ad subtilitatem
 & argutias inclinans, & relinquens defi-
 gensq; aliquid in animo serii Lectoris. Sen-
 tentias & dicta sæpè miscet, paria anti-
 quis. Rerum ipsarum sedulus scrutator,
 severus iudex; nec legi nostro ævo, qui ma-
 gis liber ab affectu. Paulo ante hunc Pau-
 lum & Amylium, Philippus Commineus
 de rebus à Ludovico XI Gallorum Rege
 gestis, ita laudabiliter scripsit, ut I. Lipsius *Ibidem*
 nihil vereatur eum componere cum quo-
 vis Antiquorum. Incredibile est (inquit)
 quam ille omnia videat, penetret, arcana
 consiliorum eruat, & subindè instruat nos
 salutaribus rarissq; præceptis. Et id diffusè
 Polybiano quodam exemplo. De Comineo
 & ejus Historia, testimonium haud illau-
 dibile posteritati reliquit celeberrimus
 ille Præses Parisiensis, Iac. Augustus Lib. Hist.
 Thuanus. In Historia (inquit) Ludovici 21 f. 578.
 undecimi, à Philippo Comineo pruden-
 tissimo equite scripta, ut multa prudentiæ
 præcepta, tradi non inficias ierim, ita plura
 minus ingenui, atq; adeò parum regii ani-
 mi exempla reperiri minime negari potest.
 Historiam Belgicam scripsit Emmanuel
 Meteranus; Polonorum Historiam Chre-
 merus; Venetorum Petrus Bembus: alii

Quid Lip-
 sius de Bem-
 bi Hist. cen-
 seat, vide
 ep. 57. cent.

alias particulares Historias lectu dignissimas scriptis consignârunt: sed mihi animus non est singulas recensere, aut quis unus omnes potest? nedum legere. Id vero operam dedi, ut auditoribus meis, præsertim junioribus, Historicorum classem quandam, recto ordine dispositam proponerem, undè temporum vicissitudines ac varietates, rerumque per terrarum orbem gestarum series, usque ad hoc nostrum seculum distinctè haberi possint.

S E C T. 27.

Ad Historiam Britannicam transitio. Quomodo ad eam legendam Lector se accingat. Quo ordine in ea pergendum. Camdeni Britannia, & Seldeni Analecta primò legenda. Georgii Lillii Chronicon. Historia Britannica compendium.

NE tamen exoticas dum scrutamur Historias, nostratium rudes prorsus, aut negligentes existimemur: lubet superiori Catalogo, mantissæ loco, attexere Rerum Britannicarum Scriptores nonnullos; atque unâ ordinem, quo eos arbi-

tramur legendos, quasi digito common-
 strare. Indè enim gratiam, paulò fortassis
 ampliorem, ab nostra juventute Acade-
 mica lucraturum me, haud temerè con-
 fido. Nimirum si viam ad Historiæ *Brit-
 tannicæ* cognitionem, (sicuti jam factum
 in *Univerſali* videtis) aliquanto vel cer-
 tiorem, vel expeditiorem indicavero.
 Quotus enim quisque est, cui, in urbe
 propriâ si reperiatur hospes, si in sua pa-
 tria peregrinus audiat, non videatur res
 digna in qua erubescat? Ego herculè, quod
 olim *M. Cicero* apud suos *Romanos* de
 poëtis Latinis, apud nostrâtes Anglos, de
 Historicis *Britannis* fidentiùs pronuncia-
 verim: *mihi quidem nulli satis eruditi vi-*
dentur, quibus nostra sunt ignota. Quin
 immo ulterius, res aliarum gentium præ-
 clarè gestas, curiosius inquirere, nostræ
 nationis insuper habere, aut inertissimæ
 est segnitiei aut fastidii nimis delicati. *Epist. præ-*
 Nam licet apprimè verum sit, quod no- *lim. ad Mal*
 bilissimus *Henricus Savilius* (inter splen- *mesber An-*
 didissima hujus Academiae ornamenta æ- *no 1601.*
 ternum memorandus) ait; cui etiam suf-
 fragatur, non harum modò sed & omni- *Epist. ad*
 um veterum literarum callentissimus *Io-*
hannes Seldenus Ictus. *Neminem planè* *Aug. Vin-*
cent.
hæte-

hactenus extitisse, qui nostra *Historia* corpus totum, eâ fide eâq; dignitate scriptis complexus sit, quam suscepti operis magnitudo postularet. Particulas tamen aliquas superioribus seculis non malè contextas fatetur ille; alias nostrâ ætate insigniter benè scriptas, agnoscit hic & prædicat: pulchra nihilominus facinora haud pauca, resque contemplatione nostrâ ac diligenti observatione dignissimas in plerisque eorum qui leguntur, reperiri posse audacter asseveramus. Hoc igitur ordine legendos, *Historia Britannica* studioso, Scriptores ejus præcipuos commendo. Primò clarissimi *Gulielmi Camdeni Britanniam* legat; undè (præter accuratissimam totius Insulæ descriptionem) primos incolas, *Britannia* nomen, *Britannorum* mores, *Romanorum* denique in *Britannia* Historiam, aliaque quam plurima, cognitu dignissima, non è fabellis, quas vani esset scribere, & imperiti credere; (uti ipse loquitur) sed ex incorruptis priscae Antiquitatis monumentis summatim & carptim collecta ediscat. Hunc inquam librum, seu Thesaurum potius ditissimum pervolvat suadeo, idque primo loco. Nec pigebit operæ suæ, si hic etiam

etiam accersat, eruditissimi *Seldeni Ana-*
lectōy Anglo-Britannicōy libros duos,
 quorum uterque octo constat Capitibus,
 quibus ea maximè quæ ad civilem illius,
 quæ jam dicitur *Anglia, Magnæ Britan-*
niæ partis, antiquitus administrationem
 pertineant; quæque res domi publicas, sa-
 cras, profanas, statusq; catastrophas usque
 ad *Normanni* adventum attingant, ex an-
 tiquis simul ac neotericis luculenter ex-
 plicantur. Deindè (juxta Methodum à
 nobis in principio cursus Historici pro-
 positam) *Chronicon* (sive brevis enume-
 ratio Regum & principum, in quos, va-
 riantē fortuna, Britannia Imperium di-
 versis temporibus translatus est, à *Geor-*
gio Lillio Scriptum, legi potest. Vel eti-
 am *Commentarioli* quidam de Rebus ge-
 stis Britannia; quos recudi fecit *Iohannes*
Theodorus Clain. Anno M. DC. III. sub
 titulo *Historiæ Britannicæ*. Compendium
 sanè haud ineleganter formatum atque
 institutum.

SECT. 28.

Gulielmus Malmesberienfis. *Savilii* de
 eo *judicium*; Item *Camdeni*. Unde Hi-

storiā inceptit, & quousq; progres-
sus sit. Galfredus Monumethensis quare
prætermittendus. Super ejus Historia
censura Neubrigensis, Iohannis Wi-
thamsted, Balei & Iohannis Twini.
A quibus omnibus dissentit Virunnius.
Malmesberiensem sequatur Hunting-
doniensis, cum Hovendeus.

QUod si inter Scriptores Historiæ no-
stræ antiquiores, primum, ordine
versari potius libeat; post Camdeni Bri-
tanniam, ac Seldeni Analecta, Gulielmum
Malmesburiensē ante alios admittendum
duco, idq; meritissimo suo: cum inter Hi-
stóricos nostros, & narrationis fide, & ju-
dicii maturitate principem locum teneat.
Tantundē de eo testatur, vir nobilitate at-
q; eruditione juxta celeberrimus Hēricus
Savilius. Guil. (inquit) Malmesberiensis,
homo ut erant illa tempora, literatē doctus,
qui Septingentorum plus minus Annorum,
res, tanta fide & diligentia pertexuit, ut i
nostris propē solus Historici munus explēs-
se videatur. Et clarissimus Camdenus; ejus
eruditæ industriæ tum Ecclesiasticam tum
politicam Angliæ Historiam plurimum de-
bere affirmat. Is igitur ab Anno Chr. 449.

Epist. præl.
ad Rerum
Angl. Scri-
ptores.

Quo

Quo venerant *Angli & Saxones* in *Britanniam*, de gestis *Regum Anglorum* scripsit libros 5. ad Ann. Chr. 1116. qui fuit annus decimus sextus *Henrici I.* ac *Novellarum* porro *Historiarum* libros duos, ab anno vicesimo prædicti Regis, ad octavum usque Regis *Stephani*. An Chr. 1143. Sunt qui *Galfredum Monumetensem* primo loco legendum præscribunt; quod scilicet altius longè *Historiam* incipiat, & *Brutum* quendam *Aeneæ* pronepotem, atque alios sexaginta octo ab eo Reges, hîc Imperium, per mille amplius annos ante *Cæsarem* tenuisse affirmat. Nos autem, quia res nimîâ vetustate obscuras, & fabulosis prorsus narrationibus involutas scribere videtur, eum de industria prætermittendum censemus. Neque ex privata opinione ita dicimus facimusve; plurimi è Senatu literatorum in eandem sententiam pronunciârunt. Audite *Neubrigensem*, qui paulò post *Galfredum* vixit. Quidam, inquit, nostris temporibus, pro expiandis *Britonum* maculis *Scriptor* emerfit, ridicula de ijsdem fragmenta contexens, eosq; longè supra virtutem *Macedonum & Romanorum*, impudenti vanitate attollens. *Gaufridus* hic di-

In præmio
ad Histor.

Etus est, agnomen habens Arturi, pro eo quod fabulas de Arturo, ex priscis Britonum figmentis sumptas, & ex proprio auctas, per superdictum Latini sermonis colorem, honesto Historiæ nomine palliavit. Qui etiam majori ausu cujusdam Merlini divinationes fallacissimas, quibus utiq; de proprio, plurimum adiecit, dum eas in Latinum transfunderet, tanquam authenticas, & immobili veritati subnixas prophetias vulgavit &c. cum Neubrigensi ex parte concinit Iohannes Wicthamsted, qui Henrici Sexti temporibus floruit Iuxta Historias (inquit) alias quibus quorundam iudicio major adhibenda est fides, totus processus de Bruto isto, Poeticus est potius quam Historicus, opinativusq; magis propter varias causas, quam realis. Balæus etiam, Galfredi Historiæ multa inesse profitetur quæ fidem excedant. Et Iohannes Twinus antiquitatum Britannicarum diligentissimus indagator, Homerum Britannicum & mendaciorum patrem eum appellat. Sed melius de Galfredo sensit Ponticus Virannius, (vir eruditissimus testimonio doctissimi Vossii) qui ante annos vixit 130. ac Galfredi libros præteritis fabulis in epitomen redegit, eum-

In Grana-
rio.

Comment.
l. i p. 13.

eumque Elogio istiusmodi ornavit. *Galfridus Historicus egregius, & Cardinalis, magna vir auctoritatis apud Robertū, Claudiocestria ducem, Henrici Regis filium, ac patriæ suæ curiosissimus fautor, ex summa Philosophia, atq; archivis regalibus, Historiam antiquissimam continua serie, ab ipsis Trojanis collectam tran-*

stulit: verissimas esse Britannorum Historias arguit, regum occidentalium consuetudo, quæ erat secum semper habere eos qui veritate præcipua eorum gesta notarent. Vtcunque nos eum (uti jam dictum est) ob causas recensitas prætermittimus, & Lectorem nostrum ad Malmesburiensem potiùs vocamus. Post Malmesburiensem, Henricus Huntingdoniensis Archidiaconus, libris octo nostræ gentis originem demonstrans, ac prædicti Regis Stephani juxta & decessorum ejus Historiam per-
texens, progreditur ad annum usque 1153. multa alia scripsit quæ Historiam nostram locupletare possunt; sed quæ in Bibliothecis mss. latent, nec dum publici juris facta à vulgo leguntur. Historicus egregius à Polydoro Virgilio audit. A Io-
hanne Lelando Auctor probatus appella-
tur. Deindè Gulielmus Neubrigensis, à

*Voss. l. 2. de
Hist. Lat.*

mor-

138 METHODVS LEGENDI
morte *Henrici I.* exordium sumens, Hi-
storiam ulteriùs paullo, ad annum Chr.
scilicet 1197. continuat. Veridicus Au-
ctor, si *Polydorus* sit opinione verus. A
Lelando tamen reprehenditur, quod in
culpando *Galfredo Monumetensi* modum
non tenuerit. Denique *Rogerus Hoven-*
den Annalibus suis, quos in duas divisit
partes, Historiam eandem nostram, ad an-
num 1202. (qui fuit annus quartus *Regis*
Johannis) deducit.

SECT. 29.

Afferis Menevensis Historia laudatur.
Cum superioribus quo tempore legenda.
Item Eadmeri Historia novorum. Ma-
thaeus Parisiensis. De eo Baronii judi-
cium. Thoma Walsinghami Chronica.
Gesta Regis Stephani ab Anonymo, &
vita Edwardi II. à Thoma De la Moore
scripta, suo tempore interponenda.

FAtendum est quidem, posteriores istos
quos nominavi paucorum admodum
annorù accessione *Malmesburienfis* Hi-
storiã propagare; illustrare tamen possunt,
& materia nonnunquam fortassè haud
con-

contemnenda auctiorem reddere. Id etiam abundè factum reperiet Lector, si circa Annum Chr. 849. & deinceps *Alfredi* vitam & res gestas, ab *Asserio Menevensi* conscriptas, interponat. Quæ quidem Historia (inquit clarissimus *Camdenus*) non mediocrem menti tuæ voluptatem infundet, neq; minorem adferet cum voluptate utilitatem, si in præclarissimarum rerum contemplatione defixus, te ad earum imitationem & quasi imaginem totum effinxeris. Porro si post annum Chr. 1060. *Eadmeri* Historias Novorum advocare placeat, in lucem nuper productas, notilque ac spicilegio perquam docto illustratas, à suprà nominato *Iohanne Seldeno*, eruditionis admirandæ *Jurisconsulto*. His etiam adnectat veram illam & fidelem *Mathei Parisiensis* Historiam, quæ anno Chr. 1067. (quo inaugurabatur *Guilielm. I. Cōquestor dictus*) auspicata, in mortem *Henrici III.* continuatur. h. e. in annum 1273. De hoc Auctore quid arbitratus sit *Baronius* videre est ad annum 1296. quam fuerit animo insensissimo (inquit) in Apostolicam sedem, qui vis facile potest intelligere: nisi probra illa fuerint additamenta ejus qui edidit. Quæ si quis demat, aureum sanè

In præf. ad
Asserium.

sanè dixeris *Commentariam*: utpote quod ex publicis monumentis totidem verbis red-
ditis, egregiè contextum & coagmenta-
rum inveniatur. *Parisiensis Historiam*,
Thomæ Walsinghami Chronica sequi vo-
lo: Is *Sti Albani* quondam Monachus
fuit, & *Chronica* sua orditur ab *Edwardo*
An. 1422. I. quæ in *Henrico V.* desinunt. Verum si-
cut, dum *Matheum Parisum* percurri-
mus, circa annum 1135. gesta Regis *Ste-*
phani ab anonymo quodam ejus contem-
porario scripta, commodum sese obfe-
runt interserenda, ad *Historiam* vel am-
plificandam vel illustrandam: ita post
primum librum *Walsinghami*, circa an-
num 1306; vita & mors *Edwardi*, II. à
Thomâ de la Moore, equite aurato, &
Voss. de H. ejusdem Regis famulo conscripta, non
Lat. l. 2. c. sine materiæ incremento, interponi posse
64. videtur. Is quidem, ut equestri digni-
tate conspicuus erat, ita à voluntate be-
ne-merendide posteris, non minus dig-
nus fuit; fidemque eo magis meretur,
quòd Regi intimus fuerit, ac sub ejus au-
spiciis ductuque stipendia fecerit.

SECT. 30.

Wal.

HISTORIAS CIVILES. 141

Walsinghami Hypodigma Neustria, & Rerum Normannicarum Scriptores haud insuper habendi. Eos inter, Oldoricus Vitalis precipue notæ. Ab Henrico V. ad Richardum III. Historia à Polydoro Virgilio petenda. De quo, nobilissimi Savillii nostri iudicium animadvertendum. Richardum III. descripsit Thomas Morus, Eques Auratus & Angliæ Cancellarius. Henricum VII. Vice-Comes Santalbanus. Henrici VIII. Edwardi VI. Et Mariæ Regine Annales, Fr. Godwinus Landavensis Episcopus literis consignavit. Sicuti Gulielmus Camdenus Elizabethæ.

EXpeditis *Walsinghami Chronicis*, pergat lector ad ejus *Hypodigma Neustria*; Historiam superiorem, & illustratiorem faciet & auctiorem, à tempore *Rolandi* primi Ducis, usque ad annum *Henrici V.* qui *Normanniam* per annos circiter ducentos & viginti abalienatam, sub jugum Regum *Anglorum* redire compulit. Anno Chr. 1416. Neque temerè id à me datum consilii existimabit: Nam (uti rectè ab eruditissimo *Seldeno* observa-

tum

tum est) *Normannorum* rebus vetustis, adeo nostræ plerunque intermixtæ sunt, ut sine ignavia aut inscitia, præteriri illæ non possint, si quis de nostris diligentius consulat. Rerum autem *Normannicarum* Scriptores varios uno volumine edidit, *Andreas Duchenius* Anno 1619. quos inter, *Ordericus* quidam *Vitalis* nostras, utpote in agro *Salopiensi*, apud *Attengham* natus eminet. Tredecim libros *Historiæ Ecclesiasticæ* scripsit, quorum pars Secunda & Tertia, bellicos *Normannorum* eventus, in *Francia*, *Anglia*, *Apulia*: plurimasque res alias memoratu dignas, usque ad annum Chr. 1141. *Stephano* regnante continent.

Sed ut redeamus ad *Historiam Anglorum*. Post *Walsinghami Chronica*, (quæ uti diximus in *Henrico V.* desinunt) frustrà erit Lector noster, si aliquem è nostratibus requisiverit, qui temporum ab *Henrico, V.* ad *Richardum III.* *Historiam* Latine Scripserit; nisi fortè manuscripti aliqui, in vetustatis antiquæ Sacrariis delitecant, qui publicam nondum viderunt lucem: ast ego meis Auditoribus parabilem commendo *Historiam*, talium scilicet Auctorum qui vulgo prostant, &
fa-

facili negotio comparantur; hîc igitur magnus erit hiatus, & lacuna annorum ferè septuaginta, nisi à *Polydoro Virgilio* supplementa accersere placeat. Quod quidem in tanta Auctorum nostrorum penuria, non dedignabitur Historiæ studiosus. Quamvis enim (uti nobilissimus *Henr. Savillius* de eo Scribit) homo fuerit *Italicus*, & in rebus nostris hospes, & quod caput est, neq; in repub. versatus, nec magni alioqui iudicii vel ingenii: quamvis in rebus nostris tradendis, sæpè erraverit, & multa memoratu dignissima silentio pertransierit, immò falsa pro veris sæpenumero amplexus, mendosam nobis reliquerit Historiam: id tamen ego fuisse crediderim, ubi *Henrici Octavi* tempora describit maximè: nam præter quod Linguae nostratis prorsus ignarus, plurima eorum temporum nescire habuit necesse: plurima etiam ut *Maria Regina* gratiam promptius demereri posset, scripsisse, non sine causa perhibetur. Priorum verò temporum, eadem non est suspicio. *Henricos* igitur duos, V. scilicet & VI. duos etiam *Edwardos* IV. & V. à *Polidoro* petat Lector noster. Qui proximè sequitur, *Richardum Tertium*, historicè descriptum

re-

De Hist.
Lat. l. 3. c
13.

reliquit, celeberrimus ille *Thomas Morus* Eques Auratus, & *Angliae Cancellarius*. Sed opus omnino imperfectum censet doctissimus *Vossius*: quippe, ut fuisse, inquit, persequitur, quibus sceleribus ille ad regnum pervenerit; ita quomodo id gesserit non exponit: ac nec ea parte quam habemus, ultimam manum accepit. Præterea elegantia Latini Sermonis, ab aliis ejusce viri operibus longè vincitur. *Richardum III.* excepit *Henricus Septimus*, cujus vitam & res gestas, haud ita pridem nobis representavit Nobilissimus *Vice-Comes Sancti Albani*; adeo foeliciter adeoque plenè, ut Historicorum præstantissimos, si non superaverit, certè prorsus æquaverit. Illud opus vernaculâ quidem lingua prodiit primo, sed latinitate donatum postea, testatur epistola præliminaris, ad ejus libellum, cui *Gustuum* Titulus. Postindè *Godwini* præsulis admodum Reverendi, *Annales* adeat Lector, quibus rerum Anglicarum, series *Henrico VIII. Edwardo VI^o Maria Regina* regnantibus, non magis succincta quam laudabili brevitæte describuntur. Denique clarissimus *Gulielmus Camdeanus*, munificentissimus hujus *Spartæ* nostræ

stræ conditor olim & patronus, *Annales* scripsit accuratissimos, *Rerum Anglicarum & Hibernicarum*, regnante *Elizabethâ* gloriosissimâ & omnium quæ unquam sceptrum gestârunt felicissimâ feminâ. His elogiis eam olim decoratam ab illustri Heroïnâ *Annâ Atestinâ*, Guisiorum ac Nemorosiorum parente, meminit *Thuanus*. Hos ultimo loco diligentè le- *Hist. l. 129*
gat nostratis *Historiæ* studiosus; indè mihi *p. 1058.*
dicat bona fide, utrum eos cum antiquorum *Annalibus* quibuscumlibet, jure meritoq; componere non valeamus.

SECT. 31.

Etsi nostratis Historiæ corpus integrum pro rei dignitate continnatum Latine nondum habeamus, Anglicè tamen qui id multa cum laude præstiterunt habemus. Iohannis Speedæi, Theatrum Britannici Imperii oppidò illustre, à nostris adolescentibus imprimis contemplandum. Præsertim ab iis qui regiones exoticas visere cogitant.

¶ Am verò, si quis ex nostratibus, & nostræ *Historiæ* studiosus, adeo delicatus sit,

sit, ut pensum nimii laboris ac tædii arbitretur, totidem pervoluendos suscipere Auctores; malitque unum aliquem (quem reliquorum instar habeat) optare, eique soli insistere, atque adhærere. Meminerit suprà notatum, neminem talem Latine extare, qui nostræ *Britannia* Historiam à primo incolatu, ad postrema hæc tempora satis dignè produxerit: linguâ tamen vernacula, nonnullos extare qui multa cum laude hac ex parte desudârunt. Quos inter, clarissimum virum *Johannem Speedum*, principe loco, Historiæ Britannicæ studioso commendare nullus dubitem. Is peragratâ *Magna Britannia*, Scriptoribus patriis aliisque curiosè pervolutatis, Archivis, Tabulariis, Monumentis publicis, veteribusque schædis excussis, *Theatrum* struxit *Imperii Britannici*, splendidum meherculè & meritò suspiciendum: quod quidem operoso admodum & valdè impendioso bis septem annorum labore, libris (quasi *Scenis*) decem absolvit: hoc ordine. In *Prima Scena*, totius Regni facies cum suis distinctis regionibus, urbibusque præcipuis, graphicè depingitur. *Scena Secunda Walliæ* provincias accuratè etiam descriptas oculis repræsentat. *Tertia*, to-

tius Regni *Scotia* insignem exhibet delineationem. *Quarta*, Regnum *Hiberniae* ejusque partes singulas, suis tabulis ostentat. Neque nudas tantum imagines, aut chartas solummodò *Chorographicas*, exactissimè licet & exquisitissime sculptas in hisce primis quatuor Scenis (tanquam *κω-
στά πρῶτα*.) spectandas proposuit; sed etiam memorabilia quæque potissima, in qualibet regione, notatu visuvè dignissima, succinctis narrationibus adjunctis propalavit. Indè si ad *Quintam Scenam* Lector oculos convertat; Situm, circuitumque *Britanniarum*, Nomina prisca, primos incolas, mores, politias, Reges & Rectores primos agnoscet: ibi etiam priscorum *Britannorum* effigies, indumentorum vestiumque figuras pulchrè descriptas inveniet. Ad *Scenam Sextam* pergat; ibi *Monarcharum* præsidiumque successionem, resque gestas ediscat: eorum scilicet, qui dum Romani hic rerum potiti sunt, floruerunt. *Septima Scena* Reges *Saxonicos*, & *Monarchas Anglicos* monstrat; ubi eorum quoque temporum memoriam Auctor diligentèr exponit. *Scena Octava* *Danorum* originem, expeditiones atque incursiones in *Angliam*,

nec non facinora lectu digniora commemorat. *Nona, Normannorum* appulsum, victoriam, *Conquestoris* successorumque cunctorum ejusdem, Historias ordine per-textit. Denique *Scena ultima* latissimum regis *Iacobi* introitum, felicissimam duorum regnorum unionem, pacem cum universis regibus principibusque circumvicinis stabilitam complectitur: indè pro coronide, venerabilis Auctor, parricidium illud infandum, atrox, inauditum, horrendo sulphurei pulveris impetu perpetrandum, sed diuinitus & miraculosè patefactum oppressumque, stylo quidem (uti reliqua omnia) vivido minimeque affectato luculenter exequitur. Quamobrem adolescentibus nostris magnopere hortator sum, iisque inprimis, qui nobilitate stirpis præstant, & studio peregrinandi ducuntur, ut hoc pulcherrimum suæ *Britannia Theatrum*, partesque ejus singulas, oculis prius diligenter obeant, quam regiones exoticas peragrarè, gentesve alienigenas invisere aggrediantur: licet enim haud inficias iuverim oppido laudabile studium esse, varia gentium instituta cognoscendi, multorum populorum ritus moresque explorandi, formas

denique diversarum urbium videndi undè
 Περικλῆς & multifariae prudentiae com-
 pos audivit *Vlysses*: praeposterum tamen,
 ne dicam absurdum, arbitror esse deside-
 rium, aliena & longinqua lustrare velle,
 citeriora & domestica prorsus negligere:
 exterarum urbes, & procul hinc remotas
 quærere; nostras & proximas vix semel
 vidisse, aut nosse. Praesertim cum *Britan-*
nia nostra, una sit totius orbis insula ce-
 leberrima, multasque habeat civitates
 praeclaras, multa templa religione augu-
 sta, antiquitate veneranda, ornatu & splen-
 dore conspicua; Montes fama nobiles; fon-
 tes usu & efficacia mirabiles; fluvios na-
 vigabiles, portus tutos; atque alia pluri-
 ma spectatu, cognituque dignissima. Pri-
 mas itaque *Theatri* praedicti quatuor
Scenas (iterum vos hortor Adoleſcen-
 tes) diligentius intuemini, partemque
Geographicam attentius perlustrate; fal-
 lor, si qua uspiam sub coelis regio pluri-
 bus spectandorum monumentorum in-
 signibus se jactet. Indè per sex reliquas
 ite *Scenas*, partemque Historicam serio
 percurrite; spondeo, res in omnes partes
 valdè memorabiles reperietis: neque sanè
 (opinor) terrarum ulla est, quæ tot illu-

*Turpe &
 esse subai-
 to indigni,
 externa in-
 quære, &
 respere -
 grinas ad-
 mirari, to-
 na verò pa-
 tria ac pro-
 pria non cõ-
 siderare;
 nec positam
 ante oculos
 principum
 suorum vir-
 tutè suspi-
 cere &
 magnifacere.
 Georg.
 Fabris.*

strum alumnorum factis ingentibus, tam merito gloriari possit. Denique illud certo sciatis licet, quanto quis vestrum hæc nostra magis habeat in numerato, & cum aliis ubicunque appulerit, promptius communicare dignatus fuerit, (quod plerumque plurimum desideratur) tanto gravior exteris hospes accedet, tantoque liberior ei dabitur potestas, vicissim percontandi (sicuti à peregrinantibus fieri cōvenit) de moribus gentis, de legibus, de facie cujusque urbis, de principibus, bellis, casibus, aut si quid aliàs eventuum, illuc insigne fuerit annotandum. Atque ita demum, optatis peregrinationis suæ fructibus longè refertior domū redibit. Hactenus autem de Historicis civilibus sive politicis dictum; quo loco & quo ordine sint legendi.

Ad Historiam Ecclesiasticam transitio.

Eā tractare cui imprimis convenit. Duo (in genere) temporum intervalla respi-cienda. Historiam primi intervalli Sa-cra Biblia continent. Cum iis Iosephi Antiquitates Iudaicae legantur. De Jo-sepho doctissimorum virorum judicia. Hegesippus ille pseudepigraphus, Au-ctor haud penitus rejiciendus. Quo sen-su utilis & laude dignus. Sulpitii Seve-ri Historia Sacra, meritissimo hic Le-ctori commendatur.

HUc usque cum pervenissem, capite primo suscepti negotii, me planè ac plenè defunctum arbitrabar. Verum enim verò aurem non ita pridem mihi vellicarunt, docti quidam viri juvenes, ex Auditoribus quondam meis; monue-runtque; optari plurimùm, ut de Scrip-toribus *Historiae Ecclesiasticae* pari modò nonnihil commentarer. Hanc operam li-cet, à *Theologorum* nostrorum *Coryphæo*, *Doct. Ioh. Professore Regio* longè dignissimo, po-tius expetendam putaverim; utpote qui *Prideaux Exon. Coll. Rect.* sicut omnium aliarum, disciplinarum, ita

quoque omnis generis Historiarum, quasi
 fons sit uberrimus; cuius hauſtu, ſitim ipſe
 meâ frequentèr & cum ſumma voluptate
 ſedaverim: mihi tamennônnullis ex erudi-
 tioribus amicis ad id cohortantibus haud
 prorsus deſugiendâ cenſui. Quin & tan-
 dem Scriptorum *Rerum Eccleſiaſticarum*
 etiam Catenam, huc attexere conſtitui.
 Quiſquis igitur *Eccleſiaſtiam* rectè
 intelligere, & ordine cognitam habere
 cupiat, duo in univerſum (ut paucis rem
 conficiam) temporum intervalla diſtin-
 ctè reſpectanda animo proponat. Vnum
 ab *Ortu Mundi* ad Chriſti Redemptoris
 incarnationem; quo intervallo veteris
Teſtamenti Eccleſia, *Iudaica* dicta, nunc
 floruiſſe, nunc ſervitutem ſub tyrannis
 duram ſerviſſe legitur. Alterum ab *In-*
carnatione Domini, ad hoc ſeculum quod
 excurrit, quo militat *Novi Teſtamenti*
Eccleſia, *Chriſtiana* dicta. Primum inter-
 vallum continet annos quater millenos
 quinquaginta minus, ſi *Scaligero* (quem in
 ſuperioribus etiam ſecuti ſumus) creda-
 mus. Secundum, mille ſexcentos & quos
 in fluxu adhuc ultrâ putamus. Quapropter
Eccleſiaſtiam per primum illud
 temporis intervallum, è Sacris utriuſque
 In-

Instrumenti voluminibus, primo petendam dicimus; quæ diligenter ac præ cæteris omnibus pervolvenda, studiosèque perscrutanda noverit Lector. Sed & ijs, haud operæ suæ pretium grande defuturum sciat, si adhibeat libros *Antiquitatum Iudaicarum*, à *Iosepho* scriptos, nec non eos, de bello *Iudaico*. Siquidem in his, *Ecclesia Veteris Testamenti* Historia ab initio *Mundi* usque ad postremum *Hierosolymæ* excidium paullo supra annum *Mundi* quater millesimum tricesimum, eruditissimus *Matathia* filius contexit: adeò fidelitèr, ut *Divus Hieronymus* censor minimè obtusus, cum inter *Scriptores Ecclesiasticos* retulerit. Et magnus *Scaliger*, ei non solum in rebus *Iudaicis*, sed etiam externis tutius credendum censuerit, quam omnibus *Græcis* & *Latinis*. Sunt quædam in *Iosepho* peccata (inquit *Balduinus Jctus*) quis negat? sed quam multa sunt recta, præclara, necessaria, ad ipsam quoq; *Sacram Historiam* illustrandam? præterea; peccata quæ objiciuntur, aliquanto mitius à *Melchiore Cano* errores dicuntur ignorantis, non mendacia fallentis. *Iosepho* subnectere, sive potiùs cum ejus libris de bello *Iudaico* con-

Lib. de E-
men. Temp.
in prol.

De Insti-
tut. Histo-
ria lib. I.

Lib. I. p.
546.

jun.

154 METHODVS LEGENDI

jungere, nonnemo suadet *Hegesippum*:
 (*Melchioris Cani* iudicio) bonū in primis
 Lib. 11. loc. Auctorem, virumque probatæ fidei, ac
 Comm. cap. gravem omnino Historicum. A Magno
 ult. Scaligero quidem, sicuti etiam ab erudi-
 tissimo *Casaubono*, doctissimoque *Vossio*,
 Scal. Ani- Scriptor ἱεροβολιμαῖος & Ἰουδαίων &
 mad. in Eu- suppositius, denique, Auctor, infima vetu.
 seb. *Casaubex* statis perhibetur: vel saltem alius ab illo
 erc. 1. cont. nobili *Hegesippo*, Apostolorum temporibus
 Bar. proximo, *Iustino Martyri* & *Athene-
 Voss. de H. gora* æquali, cujus frequentem habemus
 Gre. 1. 2. c. mentionem apud *Eusebium* & *D. Hiero-
 14. nymum*. Non desunt tamen qui eum haud
 Casp. Bart. aspernandum Auctorem putant, neque
 2. 25. Adv. prorsus inutilem. Historiam quidem bel-
 4. 10. & l. lorum *Iudaicorum*, à Tempore *Macca-
 34. 6. 11. bæorum*, usque ad *Christi Natalem*, & *He-
 rodis* mortem libro 1^o. atque indè usque
 ad *Vespasiani* expeditionem in *Iudeam*,
 & annum *Christi*, 69, libro 2^o. & dein-
 ceps libris 3^o, 4^o, 5^o, usque ad *Iudeam* &
 urbem *Hierosolymam* per *Vespasianum*
 & *Titum* funditus everSAM, Anno *Christi*
 72^o, posteritatis memoriæ consecravit.
 Atqui ista omnia (inquit *Ioh. Bodinus*)
 melius ac verius ipse *Iosephus*, qui non
 modò adfuit sed etiam præsuit; & captivus

Methodi
 cap. 4.

HISTORIAS ECCLESIASTICAS 155

à *Vespasiano* ac *Tito*, ius *Civitatis*, & *Nomen Flaviae gentis*, ac *statuam adeptus* est. Denique, principes illae virtutes *Historici*, nempe *summa eruditio*, *eximia integritas*, & *maximus rerum agendarum usus* in *Iosepho* claræ fuerunt. Quin & contra fictitium istum *Hegesippum* obijci-
tur porro, quod de rebus *Ecclesiae* non a-
gat, sed de *Iudeorum* gestis tantum, indè
à *Maccabaeis* usque ad urbis excidium.
At *Bodino* responderi potest; primo; quod
ea quæ à *Iosepho* copiosè libris 7. de Bello
Iudaico, & sparsim in antiquitatibus refe-
runtur, breviter & argutè complexus est
Hegesippus iste in hoc opere. Deindè, non-
nulla de *Servatore* nostro *Iesu Christo* à
Iosepho prætermissa, vel obiter (quod
esset fortassis à fide nostrâ alienus) indi-
cata, Auctor iste non minus religiosè quam
verè explicat. Denique, belli causas pau-
cis recenset; fontes maximarum calami-
tatum eruditè commonstrat; cur popu-
lus ille à Deo singularitè electus, mul-
tumque dilectus, tam gravitè attritus
fuerit; cur *Hierosolyma* everfa, non solum
(ut *Plinius* ait) *Urbium totius Orientis*,
verum si insignia Dei spectemus benefi-
cia, totius *Orbis* longe clarissima. Cur

*Gualter. in
pref. ad
Heg.*

*Lib. 5. c. 14.
Hist. Nat.*

Tem-

Templum deletum; sacra ablata; Gentis
 politeia, quæ per tot ânos steterat penitus
 sublata. Harum enim rerum non otiosa
 consideratio, præstantissimum qui ex cog-
 nitione Historiæ peti solet fructum, pio
 prudentique Lectori affatim suppedita-
 bit. Velsi nostro *Historiarum Ecclesiasti-
 carum* studioso supposititium hunc Au-
 ctorem prætermittere placeat, nec post
 Sacros Codices & *Iosephi Antiquitates*
 extantlatas, gravetur retro oculos con-
 jicere, & universam *Historia Sacra* &
Ecclesiastica imaginem, uno quasi intuitu
 ab Orbe condito ad Christum natum, &
 indè porro ad annum quasi quadringen-
 tesimum secundi intervalli contempla-
 ri, *B. Sulpitii Severi Historiam Sacram*
 accersat; quam à *Mundi* initio exorsus,
Synodo Burdigalensi concludit. Vir erat
 doctrina & sapientia plurimum pollens;
 Scriptor valdè politus. Dictione utitur a-
 deò terfâ & eleganti, ut Ecclesiastico-
 rum purissimus Scriptor, à *Iosepho Scali-
 gero* vocetur. Cujus præstantissimi viri
 iudicium, prolixiori nec minùs eleganti
 testimonio *Victoris Gisellini*, summæ eru-
 ditionis medici, ac *Philologi* confirmare
 lubet. Ille sic, *Res à Mundi exordio sacris*

literis editas breviter constrinxit B. Sulpitius, & cum distinctione temporum ad suam usq; memoriam carptim perduxit.

Quo opusculo non sanè magno, aliud an ullo unquam seculo Reipub. Christianae utilius, ac præstabilius editum sit, iis, quorum illud est iudicium, iudicandum relinquo. De elegantia vero præstare aulam, & affirmare me posse confido, nulli idem omnium Scriptorum Ecclesiasticorum quicquam concedere: alia verò omnia, quæ in eodem genere versantur, tanto intervallo omnimodis superare; ut ne sint quidem ad hoc comparanda. Magnum est quod dico & fortassè plurimis incredibile. Sed ejusmodi tamen quod non tam dicenti mihi, quam testificanti pro me veritati creditum iri confidam, si quibus opera pretium erit, Orosium, Florum, Eutropium aliosq; Epitomatum actores cum hoc nostro omnibus partibus contendere. Eam verò palmam sola, ut mihi videtur, C. Salustii rerum Rom. auctoris florentissimi imitatione consecutus est. In quo cum multa virtutis locum obtinere videret, quæ tamen sub imitationem vix cadrent, abruptum dico sermonis genus, quod audientem Lectorem transvolat, nec, dum repetatur, ex-

pectat; sive ut loquitur Seneca, amputatas sententias, & verba ante expectatum cadentia; eas virtutes utpote Salustio suas, integras reliquit. A verbis item antiquis, ex Catonis (ut volebat Augustus) originibus excerptis consilio se abstinuit. At concinnam illam brevitatem, lectissimis, ac significantibus verbis temperatam, suo instituto cum primis accommodam, tantâ arte expressit, ut vix modum quis dicat non imitatum cum: sed emulatum. Neq; n. satis habuit eodem, quo ille, modo orationem ducere, secare, circumscribere, colligare, ac deniq; à re una ad aliam transire; nisi & principiis ijsdem libros suos ordiretur; ita tamen, ut quæ ille, teste Fabio, nihil voluit ad Historiam pertinere, hic paullo propius ad rem accommodârit. Quæ omnia saltem historia præclare elucere, vel primo oculorum injectu facile qui vis animadvertit; confecta est enim, ut dixi, in primo ætatis flore, quum flagrans eloquentia studium, severa Turronensis contubernii disciplina nondum restinxisset. Hactenus Giselinus. Hanc Severi historiam Sacram accuratè recensitam atque emendatam & ad Carolum, ejus nominis Quintum Cæsarem, ex Sleidani de Quatuor Summis Imperiis libro,

libro, non inelegantè continuatam, paucis ante annis emiserunt *Elziverii*, *Ty-* 1629
pographi Lugduno Batavi. Habet quidem suos errores de quibus videndus *Bellarminus*, de *Scriptoribus Eccles.* A^o 420. Atque hactenus de ijs qui primi Intervalli *Historiam Ecclesiasticam* scripserunt, & quos imprimis legendos censemus.

S E C T. 33.

Secundi intervalli (h.e. Ecclesie Christianae) Historia, primo ab *Evangeleſtis* & aliis *Novi Instrumenti* libris, ubi ejus incunabula narrantur haurienda est. Qui porro aliquam partem ejus infantiae & π^ρω^της descripserint, vix ulli extant: circumferuntur nonnulli qui iisdem temporibus vixisse perhibentur & primorum *Martyrum* certamina descripsisse, sed à doctis supposititii, quòd fabulis stent astimati. Ei vitio *Recentiorum* aliquot obnoxios fatetur *Baronius*. Idem *Vives* conqueritur & *Melchior Canus*. Item *Veteres* nonnulli. Ideoq; *Ecclesie Historia* cum cura legenda. *Nimia* tamen incredulitas vitanda: in *lectione Historiarum* quales esse debeamus.

An-

*Antiquissimi & priores recentioribus
præponendi.*

TAM VERÒ alterũ illud intervallum (quod
à Christo incarnato sumere initium dixi,
& ad ætatem nostram excurrere) Novi
Testamenti Ecclesie tribuitur, quæ Chri-
stiana dicitur Ecclesia, sicuti prior illa
Indaica dicta est. Ecclesie verò Christia-
ne Historia, à Sanctissimis quatuor E-
vangelistis, Spiritus divini amanuensibus
fidelissimis, primò requirenda est. Hi
enim Redemptoris nostri, rerum Domi-
ni, Ecclesie fundatoris iuxta & funda-
menti (verbis Reverendissimi Cice-
strensis Episcopi loqui mihi hic liceat)
Historiam literis consignarunt. Deinde
beatissimorum Apostolorum Actus, Pe-
tri, præsertim, atque Pauli perigrinatio-
nes, pericula, & ἀσπαραδάματα, Sanctus
Lucas ὁ εὐεργετής (eruditissimum hic etiam
agnoscite Antistitem) luculento quidem
& purissimo sermone Græco, adeo ut ne
ipsæ quidem Athenæ magis Atticè loquan-
tur, æternitati consecravit. Præter hosce
Novi Instrumenti Scriptores, (qui etiam
ipsi Christianæ Ecclesie tantum incunabu-
la exhibuērūt) pauci admodum ad manus

præf. ad
appar. n.
10.

nostras pervenerunt; pauci, inquam, aut
 potius nulli qui prima secula, ut testes
 oculati descripserint, aut qui res in *Ec-*
clesia gestas, donec adolesceret, memoriae
 tradiderint. Circumferuntur quidem va-
 rii Scriptores, qui primo illo *Ecclesia* ævo
 vixisse dicuntur, qualis *Prochorus* (unus
 ex septem *Diaconis* quos Apostoli ipsi *Voss. l. 2. de*
 ordinarunt) qui vitam *Evangelistæ & hist. Gr.*
Apostoli Johannis, quæ in *Orthodoxo-*
graphis & Bibliotheca Patrum legitur,
 scripsisse perhibetur. *Abdias Babylonius*
 unus ex 72. *Discipulis* (si ei credere li-
 ceat) qui de certamine *Apostolorum* li-
 bros decem scripsisse dicitur. *Linus* de
 passione Divorum *Petri & Pauli. Pres-*
byteri Achaia de passione Sancti *Andrea*
Apostoli, atque alii; quos omnes tamen
 supposititios, & inter *Apocrypha* reputan-
 dos censuerunt *Patres Antiqui*, immo
 etiam *Baronius, Bellarminus, Sixtus Se-*
nenfis, Melchior Canus, aliique viri do-
 ctissimi hujus & superioris seculi: nimi-
 rum quod fabulis adeo insulsis referti sint
 ut nec in ijs quæ vera fortassè sunt, fidem
 mereantur. Neque isti solum *primæ anti-*
quitate vulgò dicti Scriptores, huic vitio
 obnoxii esse perhibentur, sed è recentio-

ribus etiam non pauci, de rebus vetustissimis scribentes, nimiam credulitate laborantes, fabularum figmentis mire scatent. Id quod ingenuè fatetur magnus Cardinalis. Nulla res (inquit) ita hactenus negligi visa est, ac rerum Ecclesiasticarum gestarum vera, certa, & exacta diligentia perquisita narratio. Et ut de Antiquioribus loquar, qui ejusdem argumenti Commentarios ediderunt, invenire difficile est, qui veritatem in omnibus sit assecutus. Tale quid ante Baronium graviter conquestus est, Johannes Ludovicus Vives. Maximum (inquit) saepenumero dolorem cepi, dum ipse mecum reputo, quam diligenter, quanta cura, Alexandri, Annibalis, Scipionis, Pompeij, Caesaris & aliorum ducum: Socratis, Platonis, Aristotelis, & aliorum Philosophorum acta perscripta sint, & sempiterna memoria infixata, ut periculum non sit ne unquam excidant: Acta vero Apostolorum, Martyrum, denique Divorum nostrae religionis, & ipsius sive crescentis Ecclesiae, sive jam adultae, operta maximis tenebris ferè ignorari, tanto sive ad cognoscendum sive ad imitandum, quam Ducum aut Philosophorum fructuosiora. Nam quae de iis sunt scripta, praeter pauca quaedam,

mul-

Baron. in
præf. ad
Tom. I.
Annal.

Lib. 5. de
Tr. disc. p.
360.

multis sunt commentis fœdata; dum qui scribit, affectui suo indulget, & non quæ egit Divus, sed quæ ille eum egisse vellet, exponit: & vitam dicter animus scribentis non ipsa veritas. Pergit porro Vives: fuere qui magnæ pietatis loco ducerent mendacia pro religione confingere; quod & periculosum est, (ne veris adimatur fides propter falsa) & minimè necessarium, quoniam pro pietate nostrâ, tam multa sunt vera, ut falsa tanquam ignavi milites, atq; inutiles, oneri sint magis quam auxilio. Hactenus doctissimus ille Hispanus; cui cum per omnia concinat popularis ejus Melchior Canus, magni etiam nominis Lib. 11. loc. Com p. 533 apud pontificios (nec immeritò) Theologus; verba ipsius hic quoque repetere non gravabor. Dolentèr hoc dico (inquit) potiùs, quam contumeliosè, multò à Laertio severiùs, vitas Philosophorum scriptas, quam à Christianis vitas Sanctorum; longèq; incorruptius & integriùs Suetonium res Caesarum exposuisse, quam exposuerint Catholici; non res dico Imperatorum, sed Martyrum, virginum, & Confessorum. Illi enim in probis aut Philosophis, aut principibus, nec vitia, nec suspensiones vitiorum tacent; in improbis verò, etiam colores

virtutum produnt. Nostri autem pleriq³,
 vel adfectibus inserviunt, vel de industria
 quoq³ ita multa confingunt, ut eorum, me-
 nimirum non solum pudeat, sed etiam tœ-
 deat. Hos enim intelligo Ecclesiæ Christi,
 cum nihil utilitatis attulisse, tum incom-
 modulationis plurimum. Ita Melchior Ca-
 nus. Neque putare debemus, hujus nostri
 solum, aut superioris etiam seculi homi-
 nes, doctos piosque, de corruptelis hu-
 jusmodi maculisque scripta Ecclesiastica
 depravantibus, conquestos esse quasi nu-
 per irrepsissent, aut hujus culpæ rei non
 forent Scriptores etiam nonnulli inter
 antiquissimos numerati. Ante mille tre-
 centos retrò annos, & cum nondum a-
 doleverat Ecclesia, reperti sunt qui re-
 rum Ecclesiasticarum monumenta falsita-
 tibus turpiter inficere, aliisque vitiis in-
 fuscare satagerent. Id Arnobius contra

Lib. I. p. 47. Gentes expressè causatur: Sed neq³ omnia
 conscribi, aut in aures omnium pervenire
 potuerunt, gesta gentibus in ignotis & u-
 sum nescientibus literarum: aut si qua sunt
 literis, conscriptionibusq³ mandata, male-
 volentia demonum, quorum cura & stu-
 dium est, hanc interciperere veritatem, &
 consimilium his hominum, interpolata qua-
 dam

dam, & addita; partim mutata atq; detra-
 cta verbis, syllabis, literis; ut prudentium
 retardarent fidem, & gestorum corrumpere-
 rent veritatem. Sic Arnobius. Et reverà,
 quid ad corrumpendam contaminandam-
 que Veteris Ecclesie memoriam valeret,
 quod dolo malo non fecerunt *Ethnici, Ju-
 dæi, Hæretici?* quid fatua credulaque su-
 perstitio non affinxit? Hæc (Auditores)
 eo fusiùs persequi libuit, ut scirent *Histo-
 riarum* studiosi, & diligenter animadver-
 terent, quanta cum cautione & cura,
Historia Ecclesiastica sit legenda: siqui-
 dem in ea multo magis quam in ulla alia
 Hiltoria à fabulis cavendum. Quia hic
 multò periculosius esse, quam in rebus ci-
 vilibus, erroribus implicari omnibus in
 confesso est. Cæterum, uti hac ex parte, o-
 peram dare non mediocrem convenit, ne
 falsum pro vero, temerè accipiamus; ita
 etiam attentè prospicere decet, ne ve-
 rum pro falso inconsultè reiiciamus. Fa-
 teor (inquit doctissimus *Balduinus Ictus*)
ubi tot insidie sunt, & tantum periculi,
laudandam esse, timidam eorum ἐὺλαβείαν,
qui meminere non temerè esse creden-
dum. Sed quorundam rursus nimia est
ἀψία, qui nihil credunt, quam quod ab

De Instit.
 p. 93. edit.
 16.

unius alicujus Scriptoris stylo consignatum
 erit. Vt de Apostolorum temporibus,
 nihil dici velint, quod ab ipso *Luca* non
 sit expressum. Atqui *D. Lucas Pauli* po-
 tissimum *Historiam* contexere voluit, &
 rursus, in ea quædam *Lucam* prætermi-
 sisse, indicat ipsius *Pauli* ad *Galatas* E-
 pistola. De *Simone Magno* loquens, sim-
 pliciter narrat *D. Lucas*, eum in sua *Samaria*
 commotum increpatione *Petri*,
 agnovisse suum peccatum. Sed an prop-
 terea clamabimus esse falsum, quicquid
 præterea de eo narrant vetustissimi &
 gravissimi Auctores, *Iustinus*, *Tertullia-
 nus*, *Arnobius*, *Eusebius*, *Epiphannius*,
Augustinus? quapropter illud semper te-
 neamus & meminerimus, nos in lectione
 Historiarum, esse debere quales ab *A-
 ristotele* esse dicuntur, qui neque pueri
 neque senes sunt: qui inquam, ad creden-
 dum neque sunt nimium faciles, neque
 difficiles nimium. ἔτε (inquit) πάντι π-
 σείοντες, ἔτε πάντι ἀπιστοῦντες. Scitum pro-
 fecto est illud *Hesiodi*. πίσεις δ' ἀεὶ ὁμῶς
 καὶ ἀπιστία ὄλεσαν ἀνδρας, *Credulitas pari-
 ter ac diffidentia perdidit homines*. Ve-
 rum rectè quoque aliquis vicissim dixe-
 rit, modò πίσεις, modò ἀπιστίας esse utiles
 at-

Lib. I. oper.
 & D. ver.
 370.

atq; salutare. Nam non omne verisimile statim verum; uti neq, quod primum incredibile videtur continuo falsum. Crebro faciem mendacii veritas retinet: & mendacium specie veritatis obcluditur: uti alicubi *Seneca*. Quocirca (ut pergamus) quum Auctores non occurrant qui testes oculati rerum earum quas memoriæ mandant aliquando fuerint; proximum est ut eos qui quod ab aliis acceperunt, bona fide narrant, audiamus: præsertim si & ætas ipsa & antiquitas, & virtus fidem atque auctoritatem concilient. Inter hos enim, antiquissimos illos, atq; (ut ita dicam) Classicos Auctores recentioribus antepone nos decet. quod *Aristoteles*, *Rhet. l. i.* de testibus, id quidem hic locum habere meretur; *πρῶτοι ὅι παλαιοί, ἀδιόδοτοι γδ.* Quin & ita fieri solet, ut quo posterior recentiorq; sit rei antiquæ narratio, tanto mendosior corruptiorq; evadat. Namque ut vinum, quo magis transfunditur, evanescit magis, tandemq; fit vappa: & quemadmodum fama ipsa, quo longius progreditur, longius recedit à verò, plusq; colligit vanitatis; sic & per sæpe Historia, quæ à pluribus repetita variè jactatur, & aliis atq; aliis verbis recitata spargitur;

tandem contaminatur & in fabulam de-
 degenerat. Hæc quidem longiùs quam in
 animo erat produximus, sed Lectores
 cordati & veritatis amatores, huic prolix-
 itati veniam faciliùs concedent, si memi-
 nerint, omnia eo spectare, ut summa de-
 mum cautela in *Historiarum Ecclesiasti-*
carum voluminibus per volvendis adhi-
 beatur. jam igitur ad Auctorum Catalo-
 gum & seriem, quos, post *Novi Testamen-*
ti libros viri doctissimi præscribunt le-
 gendos, descendam, & qua par est brevita-
 te percurram.

S E C T. 34.

Tertio demum seculo, florente Ecclesia, flo-
rescere cœpit Historia. Eusebius Pam-
phili inter Ecclesiæ Historicos princeps.
In libris de vita Constantini Xenophon-
tis æmulus. Multa ab eo scripta periëre.
Eius auctoritas vindicatur. Quousq;
Historia Eusebii procedat. De Ruffino
Scaligeri iudicium. Tripartita Historia.
Panegyrici Eusebiani lectio cōmēdatur.

QVando quidem igitur Scriptores illi
 qui cum *Apostolis* vixisse feruntur,
 pro

pro supposititiis (uti supra dictum est) reijciantur: quique eos immediatè secuti sunt, per duo prima saecula, aut vasta illa rei literariæ clade absorpti, non extant, aut de Historia Ecclesiastica, (opinionem doctissimi Casauboni) *magis videantur* ^{Prolegom.} *cœpisse cogitare, quam ad eam illustrandam* ^{ad exercit.} *seriò se composuisse.* Oculos in tertium seculum conjiciamus quod cum duobus sequentibus, *iure meritò* (inquit ille) ἀκμή τῆς ἐκκλησίας, flos ipse Ecclesiæ, & ætas illius aurea, nuncupari potest. Eo tempore sicuti Theologica studia, ubiq; florebant, ita Historia quoq; Ecclesiastica, hætenus tantum non ignorata, cœpit efflorescere. In hoc stadio decurrere, princeps (quod quidem novimus) aggressus est ὁ τῶ παμφίλος, *Eusebius Pamphili* (quemadmodum ^{L. de Illust. viris.} propter amicitiam cum *Pamphilo Martyre*, teste *Hieronymo* vocabatur) *Cæsarea Palestina* (imperante *Constantino*) Episcopus, (quemq; πολυμαθὴν καὶ πολυίστορον *Cedrenus* meritissimo indigitat) sui seculi sine controversia, vir eruditissimus fuisse perhibetur. Is (inquam) uti ipse in proœmio libri primi affirmat, princeps animum ad *Ecclesiæ Catholice* Historiam universalem scribendam appulit, manum operi

operi admovent, & à *Nativitate Domini* auspicatus, perq; tyrannorum tempora accuratè progressus, rerum in *Ecclesia* gestarum seriem, *Apostolorum* & aliorum illustrium in *Ecclesia Doctorum* successiones, doctrinam Evangelicam, Martyria, persecutiones, quas tyranni quidam adversus *Ecclesiam* moverunt, Hæreticorum etiam perversa dogmata, ad sua usq; tempora, decem libris singulari diligentia pertexuit. De vita etiam *Constantini Magni*, quatuor libris qui hodieque extant, ac pro genuinis à *Photio* agnoscuntur, scripsit. Verum *Xenophontis* (qui *Cyprius* prefat. ad *ri παύσειαν* καὶ ἐγκώμιον verius quam *Historiam* descripsit, ut boni Principis imaginem contemplandam proponeret) exemplum secutus, non tam *Historiam* quàm panegyricum de laudibus *Constantini*, & præclaris ejusdem facinoribus concinnavit. Vnde ἐγκώμιον καὶ τελεγράβιον à *Photio* illud opus nuncupatur. Certè principis optimi, vivum paradigma inibi subjecit oculis, quod cum fructu Reges etiam & principes potentissimi contemplari possint. Vti *Grynæus* rectè observat. *Martyrum* quoque *Historias* ex archivis *Ecclesiarum*, Notariorumque scriniis, tabulisque

V. Cicestr.

App. n. 35.

In pref. ad
Hist. Eccl.

bulisque, eundem *Eusebium* contexuisse animadvertit Reverendiss. *Cicestrensis* *Episcop.* Nec erant illa (inquit) brevicula quaedam, recitandis nominibus destinata; quale nunc est Romanum quod prostat publicè *Martyrologium*, *Beda*, *Vsuardi*, aut si quæ sunt istiusmodi aliorum; vel qualia *Græcorum Menologia*; sed erant historica narrationes, rerum gestarum; *Commentarii scripti ἱστορίαι τῶν μαρτύρων*: quod quidem probat eruditissimus præsul, ex ipso *Eusebio*. Vbi de *Apollonio* agens, ait ipse; ἴσθις coram iudice verba, & responsa quæ dabat, ad *Perennii* interrogata; orationem quoq; apologeticam, apud *Senatum* habitam, si cui libitum fuerit accuratè cognoscere, legat ille librum à nobis compositum de veterum *Sanctorum Martyrum* rebus gestis. Iste autem liber, necnon alia plura *Eusebii* opera (de quibus à *Divo Hieronymo* inter *Scriptores Ecclesiasticos* facta est mentio) periêre, neq; ad manus recentiorum sæculorum pervenerunt. Sed auctoritati *Eusebiana* multi detrahunt, *Historiamq;* *Ecclesiasticam* à *Gelasio* papa in *Concilio* rejectam aiunt, atque *Apocrypham* pronunciatam. Verum ad *Eusebii* auctoritatem asserendam, suffici-

et

Præfat. ad
App. n. 14.
¶ 18.

Lib. 5. c. 19.

Voss. l. 2. de
Script. Gr.
c. 17.

Lib. 5.

Lib. II. p.
543.

Medulla

rom. 3. p. 6.

et nobis, quod ipse *Gelasius*, in principio ejusdem censuræ *Chronicon Eusebii Casareensis*, atque ejusdem *Historia Ecclesiastica* libros propter rerum singularem notitiam, usquequaque non renuendos dixerit: quod idem, testatur *Volaterranus*. In jure Pontificio *Eusebii* tantum *Chronica* simul & *Historia* recipiuntur. Sin minus, accedat *Melchioris Cani* confirmatio. In *Historia Ecclesiastica Eusebii*, satis *Gelasius* ostendit, cætera sibi ac Concilio placuisse, dum quedam displicuisse commonuit. Itaq; si fabulam *Abagari*, laudesq; *Origenis* ab *Eusebio* demeres, digna ejus *Historia* esset, cui fides omnino haberetur. Mihi quidem hac ex parte judicium doctissimi *Sculteti* valdè arridet, quod hisce verbis explicavit. Qui *Ecclesia Historiam* continent libri, luculenter demonstrant *Historiam veteris Ecclesiæ* illam demum esse veram, quæ ex germanis patrum *Orthodoxorum* libris est petita: quam enim diu *Iustinum*, *Irenæum*, *Origenem*, *Tertullianum*, *Cyprianum*, *Clementem Alexandrinum*, aliosq; probata fidei patres in *Historia* sua sequitur *Eusebius*, *Historicum* agit fide dignum: sed simul atq; ad traditiones, & non ad scripta sed audita provocat, fabulosa

bulosa multa miscet. Ita Scultetus. Reverà Pontificii sapius *Eusebium* acerbius perstringunt, & in eum acriter incurrunt; maximè *Cardinalis Baronius* (uti notat idem *Scultetus*) suum in *Eusebium* pro-
dit odium, non aliunde natum, quam quod *ib p. 2.*

Historicus qui laudes & donationes Constantini Ecclesiasticas fuisse persecutus, donationis Romana non modo mentionem facit nullam, sed eam etiam fictam esse innuit, dum Constantinum non à Papa Romano Romæ, sed Nicomedia baptizatum esse scribit. At *Arriana Hæresi* eum laborasse aiunt, & *Arrianorum* partibus semper fuisse; ideoq; sublestæ fidei nonnunquam accusatur. Revera, ante Synodum *Nicænam* ea labe infectum fuisse nimis liquido liquet: sanctorum verò deinde patrum auctoritatem libenter secutum, sanctissimè atque piè in orthodoxia vixisse nonnulli scribunt. Immo fertur apud Græcos

(testante *Georgio Trapezuntio*) ab eo, *Nicolaum.*
jussu patrum, sacrosanctæ illius Synodi

symbolum scriptum fuisse: quod ita composuit, ut ad dejectendam absque controversia perniciosam hæreticorum opinionem, filium Dei genitum non factum, cō-
substantialemq; patri conscripserit, ac *l. 2. c. 11.*

patribus

Pref. ad

Nicolaum.

V.

Hist. Eccl.

Socr. l. 1. c.

5.

Cassiod.

hist. Trip.

l. 2. c. 11.

*Pref. ad
Paul. 3.*

*Voss. lib. 2.
de hist. lat.
cap. 11.*

*Cassiod. de
Divin. lett.
c. 17.*

patribus tradiderit. Certè quæ in eo con-
ventu acta essent, fidelissimè ac planissi-
mè per literas, quæ etiam nunc extant,
omnia suis civibus indicavit. Vti scribit
Donatus Veronensis. Sed ut procedamus,
Eusebii Historia nos ad Annum *Christi*,
325. deducet: indè *Ruffinus Aquileien-*
sis Presbyter, *Divi Hieronymi* æmulus,
Eusebii Historiam è *Græco* in *Latinum*
sermonem transferens, duos de proprio
addidit libros; Historiamq; ad *Theodosii*
Imperatoris mortem usque, & annum
Christi 400. propagavit. Verum & in
transferendo, nimia usus est libertate, &
in opere proprio, *Eusebium* plurimum ex-
scripsit: unde *futilissimum Auctorem*
eum vocat *Iosephus Scaliger*, in *Appendi-*
ce operis incomparabilis de *Emendatione*
Temporum: nec erit fortasse piaculum, si
noster historiarum studiosus insuper eum
habendo prætereat: nam eorundem tem-
porum Historiam, uberius multo & accu-
ratus, *Socrates*, *Theodoretus*, & *Sozome-*
nus composuerunt. Hosce Tres *Epipha-*
nus Scholasticus, latine transtulit, *Magno*
Aurelio Cassiodoro id postulante, qui ex
tribus istis unum corpus confecit ediditq;
undè tripartitam Historiam appellatam

ex

ex ipso constat. Hic verò *David Chytra-*
us vir clarissimus & de utraq; Historia op-
 timè meritis, studiosos monet hortaturq;
 ut non modo fragmenta illa à *Cassiodoro*
 confuta, sed scriptores integros, qui *Græcè*
 & *Latine* impressi extant, diligenter le-
 gant. Et *Eusebii* panegyricum de vita
Constantini præmittant, ex quibus & tri-
 ginta annorum (inquit) Historiam inte-
 gram, & edicta præcipuè, ac leges *Constan-*
tini de religione Christiana, libris 2º. 3º. &
 4º. expositas, diligenter considerent, fon-
 temq; ipsum ex quo plurima *Socrates*,
Theodoretus, & *Sozomenus*, initio suarum
 Historiarum hauserunt, cognoscant.

SECT. 35.

Socrates quo tempore vixerit, unde &
 quonq; historiã perduxerit: item *Theo-*
doretus quid quoq; libro complexus sit,
Photii de eo censura. *Sozomenus* Sa-
 laminius, novem libris historiã conti-
 nuat ad An. Chr. 423. *D. Gregorii*
 locus adversus *Sozomenum* expendi-
 tur. Eiq; respondetur. *Sozomeni* Can-
 dor, de eo *Evagrii* testimonium. Tri-
 partitam Historiam sequitur *Evagri-*

us. eamq³ continuat, ad anno 597. Theophilactus Simocattus inde ad Ann. 601.

SVb *Arcadii* filio, juniore *Theodosio* floruit *Socrates*, natione *Bizantinus* a fine *Ensebi* & victoria *Constantini* adversus *Maxentium* A. Chr. 313, vel potius ab ipso anno quo Imperator in *Britannia* palam declaratus est, videlicet An. Chr. 309. *Historiam* exorsus, eam usq³ ad decimum septimum prædicti *Theodosii* Junioris consulatum perduxit. h. e. ad A. Ch. 441. Libros septem scripsit, stylo non admodum splendido; quorum primus *Constantini* *Cæsaris* tempora continet. Secundus *Constantii*. Tertius, *Iuliani* & *Ioviani*. Quartus *Valentiniani* & *Valentis*. Quintus *Gratiani* & *Theodosii* primi. Sextus *Arcadii* tempora. Septimus *Theodosii* Junioris annos 32. complectitur. Tota *Historia* annorum 140, spatium continet. Sicuti ipse capite ultimo lib. 7. verbis expressis nos docet, ita enim loquitur: *Hic septimus liber spacium triginta duorum annorum continet, tota autem Historia, in septem libros partita, annos 140. complectitur, quæ or-*
ditur

ditur a primo anno, ducentesima septuagesima prima olympiadis, in qua Cōstantinus Imperator declaratus fuit: desinitq; secundo anno trecentesima quinta Olympiadis, ad XVII. consulatum Imperatoris Theodosii. Novati partibus eum favisse pluribus è locis manifestum est. Nam (quod observavit doctissimus *Iacob. Billius*) nihil libentius fecit, quam ut non modo oblata, sed etiam interdum quæsitâ occasione in *Novatianorum* laudem multa commemoraret. Et si quis pio Zelo incensus *Novatianos* acrius infectetur, hujus nomen existimationemq; perstringere ac labefactare studuit. Sed ita obliquè, ut minus perspicaci Lectori non tam dolori suo atq; iræ obsequi, quam veritatis rationem habere videatur: hæc (inquam) *Iacobi Billii*, viri admodum docti censu. *Observat.*
 ra est, de *Socrate*, *Historiæ Ecclesiasticæ* *Sacrar. l. 1.*
 Scriptore quam ideò adponendam duxi, *c. 26.*
 ut majorem inter legendum cautelam
 φιλότης noster adhiberet.

Theodoretus eisdem temporibus vixit, *Cyri Mesopotamiae vel Syriæ Urbis* Episcopus. *Historiam Ecclesiasticam* scripsit, a fine *Eusebii*, & ab hæresi *Arriana* exorsus ad tempora *Theodosii Junioris* quoque

quæ eam deducit. *Secundæ synodi Generalis* gesta, fusiùs aliquanto narrat quam alii Historici; qui extant, sunt libri quinque. Eorum primo *Historiam Ecclesiæ* sub *Constantino Magno* repetit. Secundo tempora *Constantii* exponit. Tertio quid in *Ecclesiâ* gestum sit, imperante *Iuliano Apostata*, narrat. Quartum librum *Ioviano*, *Valentiniano*, & *Valenti* tribuit. Quintum *Gratiano*, *Theodosio Magno* & *Arcadio* assignat: *Theodosii* quoque *Iunioris* initia eodem libro attingit. De stylo *Theodoreti*, hæc est censura *Photii*; nimirum *Historiæ* eum magis convenire, quam istum, quo vel *Socrates* utitur, vel *Hermias Sozomenus*, vel etiam *Evagrius Ponticus*, atque eadem est sententia doctissimi viri *Gerardi Iohannis Vossii*.

Mem. 31.

Lib. 2. de
Hist. Gr.
cap. 20.

Hermias Sozomenus Salaminus erat, & sub *Theodosio* quoque secundo floruit; cui *Historiam* suam dedicavit. Eam a consulatu *Crispi* & *Constantini* auspiciatus est, Anno Chr. CCCXXIII. continuatque ad *Honorii* usque mortem, videlicet ad An. Ch. 423, quod temporis intervallum, libris novem complexus est; quorum duo primores, *Constantini M. tempora* repetunt. Tertius & Quartus

res sub tribus *Constantini* filiis gestas continent. *Quintus & Sextus Iuliani, Valentini & Valentis* tempora comprehendunt. *Septimus Gratiani & Theodosii primi. Octavus Arcadii. Nonus Theodosii secundi*, usq; ad mortem *Honorii* tempora procurrit. Sed ipsam *Sozomeni* Historiam *sedes Apostolica* suscipere recusat (*Magni Gregorii* verba sunt) quia multa mentitur; & *Theodorum Mopsuestiae* nimium laudat, atq; usq; ad diem obitus sui, magnum doctorem Ecclesiae fuisse perhibet: de hoc loco quidem me monuit nuperrimè, vir ab eruditione multifaria, ac singulari tum pietate tum prudentia *Clarus Georg. Hackwillus S. Theologiae Professor*. Verum à *Melchiorre Cano* jamdudum responsum; nihil tale apud *Sozomenum* reperiri de *Theodoro Mopsuestiae*. Et *Gregorium* memoria lapsum, dum pro *Theodoreto* *Sozomenum* scriberet; nam *Theodoreti* verba sunt illa, quæ *Gregorius* retulit, *Cardinalis Baronius* etiam responsum suppeditat, dicendo, nimirum, ab Ecclesia R. *Sozomenum Theodorum Mopsuestiae* laudatorem non recipi: in reliquis quæ vera dixit, quomodo potuit ab Ecclesia non recipi? præterea

Lib. 6. ep.

31.

Lib. 11. p.

544 ek.

Lib. 5. c. 27.

c. 40.

Tom. 4. ad

An. 439.

à Gelasio papa (cui nemo ob auctoritatem atq; doctrinam refragari potest juxta ipsum *Cardinalem*) constat, *Sozomenum* non rejici, sed majoris fidei haberi quam *Eusebium Casariensem*; ejusq. Historiam majoris æstimationis apud *Photium* quam *Socratis* fuisse. Deniq; responderet *Canus*; in concilio Florentino, cui interfuit Imperator *Palaeologus*, testimonium *Sozomeni*, non solum usurpatum sed etiam probatum. Vtcunq; nobis de eo candidè

Lib. I. hist. Eccl. c. I. liceat sentire, tum propter candorem & veritatis amorem quem præ se fert Ipse,

In præfat ad polyb.

primo capite; & porro spondet: nimirum, ubi orthodoxorum hominum contentiones, jurgia, perfidiam multorum, & alios defædos nævos narraturus, ἐδεικνύναι

παρεστώσας opinionem deprecatur, uti doctissimus etiam observat *Casaubonus*:

non enim illa se scribere dicit, quod voluptatem ex talibus caperet; sed volentem nolentem, quoniam infecta reddere quæ facta essent non posset; quæ gesta autem essent filere, hoc vero esset veritatem prodere, & Historiæ legitimæ jura

a In historiā nihil ponendum quod non sit maxime sincerum.

corrumperere, μάλιστα (inquit) ἡ ἀληθεία ἐπιμελεῖσθαι χρεὼν, διὰ τὸ τῆς ἰσότητος ἀνίστασθαι.

δηλον. Et iterum, πάντα, δ' ἄτρεχα πειεῖσθαι τῆς

τῆς ἀληθείας ἡ συγγραφή αὐτοῦ : tum ^b Verita-
 propter *Evagrii* iudicium, de eo cum a- tem omnib.
 liis, hisce verbis. *Eusebius Sozomenus*, rebus ante-
Theodorus & Socrates, de clementissimi ^{ponere} scriptorem
 nostri servatoris in mundum adventu, de decet.
 ejus in Calos adscensione, de rebus gestis
 Apostolorum, de certaminibus à sanctis
 Martyribus confectis, & si quid aliud fa-
 ctum sit, dignum commemoratione vel se-
 cius, ad aliquam partem regni Theodosii li-
 teris accuratissime prodiderunt : hoc in-
 quam *Evagrii Scholastici* iudicium, in- ^{Spondan. ad}
 signis eorum temporum Historici, & ex ^{An. 565.}
 Grecis, primi eorum qui leguntur, ortho- ^{Casaubonus}
 doxi; si *Baronium* aut saltem ejus Epito- ^{tamen, eum}
 masten audiamus. ^{dicit a fa-}

Atq; hic ipse *Evagrius Triparti-* ^{bulosis nar-}
ta Historia Scriptores excipit, su- ^{rationibus}
 amque Historiam inchoat ubi *Socra-* ^{non nimis}
tes & Theodoretus defierunt, a Synodo ni- ^{alienum.}
 mirum *Ephesinâ*, auctoritate & mandato ^{Exercit.}
Theodosii Junioris coactâ, circa An. Chr. ^{13. An. 31}
 431. qua Synodo damnatus est *Nestorius*. ^{n. 58.}
 Eam autem continuat usq; ad annum ^{Vide ipsū}
 duodecimum Imperatoris *Mauritii*; ^{Evag. l. 1.}
Christi vero annum 597. Sub eo autem ^{cap. 1.}
 Imperatore ejusq; decessore *Tiberio Se-*
 cundo, maximè floruit. Historia verò

184 METHODVS LEGENDI

Evagrii sex libris constat, quorum primo *Theodosii Iunioris* tempora complexus est. Secundo *Martiani & Leonis* quem *Thracem* cognomento indigetarunt. Tertio *Zenonis & Anastasii*. Quarto *Iustini & Iustiniani*. Quinto *Iustini* posterioris & *Tyberii* Secundi. Sexto deniq; pergit ad annum usq; duodecesimum regni Imperatoris *Mauritii*, qui *Tyberii* II. gener fuit, & a nonnullis *Cappadox* cognomento vocatur: is autem fuit annus à Christo nato 597. In eadem tempora, de quibus scripsit *Evagrius*, cōcurrunt etiam *Historiæ* *Procopii*, *Agathiae*, & *Iornandis*, de *Rebus Geticis*, item *Historia Miscella* *Diaconi*, à libro 12^o ad librum 18. deniq; *Caroli Sigonii* de *Occidentis Imperio Historiæ* pars magna, quod ideo monendum putavi, ut sciat Lector, undè auctiorem, & locupletiozem, eorum temporum *Historiam*, reddere possit.

Voss. l. 2. de
Scr. Gr. c.
23.

Heracii tempore circa Annum Christi, 612; claruit *Theophilactus Simocatus*, inter recentiores *Græcos* Scriptor eximius: is Octo libros, de rebus à *Mauritio* gestis exaravit; quos (*Evagrio* expedito) adhibeat Lector, neq; eum suæ opelle,

pellæ, legendo insumptæ, pænitebit: quippe ad annum à Christo nato 601, Et ad ipsius *Mauritii* cædem Historiam perducit: idq; non perfunctoriè, sed accuratissimè & elaboratissimè, ex quo tanquam flumine, alii suos rivos deduxerunt uti *Pontanus Iesnita*. Ingeniū ejus mite, *Jn ep. ad inprimis, & φιλόχαλον*, ut etiam doctrinam non vulgarem scripta ipsa testantur ac produnt. *Lect.*

Et nunc si placeat (Auditores) paululū respiciamus, lustremusq; itineris affectati quantū confecerimus, nec non considere- mus quousq; & quibus mediis progressi si- mus, & ad finem sexti à Christo seculi pervenerimus. Trecentos & aliquot su- pra annos, Historia suā complexus est *Eusebius. Socrates, Theodoretus, & So- zomenus* centum ferè & quadraginta plu- res addiderunt: deinde ulterius produci- tur *Historia* ab *Evagrio* per annos quasi centum & quadraginta: *Simocattus* de- niq; reliquos persequitur ad annum (uti dixi) Sexcentesium primum: quo anno *Mauritius*, cum uxore liberisq; suis om- nibus, interfectus est à *Phoca* qui ei in Imperio successit.

SECT. 36.

*Seculo septimo, & duobus vel tribus id
sequentibus, qui Historiam Ecclesie pro
dignitate tractaverint rarissimi. San-
ctorum Legenda. Miraculorum & mi-
rabiliorum Oceanus. Portentiloquio-
rum & ignorantia tempora.*

AD Septimum à Christi nativitate,
seculum, Auctores supra recensiti
nos perduxerunt: quod quidem unà cum
duobus vel etiam tribus sequentibus, si
quis diligenter perscrutetur, haud unum
credo reperiet Auctorem, qui *Ecclesie
Catholicae* Historiam, pro rei dignitate
tractaverit. *Sanctorum* quorundam vitas
& Legendas, *Martyrum* actus & passio-
nes, erant qui iis temporibus literis con-
signarunt. Sed fabulis plerunq; scatent,
& incredibiles miraculorum series, cre-
dulis ac superstitionis hominibus obtruse-
runt. Etquemadmodum ipse *Bellarmini-
us de Simeone Metaphrasste* (qui circa
An, 859. floruit) multa ex propriis ad-
dunt ingeniis, non ut res gestae fuerunt,
sed ut geri potuerunt. Per *Damasceni* aeta-
tem

Lib. de
Scrip. Eccl.
850.

tem, & Germani Constantinopolitani, apud Græcos (inquit Rever. Antistes) per Cicester. in tempora Gregorii Dialogistæ, & alterius præf. ad Gregorii Turonensis: per nostratis Bedæ Ap. n. 26. & 27. Venerabilis sæculum, in Ecclesiam inundabat miraculorum & mirabiliorum Oceanus: per omnes omnino angiportus, nosocomia, cœmitera, Xenodochia: per templorum tholos, cryptas, spheristeria edebantur. Idem ferè Clarissimus Casaubonus: in In proleg. historicis, inquit, monumentis eorū tempor- a. Exercit. rū miracula ut plurimū utramq; paginam conficiebant, vel à Sanctis, vel ab imaginibus, vel à reliquiis edita &c. Vnde & merito dubitare se aiebat vir doctissimus, deberetne illa sæcula *αἰρὰς τεχνολογίας*, an *ἀγνοίας*; tempora portentiloquiorum, an ignorantia nominare. Neq; sanè à vero quidquam aberrare (meo iudicio) videbitur, quisquis de illis temporibus utrumq; affirmaverit: præsertim si Imperium Occidentale, & sub eo Ecclesiam Latinam, ejusq; Scriptores respiciat. Nam post horrendas illas barbararum gentium excursiones, ruente Imperio Romano, politioris literaturæ omnis cognitio ruebat; stupenda planè barbaries et ignorantia sese infudit, ingeniorum & literarum cultus

tus quasi peste contactus emarcuit, artes deniq; neglectæ spretæq; jacuerunt; in tantum, ut quod spectat eruditionem (doctissimi Cicestrensis verba agnoscite) post
In præf. ad App.n. 38. Isidorum Hispalensem (is ad annum Domini 636. aut circiter è vita excedebat) ad Bedam Nostratem Venerabilem (is in vivis erat ad An. 731) qui vel mediocriter in literis versati fuerint politioribus, vix erant numero totidem, quot Thebarum porta, vel divitis ostia Nili. Imo addo, nec multò plures per alios ferè ducentos annos proximè sequentes, inter Latinos reperiri possunt. At Græcia fortassis (inquires) nobis adhuc aliquos suppeditabit. Eos itaq; videamus, atq; ita tandem procedamus.

SECT. 37.

Nicephorus Constantinopolitanus, Simocattum sequi potest. Nicephorus Callistus erroribus plenus. Georgius Cedrenus. De eo Scaligeri & Vossii censura.

Post Simocattum igitur accedat Nicephorus Patriarcha Constantinopolitanus, qui tempore Copronymi circa Ann.

HISTORIAS ECCLESIASTICAS 189

750. floruit; & Historiam *σύντομον* scripsit, Breviarium scilicet de rebus gestis, à *Mauritii* cæde, (in quâ defuisse *Simocat- tum* diximus) ad annum *Christi* 769. Eū Auctorem primus publicavit V. CL. *Dionysius Petavius*, suamq; translationem addidit. Est quidem alius *Nicephorus* cognomento *Callistus*, ætate *Constantinopolitano* longè inferior; siquidem mille trecentos annos post *Christum* natus est; floruitque sub *Andronico Majore*, ejusque nepote *Andronico Minore*. Is ab origine religionis *Christiana* Historiam orditur, eamq; ad *Phocæ* qui *Mauritio* successit interitum continuavit. Nempe ad An. 625. sed errores *Græcorum* proprii (*Bellarmini* verba sunt) in hoc Auctore inveniuntur, etiam in rebus historicis. Eumq; Reverendissimus *Cicestrensis*, inter illos Auctores numerat, qui per anilem quandam superstitionem, ad prodigiosas interdum & putidas fabellas, credendas, edendas, obtrudendas projectissimi erant. *Callisto* paullo antiquior erat *Georgius Cedrenus* Monachus; scripsit is compendium Historiarum, ab initio mundi usque ad *Isacium Comnenum*, Ann. videlicet à *Christo* nato 1057. quo tempore etiam floruisse videtur. Verum

Vof. l. 2. de
Scr. Gr. c.
24.

De Scrip.
Ecccl. An.
1305.

Pref. ad
App. n. 38.

rum & iste scriptor notæ non usquequaq;
 optimæ perhibetur. Quid de eo censuit
 Magnus Scaliger, ex hisce verbis ejus li-
 quet. Totum *Cedreni opus*, est *stabulum*
quisquiliarum, & cento ex multis pannis,
sordidis, purpureis, malis, bonis, integris, la-
ceris consutus. Mitius aliquanto doctissimi
Vossii de eo judicium, aut certè verbis mi-
 tioribus expressum. Sic enim ille: *In re-*
bus Bizantinis Zonara paulò diligentior
est: in iis autem quæ Cæsares Constantino-
politanos præcedunt, cedit Zonara, à quo &
stylo vincitur, uti etiam à Nicetâ, & Gre-
gorâ & aliis. Interim in Centone hoc, ac
penè dixerim quisquiliis istis, aliquos pur-
pure pannos reperire est. Ita *Vossius*. De-
 nique *Georgium Syncellum*, & *Theopha-*
nem qui *Syncellum* continuavit, à *Cedreno*
 ad verbum exscriptum affirmat uterque
Scaliger & Vossius. Postremo, *Historiam*
Cedreni, à morte *Nicephori* Imperatoris,
 cognomento *Botoniatis*, usq; ad imperium
Isaaci Comneni, sub nomine cujusdam *Io-*
hannis Curopalata (paucis exceptis) to-
 tam legi monuit *Gesnerus*, quod à doctis-
 simo *Casaubono* confirmatur. Ita, ut alter
 eorum plagii reus sit, necesse est.

Not. ad
 Strab. l. 17.
 p. 267.

SECT. 38.

*Zonara Tertius Tomus lectori commenda-
tur. Historiam ad Ann. 1118. Anne
Comnena Alexiada. Egregia illius He-
roina laudes.*

QUinquaginta & amplius annis post
Cedrenum floruit *Iohannes Zonaras*;
nimirum circa annum, 1120. Is (uti civi-
les inter Historicos jam notatum est) u-
niversalem scripsit Historiam, quam in
tres tomos partivit: quorum hoc in loco
tertium præsertim Lectori nostro com-
mendare placet. Siquidem eo Tomo,
quæ in *Oriente* à *Constantino* magno, e-
jusq; in regno successoribus, usq; ad sua
tempora gesta fuerint, exactius describe-
re laboravit, utpote paucis aliis tentata.
Singulis Tomis rerum aliis indictarum,
sepè fit mentio (inquit vir quidam do-
ctus) tertia vero Historiæ suæ parte, ea
pleraquè tradit de rebus *Bizantinis*, quæ
præter ipsum nemo alius, & sine quibus,
nos bonam partem eorum, quæ à posteri-
oribus Imperatoribus *Orientis* gesta sunt
ignoraremus. Ecclesiæ quidem solius
Constan-

Ann.D.
1118.

Lib. 2. de H. Vossii
Gr. c. 27.

v. 15.

Constantinopolitana, & controversiarum Religionis, in *Orientalibus* Ecclesiis motarum Historiam intexit, & ad sui avi Imperatoris, *Alexii Comneni* obitum, eam continuavit. Sed illud maximè observandum, quod (opinione doctissimi *Lib. 2. de H. Vossii*) in sui temporis rebus, pleraquè perfunctoriè dixerit: & admodum paucis *Alexii Comneni* vitā perstrinxerit. Hunc tamen defectum supplevit *Alexii* ipsius Imperatoris filia, *Anna Comnena* dicta, quæ de rebus gestis sui patris, libros aliquam multos scripsit, & *Alexiada* nuncupavit. Ejus eruditionem valde prædicat ipse *Zonaras*, tomo tertio propè finem; ubi de *Bryennii Caesaris* (ejus mariti) potentia juxta & eruditione talibus loquitur verbis. *Erat autem & ipse studiis doctrinarum deditus, & uxor ejus in eisdem operam nihilo minorem, ac potius majorem ponebat, exquisitè Atticissans, ingenioq; prædita acutissimo, ad abstrusissimas quasq; contemplationes.* Nequè hic sistit Historicus, sed pergit & ostendit, quomodo ad tantam eruditionis excellentiam adspiraverit. *Eam facultatem partim nature bonitate, partim industria, consecuta est: affixa etiam erat libris, & eruditorum*

eruditorum consuetudine haud obiter utebatur. Verum hæc ipsa prænobilis femina ad miraculum docta, in hac sua Historia, ne amor erga suum parentem nimium aliquando indulserit, nonnulli haud leviter suspicantur.

S E C T. 39.

Nicetas Acominatus Zonaram immediate sequitur. Nicetam Gregoras. In hoc censu quare ponantur. Lipsii de eorum Utroq; judicium. Gregora fides in dubium vocatur. Iohannes Cantacuzenus hoc loco à doctissimo Vossio lectoribus commendatur. Superioribus subsequatur Laonicus Calcochondylas.

Zonaram Nicetas Acominatus sive Choniates ordine sequitur, eique suam immediatè subjicit Historiam. Namque ubi desinit Zonaras, ibi incipit Nicetas, & octoginta quinque annorum res gestas fusiùs ac liberiore nonnihil orationis ductu prosequitur, usque ad urbem Constantini captam à Balduino Flandro, & annum 1203. ex Chonis Phrygiæ oppido oriundus erat, atque indè cognominatus

nominatus. Georgii Logothetæ Chronicon hîc locum habere potest. Captæ Constantinopoleos Historiam complectitur, annorum fere sexaginta nempe à *Balduino Flandro* ad *Balduinum* ultimum Imperat. Vtriquè isti Auctores proximè nominati, *Zonaras* & *Choniates*, maximos in imperio *Constantinopolitano* honores gessere: quo magis idoneos ad Historias scribendas putemus. Prior ille Magnus *Drungarius*, & * *proto-Secretarius* fuit: hic autem posterior *Logotheta* † Magnus, (præter alia) & *Sacri Cubiculi* præfectus. *Nicetam* similiter excipit *Nicephorus Gregoras*, qui centum quadraginta quinque annorum consequentium Historiam literis consignavit, nempe a *Theodoro Lascare* priore, usq; ad suam ætatem, sive ad obitum *Andronici Paleologi* posterioris, qui incidit in An. Christi. 1341, fatendum quidem est, duos hosce postremos non tam *Ecclesiæ* quam Imperii *Græcanici* rebus describendis operam impendisse: quum tamen *Ecclesiastica* quædam nonnunquam interponant, ac carptim pro occasione libent, nec non inter *Scriptores Ecclesiasticos* numerentur, quumquè *Zonaræ* suam at-

texat

* iuxta nō-
nullos Vi-
gilum præ-
fectus, iux-
ta alios
millenaria
cohorti
præfectus.
† summus
Cancellari-
us, ita Sal-
masius.

texat narrationem Choniates, & ea ^{Bellar. de} ^{script. Ecc.}
 quæ Choniates reliquerat Nicephorus im-
 pleat, quasi ex proposito Historiæ corpus
 quoddam absolvere conarentur, eos præ-
 termittere non potui, & præsertim quod
 inter recentiores Græcos melioris notæ
 Auctores habeantur: quæ postrema ratio,
 ut Historiarum amatoribus magis eluces-
 cat, & ad horum quoq; Auctorum lectio-
 nem eos facilius inducat, *Iusti Lipsii* de
 iis iudicium huc adpingere lubet. *Nice-* ^{In not. ad 1.}
tas (inquit ille) *parum adhuc vulgo no-* ^{pol. cap. 9.}
tus fateor, sed dignissimus notitia: purum
rectumq; ingenium, si aliud illo ævo. Sty-
lus ejus operosus, poetas & Homerum sæ-
pè respiciens; at res & narratio ipsa, di-
stincta, composita, sine vanitate, sine inep-
tiis, brevis quod satis est, & fida: crebra
apud eum & oportuna monita: judicia
non libera solum, sed sana, ad sum-
nam legite vos politici, gratiam mihi
aliquis pro iudicio habebit: certè debe-
bit. Tantum de Choniate De Gregorâ sic
pronunciat. Nicephorus Gregoras Nicetæ
Historiam, & filum narrationis excepit;
at non laudem. Scripsit enim ab urbe cap-
tares ad Andronici Palæologi posterioris
mortem; sed nequaquam parâ castigatione

aut industria, & vitia plura traxit sui
 ævi. Superfluit aut evagatur, & res o-
 rationesq; proprias miscet, indecorè, imò
 inepte. Iudicia tamen ejus crebra, & ple-
 runq; recta: causæ eventuum curiosè posi-
 ta; pietas inculcata, & multa oportune ad
 primam illam causam relegata, id est ad
 Deum. Sanè providentiam & fatum non
 alius Scriptor asseruit magis. Legendus
 cum hoc nomine, tum etiam illo quod ple-
 raq; ejus Historia, ab ævo nostro non dissi-
 det, imò lites dissensusq; in sacris reperies
 haud dissimiles hodiernis: ita Justus Lip-
 sius. Cæterum de fide, hujus etiam Ni-
 cephorî, à viris in Historia doctissimis non
 nihil dubitatur; in rebus presertim An-
 dronici Palæologi, illius, cujus in morte
 eum definere supra diximus: ibi igitur
 si placeat Historiarum studioso, legendus
 insuper erit Iohannes Cantacuzenus, qui
 ex Imperatore Monachus factus, luculen-
 tam condidit Historiam, sub nomine
 Christoduli, de Imperio Andronici illius
 Junioris & suo. Hunc multis nominibus
 Historiarum studiosis, commendat do-
 ctissimus Vossius, utpote cujus Historia
 eo majoris fieri debeat, quia scripta est ab
 illo, non qui umbraticam semper vitam e-
 gisset

Voss. l. 2. de
 hist. Gr. c.
 28.

gisset; sed qui primum magnus fuerit domesticus: ac post obitum Andronici Iunioris, liberorum ejus tutelam obtinuerit, & mox (ita volente Senatu, & Imperii rebus exigentibus) Imperator creatus sit, atq; in ea dignitate prudenter ac fortiter se gesserit. His illud accedit, quod non de rebus scripsit parum sibi perspectis; sed quibus ipse interfuit, atq; adeò præfuit. Sanè inter recentiores Græcos non ei quenquam puto præferri oportere. Ita doctissimus Vossius. Deniq; ne subsistat noster Historiarum studiosus, aut lectionis suæ interrumpat cursum, donec ultimam Orientalis Imperii viderit, periodum, & miseram Ecclesiæ inibi conditionem; Laonici Chalcocondylæ Atheniensis Historiam superioribus adjungat. Is enim quid porro factum sit, & quomodo tandem Augusta illa urbs, non contenta in Orbe secundas ferre, sed Romæ ipsi rerum dominæ vehementer æmula, in potentissimi Turcici Tyranni, ac fidei nostræ, sacrosanctæq; crucis hostis acerrimi, potestatem pervenerit haud negligenter ostendit. Quin & ejusdem Tyranni, gentisq; suæ originem auctum, progressumq; luculenter describit. Ab Ottomanno igitur Orthogulis filio,

198 METHODVS LEGENDI
qui regnare cœpit circa annum MCCC.
orditur Historiam, quam decem libris
exequitur, atq; iis *Ecclesiæ Imperiique O-*
rientalis res, usq; ad captam à *Mahome-*
te Constantinopolim; circa annum Christi,
1453. complexus est.

SECT. 40.

Blondus Foroliviensis Orientalium Scri-
ptorum defectum in Historia Eccle-
sia suppleri potest, unâ cum aliis. Sige-
bertus Gemblacensis. De eo sententia
Card. Bellarmini. Sigebertum continu-
at Robertus Abbas, ad ann. 1210.
Chronicon Hirsbavense, ad Ann. 1370
Et Paraleipomena ei Chronico adjun-
cta ad seculum proximè elapsam. Go-
belini Personæ Cosmodromium. Vbi &
quando legendum. Ejus laus. Loco Cos-
modromii legi potest Alberti Crantzii
Metropolis, in quam multa è Gobelino
congesta, & Historia à Caroli M. tem-
poribus ad Ann. 1504. perducta. Po-
test etiam Naclerus horum vicem
supplere. Et ut repetitiones vitet Le-
ctor, incipiat à mediis generationibus
Tomi Secundi. Ioh. Sleidanns Com-
mentarios

*mentarios Ecclesiasticos scripsit ab An.
1517. ad Ann. 1556. quos continua-
vit Caspar Lundorpius ad Ann. 1609.*

VErum enim verò, Auctores quos
postremo recensuimus de rebus *O-*
rientalibus omnino scripserunt, *Occiden-*
talis Ecclesie statum, vix quidè obiter
attigerunt. Hunc itaque defectum Blon-
dus Forlivienſis (qui integram & conti-
nuam rerum ſeriem poſt inclinationem
Imperii factam in Decadibus ſuis com-
plexus eſt, ab anno Chr. 407. uſque ad
1400. Quemadmodum ſupra quoque no-
tavimus) loco multorum præſtabit, vel ſe-
quentes Auctores facilè ſupplebunt. Ni-
mirum, primò *Sigebertus, Monachus* *Bucholcer.*
Gemblacenſis, in *Brabantia*; ab Anno *ann. 379.*
Chriſti, 381. (hoc eſt paullo ante finem
Tripartite Histoſie) exorſus ad annum
ulque M.C. XIII. ſuum *Chronicon* per-
duxit. Iniquiorè quidem fuiſſe eum *Gre-*
gorio 7º, Pontifici Maximo, affirmat *Bel-* *De ſcript.*
larminus; ob ſtudium videlicet, erga Im- *Eccle. Ann.*
peratorem *Henricum* quartum, cujus *1101.*
partibus etiam fortasſè favebat; immo
mendacii eum poſtulat idem *Bellarmini-*
us, circa ipſius *Gregorii* obitum, verum
N 3 quam

quam verè ipse viderit. *Sigebertum* autem continuavit *Robertus Abbas* de Monte, usque ad Ann. M. C. C. X. Deindè *Chronicon Hirshavense Tritheimii*, usque ad Annum, 1370. *Chronico* denique *Abbatis Urspergensis* addita paraleipomena Historiam ad nostra ferè tempora perduxerunt. Vel si isti minus placeant alios habemus nihilo superioribus lectu minus dignos. In hoc censu primus est *Gobelinus* quidam *Persona*, Auctor non contemnendus, doctorum iudicio, qui *Chronicon universale* instituit, quod *Cosmodromium* inscripsit: quo res Ecclesiæ juxta & Reipub. Complectitur, ab orbe Condito usque ad Ann. Christi, 1418. quo tempore imperavit *Sigismundus Caroli 4. filius*. *Gobelinus* iste, opus suum in Sex Ætates distinxit, per quas omnes, apparet eum pro captu seculi in quo vixit, non vulgari, & eruditione & diligentia atque atque studio indagandarum rerum ad Historiam pertinentium fuisse. Iam verò, si quis fortè existimaverit, rerum ante Christum natum repetitiones, Lectori tedium allaturas cum ad hunc Auctorem accesserit, incipiat ab ætate sexta quæ à Nativitate domini auspiciatur. Vel si id e-

tiam

Albin. hist.
Sax. p. 246

tiam minus gratum fuerit, post hunc, *Albertus Crantzius Metropolim* scripsit, si-
 ve *Historiam Ecclesiasticam*, de *Ecclesiis*
Caroli M. ætate constitutis vel instaura-
 tis. In qua contexenda *Metropoli Gobe-* *Voss. de hist.*
lini Cosmodromio plurimum est usus, in- *lat. l. 3. c. 9.*
 tegralque ex eo paginas descripsit; quod *p. 372.*
 fecerunt etiam alii post eum, testante do-
 ctissimo *Vossio*. Orditur à *Caroli magni*
 temporibus, ac progreditur usque ad An-
 num, 1504. Denique *Iohannes Nauclerus*
 Nobilis *Suevus* *Chronicon* scripsit ab in- *Voss. l. 3. c.*
 itio Mundi, usque ad Annum M. D. duo- *10. de hist.*
 bus voluminibus distinctum. Primum vo- *lat. p. 581.*
 lumen, *Generaciones* (uti vocat) sexagin-
 ta tres continet, videlicet *Generaciones*
Veteris Testamenti. Secundum volumen
 cum *Appendicib. Generaciones Testamen-*
ti Novi, quinquaginta & duas comple-
 ctitur. Istud autem opus priusquam ede-
 retur, *Philippus Melancthon* partim dis-
 ponendo, partim angendo, partim etiam
 retexendo, id præstitit, ut lectio libri i-
 stius à plurimis expeteretur, & fructu
 voluptateque non careret. Potest verò
 Lector a Secundo volumine, vel à medijs
 ejusdem voluminis generationibus, Hi-
 storix continuationem petere, si fortè

earum rerum, quas in aliis Auctoribus jam legerit, repetitiones vitare cupiat. Postremo, *Iohannes Sleidanus* patrum nostrorum memoria, Commentarios scripsit de statu *Religionis*, ab Anno MDXVII. ad Ann. MDLVI. ejus autem Historiæ continuationes adjecit *Caspar Lundorpius* tribus voluminibus usque ad Annum MDCIX.

SECT. 41.

Venerabilis Beda & Vsuardus minimè prætereundi, neq; Pontificum Rom. vitarum Scriptores. Anastasius Biblioth. Bartholomæus Platina; eorum insignia elogia. Platinam recensuit Onuphrius, & continuavit ad An. 1566. Sigonius quoq; suis Historiis res Ecclesiæ intertexuit, & in hoc censu numerari meretur. Sigonii & Onuphrii elogia.

*Car. Sigon.
in Iudic. de
Histor.*

EXtant præterea Auctores alii non pauci, nec minoris æstimandi quam pleriq; superiorum. Inter quos primo loco *venerabilis Beda* nostras occurrat. Qui Annales scripsit à *Mundi initio*, ad Imperatorem *Leonem Isconomachum* dictum
cuius

cujus ætate floruit, Ann. 730. Cum ad sua tempora devenit, latius res explicavit, diligens & pius scriptor. Circa Ann. 812. *Bellar. de script. Ecc.* floruit *Vsnardus, Monachus Fuldensis, natione Gallus*, sed *Alcuini* nostratis discipulus. Is *Caroli Magni* jussu *Martyrologium* edidit; in quo *Confessorum*, aliorumque *Sanctorum* vitas paucis inseruit: id hodieq; extat, non exiguo *Historiæ Ecclesiasticæ* bono, ut viri doctissimi verbis utar. Præ reliquis, qui de rebus *Ecclesiæ Occidentalis* scripserē, haudquaquam negligendos, immo potius cum primis legendos existimo, *Vitarum Pontificum Romanorum* Scriptores; præsertim *Anastasium Bibliothecarium*; & *Baptistam* sive *Bartolomæum Platinam*, in illo quidem (dicit nescio quis *Moguntinus* haud indoctus) habemus sincere & fideliter, excluso omni verborum fūco, descriptas centum & novem *Romanorum Pontificum* vitas: hoc est quotquot à Beato *Petro Apostolo*, usq; ad An. Dom. ferè septuagesimum supra octingentesimum *Romanam* Cathedram obtinuerunt: videlicet à Beato *Petro* usque ad *Nicolaum* primum, qui anno 867. è vivis excessit. Scriptoris hujus egregium habemus elogium apud
Magnum

Tom. 9. ad. Magnum Annalistam Cardinalem. Sic e-
 An. 752. et nim loquitur. Anastasius Bibliothecari-
 799. us, etsi rudi stylo fidelissime tamen rerum
 gestarum Historiam enarravit, immo in re-
 rum sui temporis narratione nullum fide-
 orem & meliorem scriptorem habemus, a-
 pud quem magis cum simplicitate veritas
 quam cum furo mendacia valuerunt. Et de
 eodem clarissimus Historicus Carolus Si-
 gonius: nobis valde charus, inquit, esse de-
 bet hic scriptor, quod ea quæ nec meliores,
 nec peiores habent, literarum monumentis
 tradiderit.

Barptolomæus Platina (id enim præ-
 nomen ei indit Volaterranus; & argumen-
 tis satis liquidis probat doctissimus Vossi-
 Lib. de hist. us, licet à plerisq; aliis vocetur Baptista)
 bat. p. 534. de vitis Pontificum usq; ad Paulum II.
 scripsit, labore quidem ingenuo, & incor-
 rupta veritate, Pontificii Principatus acti-
 ones, in lucem proferens. Ita de eo P. Io-
 Elog. 19. vins. Cui etiam concinit Volaterrani de
 vir. Illust. eodem iudicium; nempe, virum fuisse
 Volat. l. 2^a gravem affirmat, & procul mendacio, eoq;
 f. 246. b. admiratione digniorem quod iam provecta
 etate, ac posito tyrccinio (quod totum mi-
 litie prius tradiderat) literas didicit. Vix-
 it tempore Sixti Pape quarti ejus nomi-

HISTORIAS ECCLESIASTICAS 205

nis: cui & opus suum dedicavit, & à quo
Bibliotheca Vaticana præfectus erat. Huic
 libro notas *Onuphrius Panvinus* addidit
 (ita *Bellarminus*) non contemnendas, &
 porrò à *Sixto* quarto incipiens, *Pontifi-*
cum quatuordecim Historiam, usq; ad *Pi-*
um quintum, & ad annum MDLXVI. e-
 am propagavit. Quorum vitis describen-
 dis, *Onuphrius* præter privatos publicos-
 que annales, diaria & acta consistorialia,
Raphaelem Volaterranum, & *Paulum Jo-*
vium præcipue secutus est Auctores, &
 aliquot etiam à *Jovio*, sed brevissimè mu-
 tuatus est. Deniq; (uti inter civiles Hi-
 storicos supra notavimus) Res in *Occiden-*
tali Imperio, tam ad *Ecclesiam* quam ad
Remp. pertinentes, quæ comperiri dili-
 gentia possent, singulari cura collegit, eru-
 ditissimus *Sigonius*; easq; quam verissimè
 in maxima rerum obscuritate scriptorum
 dissensione, & temporum vetustate potu-
 issent, luculento stylo posteritati manda-
 vit: à *Dioclesiano* & *Maximiano Augu-*
stis, incipiens, anno 281. & in morte *Ju-*
stiniani desinens, qui obiit anno *Christi*
 565. Hic etiam adhiberi possunt ejus-
 dem Auctoris Historiæ, *Bononiensis*, & de
Regno Italia; idem quod *Sigonius*, præ-
 stiti

Bell. de. Sc.
Ecc. Ann.
 1472.

Onuphr. in
præf. ad
Lect.

206 METHODVS LEGENDI

stitit *Flavius Blondus Foroiuliensis*, inferius paulò historiam incipiens, sed longius continuans nempe ab anno Christi, **CCCCVII**. usq; ad ann. 1440. sed non pari accuratione aut elegantia cum Sigonio: usus est enim dictione non admodum culta, (ut *Volaterranus* agnoscit) de *Antiquitate* tamen, utcumq; interdum aliquid humani patiatur, sane pro etate qua vixit optimè meretur. Vti doctiss. *Vossius*. floruit autem circa ann. **CIOCCCCXL**.

Lib. 3. de *Eugenii IV.* pluriumq; Pontificum Romanorum Secretarius.

531.

SECT. 42.

Centuriatores Magdeburgici opus in hoc genere per quam utile ediderunt. Rev. Episcopi Cicestriensis de eo iudicium. Quid in eo laudabile contineatur. Fundamentum eius probè locatum. Materies ad structuram unde collecta. Defectuum excusatio.

QUod si tot jugos per volvere Auctores, Historiarum studio, res nimii laboris, hic quoq; videatur; atq; uni alicui aut alteri (ubi instar omnium aliorum possit

possit invenire) potius insistere desideret: *Centurias* habemus *Magdeburgicas*, à viris quibusdam doctis, in eum finem maximè contextas: ut quæ fuerit *Ecclesiæ* fides per singula secula; quæ disciplinæ forma exterior; quæ mutationes illi acciderint, ob oculos hominibus ponerent; quod luculenter præstiterunt, atq; opus certè per quam laudabile, *Ecclesiæ* nostris præsertim temporibus, (quibus tot ac tantæ circa fidem ac disciplinam moveantur controversiæ) si cautè interdum & circumspectè legatur apprimè utile ediderunt. De quo liceat mihi Reverendiss *Cicestrensis Episcopi* iudicium suis ipsius verbis hîc proferre; quibus quid de superioribus omnibus, præ hoc uno opere censendum sit, quidq; in hoc opere maximè observandum intelligetis. Sic enim eruditissimus *Antistes*. Post tabulas quasdam & delineationes Chronologicas seculorum, ab Apostolis decurrentium, in quibus leviori opera sed non inutili lineamentorum quadam adumbratio, non τὸ σῶμα vel τὸ σῶλον representabatur: post nonnullas hinc inde, prout tulerat occasio, per partes decerptas *Historiæ Ecclesiasticæ* racemationes, inventi tandem sunt, qui seriò

Præfat. in
App. n. 47.

rem

rem aggressi, plenissimam nobis vindictam
 expresserunt: Centuriatores nimirum, qui
 dicuntur Magdeburgici: facinus aggressi
 pulcherrimum, opus arduum, Herculeam
 molitionem: qui de disiectis hinc inde, &
 vagè varièq; dispersis ruderibus antiqui-
 tatis, collisæ plerunq; dissipata, & disiectæ,
 adificium quoddam insigne, ac usu eximi-
 um Orbi Christiano construxerunt. In quo
 multa sunt quæ laudes & admireris: nec
 pauciora quæ nequeas comprobare. Pergit
 autem Reverend: idem Antistes parti-
 culatius narrare (& ut Lector noster quem
 instituimus diligenter observet suadeo),
 pergit inquam narrare, quæ probanda lau-
 dandaq; æstimaret. Certè quidem rerum
 ordo ille splendidus; series & methodus
 singularis, rerum & temporum dispositio
 enucleata; quam per singulas annorum
 Centurias observant & proponunt, ita ut
 sigillatim exhibeantur; Fidei ex deo; dis-
 cipline æq; mores hominum; virtutum
 progressus & incrementa; labes iterum at-
 que nevi; hæreses, errores, aberrationes à
 vera & sincera pietate, schismata ex am-
 bitione, & factiones concitata; viri cele-
 bres per ætates singulas, eruditionis famâ
 & sanctitatis commendatione. Hæc inquam

Idem Ibid.
 num. 48.

& similia Centuriarum ornamenta, quæ
 negari nec possunt, nec debent, mentes mo-
 vent, jucunda luce perfundunt, non ipsas
 solummodo res enarrandas, sed vitam quo-
 que Historiæ veritatem commendant, &
 ad se legentium oculos animosq; blandissi-
 me alliciunt insinuando. Quod nobis adifi-
 cium Historicum dum construunt, funda-
 mentum ejus imprimis statuunt εἰς τὴν ἀλὼς
 super lapidem illum pretiosum angularem:
 à Deo structorum omnium ἀρχιτεκτονικῶ-
 τῶ excisum de monte, dedolatum, exasci-
 atum, positum & fundatum in scripturis
 sacrosanctis, quatuor sanctissimorum E-
 vangelistarum: ab Apostolis & illorum de-
 mum ministerio, excultum dein & perpo-
 litum: quem & scriptæ Epistolæ ad Eccle-
 sias, & actus contexti de Ecclesiis, ad ater-
 nitatem propagarunt. Hinc jam provecti
 ulterius in apertum & immensum pelagus
 disciplinæ formam exteriorem: Fidei Ec-
 clesiastica normam & tenorem: mutatio-
 nes in moribus & conversatione: Hereti-
 corum, fraudes, imposturas, impietates, ad-
 versariorum ἐναντιώσεις: Militum, Ducum
 & Pancratiastarum Jesu Chr. colluctatio-
 nes & agonismata, per partes illius operis
 luculentissimi, cum multiplici aliarum re-
 rum

ZIO METHODVS LEGENDI

Idem ib.
num. 49.

*rum veritate, exhibent & exponunt, indagatores certè solertissimi, enarratores expediti. Vtteriùs adhuc progreditur doctissimus Præsul, indicatq, undè gentium, tot ac tanta, navissimi maximeq; industrui centuriatores, coegissent in unum & comportassent. Ista quidem omnia (inquit) sic corrasa undecunq; & convasata, in unū velut acervum contulerunt, de scriptis Patrum Apologeticis & Eristicis, de scriptis diegematicis, commentariis & explanationibus credendorum: de sermonibus panegyricis & Homiliis: de Actis imprimis Synodalibus: de Epistolarum tabulis ad diversos de diversis rebus: Historiis veterum ad extremum, quæ de clade temporum superiorum, nobis adhuc supersunt pauca, vel integræ vel redactæ in Epitomen, lautam sane supellectilem, & quoad fieri potuit, instructissimam. Si quid operi instituto, de perfectione defuit, vel debita vel destinata, ex æquo & bono, more majorum possit excusari, tum quod principes rem aggressi, aliis intentatam illibatam: tum quod secundas curas non adhibuerint, ut illa, quod fieri per ἡτάρωδ' οὐκ οἶσται solet, quæ minus exactè vel enucleatè fuerant ab initio delineata vel delibata, limatius deinceps ex-
accurare.*

accurare, & majori cura atq; diligentia possent perpolire.

S E C T. 43.

Centuriatores erroribus obnoxios docet eruditissimus & Reverend. Cicesstrensis. Casaubonus agnoscit. Opus ipsum tamen valdè utile esse ostendit idem Reverend. Antistes.

HÆcatq; alia plura, Reverend. Antistes, de *Magdeburgensibus*, unde, quid, & quanta præstiterint, facilè dignoscatur Lector. Sed eorum etiam *σφάλματα*, errores, & vitiosos affectus nosse haud parum intererit: neque id prætermisit eruditissimus idem *Præsul*. imò luculenter ostendit, in quibus peccârint, in quibus se se repræhensione dignos exhibuerint: uti legere potestis, in eadem præfatione ad *Apparatum* numeris, 50. 51. 52. & 53. *Epist. præ-* quin & doctissimus *Isaacus Casaubonus*, *lim. ad Ex-* agnoscit haud pauca esse quæ desiderari *crit. cont.* possunt in aliquibus operis illius *luculen-* *Baron.* *tissimi* partibus. Et tamen reverà quam non pauca habeant *Centuriatores* isti, quæ nec ferri debeant, fortasse nec excusari:

Præfat. ad
Appar.

cusari: nihilominus, eruditissimus idem Præsul, numero statim 54. fatendum affirmat, utilissimum Reipub. Christianæ exstitisse, illud hominum laboriosissimorum *ἐπιτελέα*. Opus omni laude & acceptatione dignum. Nec temere id affirmat: rationes insuper multiplices subiungit; quarum nonnullas, suis ipsius verbis longè disertissimis hîc referre nequaquâ pigebit.

Quippe (inquit) cum veteris Reipub. Christiana effigiem representet, mores exprimât, fidem enunciet: tum successiones Apostolicas per Ecclesiam; doctrinæ progressum & diffusionem notet; defectus, naevos, & *ἁγιοδοσίας* ab Hæreticis inuectas, & a sentina schismaticorum. Hæc & alia huius generis scitu utilissima, cum *συνεχῶς αὐτὰ ἀναγινώσκου*, velut magni adificii quadam rudera, vel corporum disiectorum ἀποσπασματα, sub uno & eodem intuitu, in unum simul recollecta posuere est hæc ipsorum opera cum laude digna & acceptatione, tum vel maximè conjuncta cum communi utilitate. Ita enim quæ prius, per anfractus & ambitus, nescio quos, per infinitas circuitionis confectabamur: quæ raptim, carptim, & par-
sim, hîc, illîc, alibi, prout se occasio offerebat, magno labore & conatu nonnunquam
irrito

irrito, erant indaganda, illa omnia jam disposita particulatim, locis suis certis, & determinatis, luce quadam ordinis & dispensatione commendatiora, cuiuscunque vel mediocri industria perquiri possunt, ut aut statim obversentur oculis, non difficulter usibus inserviant, & in rem presentem offerantur: hæc de Centuriatoribus & eorum opere celeberrimo.

SECT. 44.

Baronii Annales Centuriis pares. Opus planè stupendum. Casauboni de eo iudicium, item Reverend. Præsulis Cicestr. Annales isti cautè legendi quare. Spondanus Jesuita eorum Epitomator.

Æ Qualis momenti, atq; exultationis, addo & utilitatis cum Centuriis habentur Magni Cardinalis Baronii Annales Maximi, quos istis Centuriis haud ita dudum scripsit ut opponeret: opus planè stupendum, (confessione doctissimorum, & ipsius Casauboni) utpote quo, totius orbis Christiani res gestas, præsertim autem eas, quæ ad Ecclesiam pertine-

Reinold. de
Idol. Rom.
l. 1. c. 4.

In proleg.
ad Exercit.

bant, in continuam seriem annorum, sic digessit Auctor, ut si *unius urbis Fastos concinnaret*. Is etiam vnus est, qui nescio undè ex abdito, tam multa, planè prius ignota, primus prompsit in lucem: qui antiquorum *Episcoporum* in magnis urbibus successiones, veterum hæresæon originem; progressum & finem, tempora *Ecclesiæ* siue tranquilla, siue turbulenta, tam accurata diligentia explicuit; qui deniquè (merita sua in *Ecclesiam* si immoderato partium studio non corrupisset) dignus erat sine controversiâ cui omnes, & veteres & recentiores, qui illam eruditionis partem unquam attigerunt, adsurgerent & fasces submitterent. Sic de *Cardinale Baronio* clarissimus *Casaubonus*: nequè solitarius est in hac de viro Magno sententia. Suffragantur ei (uti dixi) doctissimorum plerique, qui recto freti iudicio alienarum vigiliarum censores esse merentur. Præ aliis auctoritatem apud nos eruditissimus *Antistes Cicestrensis* toties supra advocatus, jure merito vindicare potest, qui magnum illum *Cardinalem* laudat ubi meretur, nequè ei parci ubi vituperandum censet. Ipsissima ejus verba accipitote. Nihil est penè (inquit)

*Prefat. ad
Ap. num.
63.*

quit) quod magnopere desideres in Baro-
nio, si unum illud abfuiſſet, cui nimis in-
cumbit ſemper, & indulget vehementius,
partiũ ſtudiũ & ποσπάδνα; negari haud
quidem poteſt, quod in illo accuſant doctiſ-
ſimi viri, adeo illũ in deſenſione & laude il-
larũ partiũ, quas probabat, quas propugnã-
das ſuſceperat, totum eſſe occupatum, ne
quicquid uſpiam eſt, vel extabat olim, per
Romanã Eccleſiã depravati moris, deſerta
vel deſolata fidei, nundinationum ſacra-
rum rerum improbiſſimarum, ſacrilegiũ
execrandi: quicquid patratum audacius,
quæ plurima erant, & insolentius in nomi-
nis Chriſtiani præjudicium, Eccleſiæ dede-
cus, pietatis opprobrium, Jeſu Chriſti con-
tumeliam, per Pontifices quosdam impro-
biſſimos (quod non inficiantur vel Catho-
liciſſimi, hominum monſtra agnoſcentes,
& humanitatis propudia) excuſet, hoc
parum eſt; tueatur ſæpiuſculè, & hoc pa-
rum eſt; quin laudet interdum & exornet
ab oratione. Non reſingit mores urbicos ad
Antiquitatem, ſed ipſam antiquiſſimam
antiquitatem, invitam, reluctantem, ob-
torto collo trahit ad Fidem urbicam tuen-
dam, illam imprimis malè natam, male fo-
tam, de directâ pontificis Omnipotentia,

ad quam confirmandam, omnem suam applicat suppellectilem, & ingenii nervos contendit: ita doctissimus *Antistes*: adeo ut rectè concludere liceat, haud temerè dictum à clarissimo *Casaubono*, ingentia *Cardinalis* merita, partium studio fuisse corrupta. Hac propter (*Auditores*) sciat *Ecclesiast. Historiæ* studiosus, *Annales Baronianos* non sine cautione legendos: ubi verò & quanta adhibenda sit, ex parte aliquâ, luculenter indicat eruditissimus *Casaubonus* in prolegomenis suis ad *Exercitationes Baronianas*. Sed & doctissimus *Antistes Cicestrensis*, sicuti *Magdeburgensium* errores ac temerationes perstrinxit, ita etiam in quibus reprehensionem incurrat *Prelæstis Annalista*, non uno in loco disertis verbis commonstrat. Voluminosum illud *Cardinalis* opus, in *Epitomen* contraxit. *Spondanus* homo *fesuita*, sed maledicus, & convitiator egregius, qui tamen diligentia suâ, meritas fortasse posset reportare laudes, nisi *Baronianis* nimis superstitiose insistens vestigiis, *Paparum* omnipotentiam astrueret, Regum principumquè majestatem imminueret, & perniciosissimum *Hildebrandine* doctrinæ venenum lectoribus

ebibendum, quasi aliud agens propinaret.

SECT. 45.

Priores centurias Magdeburgicas octo compendifecit Lucas Osiander, nec inutiliter. Ab octava ad Decimam sextam transiit. Ejus res merito fusius tractat. Ad hanc centuriam pertinet Historia Concilii Tridentini. Istius operis atq; etiam Auctoris encomia. Iac. August. Thuanus accurata sua Historie res etiam Ecclesiasticas interfervit, ab An. 1546, ad An. 1608. inde continuatur Historia ad An. 1618.

Magdeburgensium etiam Centurias, octo scilicet priores, in compendium reduxit Lucas Osiander; vir nequaquam postremi nominis; atque ita quidem reduxit, ut nihil ferè rerum scitu admodum necessariarum omitteretur. Nam (præter singulorum annorum seriem) faciliiori negotio conspiciendum proposuit, quis fuerit Ecclesie status, à Christi nativitate & deinceps: quomodo Evangelii doctrina in Orbem terrarum sparsa

sit: quæ hæreses in *Ecclesia* fuerint exor-
 tæ, & quibus mediis oppressæ: quæ per-
 secutiones contra *Ecclesiam* motæ, &
 quomodo sedatæ fuerint: quos doctores
Ecclesie singulis temporibus habuerint,
 inter quos & *Romanorum Episcoporum*
 vitæ recensentur. Sed & *Romanorum*
Imperatorum Acta quoquæ describuntur,
 atquæ hæc omnia compendio satis lauda-
 bili complexus est. ab octavâ verò *Centuriâ*,
 ad decimam-sextam transilit,
 (quam quidem *Magdeburgenses* non at-
 tigerunt, nam in decimâ-tertiâ desie-
 runt) resquæ in ea gestas aliquanto fusiùs
 tractat: ejusque fû facti, rationem ipse
 reddit, in Epistolâ suâ præliminari, hisce
 verbis. *Ego vero* (inquit) *puto ab Apo-*
stolorum temporibus, jam olim elapsis, nul-
lam esse Historiæ Ecclesiasticæ partem, quæ
nostro seculo piis hominibus cognitu ma-
gis sit utilis, & necessaria, quam hanc ip-
sam, quam nunc in lucem emitto: continet
enim mutationes in religione, & in repub.
longè maximas, quales, & quanta, &
quot, in nullâ unquam Centuriâ contige-
runt.

Ad hanc *centuriam* pertinet *Historia*
Consilii Tridentini, Anno 1542. indicti,
 Anno

Anno 1545. inchoati, & in Annū 1563. producti. Historia Mehercule auro (ci-
cam?) immo gemmis pretiosissimis con-
tra, non cara, & omni ære diutius peren-
natura; A.P.M. *Paulo Veneto, Ordinis*
Servorum scripta: viro eruditionis ad-
mirandæ, exquisitissimi judicii, indefati-
gabilis industriæ, modestiæ deniq; & in-
tegritatis vix æquiparandæ. quod quideni
elogium, vir & dignitate, pariter & eru-
ditione perillustis, fidissimus ejus inter-
pres Anglicus, (qui princeps illud pre-
tiosissimum *κεφάλαιον* maximo Ecclesiæ
bono, in oras hæc occiduas protulit, &
publica luce donavit) ei in præliminari
suâ Epistolâ meritissimò tribuit; idq;
non temerè: utpote qui literatâ ejus
consuetudine, ac propiori familiaritate
aliquandiu fretus, penitus eum noverat.
Sed & opus ipsum tantundem luculenter
præstat; ex libellis memorialibus, Com-
mentariisq; legatorum; ex principum &
Rerum-publicarum Epistolis, aliisq;
scriptis; à præsulibus, Theologis, lega-
tisq; ipsis, qui eidem conventui interfue-
re diligenter adservatis, concinnatum;
tanto labore, tanta accuratione, studio &
fide (sicuti doctissimus idem & clarissi-
mus

*D. Nath.
Brent Eq.
Auratus,
Colleg.
Merton.
præfectus.*

D. Adamus
Newtonus.
Eques Au-
ratum.

mus Eques ibidem observavit) ut omnes in eo genere Historias, siue veteres siue recentiores, facile provocare possit. Nequè solitarius hoc, aut unius tantum viri testimonium existimatote, (Auditores) vel de Scriptore, vel de opere ipso: accipite huic geminum germanum de utroque, ab interprete Latino, ejusdè ordinis equestri viro, & ob elegans ingenium juxta & eruditionem non vulgarem, clari nominis. de Scriptore sic ille. Neq, verò meo is præconio indiget, quem opus ipsum loquitur, ingenii felicem, magni rectiq, judicii virum, omni genere doctrinæ liberaliter eruditum, atq, ad maximam probitatem, animiq, mansuetudinem utraq, prudentia, divinâ & humanâ, ac istâ, tam morali quam civili, cumulatissime excultum. De opere vero ipso sic. Quod Historiæ istius exedificationem attinet (differtissimi viri verba sequor) siue res siue verba spectes, & in rebus, si temporum ordinem, si consilia, acta, eventus: & in rebus gestis; si declarari non solum desideras, quid actum aut dictum sit, sed etiam quomodo: & cum de eventu dicitur, ut causæ explicentur omnes; vel casus, vel sapientia, vel temeritatis. Hac, & alia ejusmodi,

HISTORIAS ECCLESIASTICAS 221

di, quæ dicendi, scribendiq; magistri, requirunt in Historiarum Scriptore, ille adeò plene accurateq; exequitur, ut in unius Concilii coagmentatione; omnes Historiæ conscribenda numeros impleſſe, atq; hoc nomine majorum gentium Historicis accensendus meritissimò credatur.

Hujus ejusdem *Centuriæ* res etiam tam *Ecclesiasticas* quam *civiles*, ab anno 1546, ad annum 1608. luculenter descripsit, *Jacobus Augustus Thuanus*, vir genere, doctrina, dignitate maximus, & inter hujus ævi Historicos principe loco dignus: uti supra etiam à nobis observatum est. Eam *Historiam*, prònuper etiam continuatam habemus usquè ad annum 1618. præter hosce supra recensitos in utrâquè *Historiâ* Scriptores, eximii & longè doctissimi viri, *Gerardi Iohannis Vossii* de *Historicis Græcis* libri, & de *Latinis*, ingentem numerum suppeditare possunt: ex quibus (si cui fortè delectus noster non arriserit) alium pro libitu suo facere licet. Ego sic censeo: & de parte primâ *Methodi* nostræ satis dictum opinor.

DE

DE RATIONE ET Methodo legendi *Historias.*

PARS SECUNDA.

De idoneo Lectore.

SECT. I.

Juvenis uti moralis Philosophiæ, ita & Historiarum, Lector minus idoneus putandus. Quæ requirantur ad utrumq; Finis & scopus lectionis. Doctissimi Vossii & Kekermanni circa hanc questionem sententiæ discrepantes.

PArtem primam expeditimus, in qua utriusq; *Historiæ* Auctores recensuimus, eorumq; delectum fecimus; nec-non quo ordine sint legendi commonstravimus. Iam verò secundo loco quis sit *Lector* idoneus, disquirendum. Et hoc quidem qua possimus brevitate faciemus. *Aristoteles* *Ethicorum* lib. I. c. 3. de idoneo moralis *Philosophiæ* auditore

auditore disputans, hoc habet pronunciatum. Ἀδὲ τῆς πολιτικῆς ἔκ ἐστὶν βικεῖος ἀκροατῆς ὁ νέος. &c. *Iuvenis ad civilem scientiam non est accommodatus auditor: est enim actionum, quæ in hac vita versantur imperitus: nimirum, Iuventus ignara iudicandi in fraudem facile inducitur, & spretis melioribus, vana amplectitur.* quod si rectè hac ex partè pronunciaverit *Magister* noster; quid prohibet quo minus nos etiam, de habili & idoneo *Historiarum Lectore*, idem sciscamus scitum? quandoquidem, *Historiam* nihil aliud esse quàm *Philosophiam* exemplis utentem, sapientes statuerunt. Auditori *Ethico* sive *Politico*, requiritur, primo iudicium, ἡ ἀγνοῶσις. Ut rerum agendarum præcepta internoscat. Deindè animus sit ei probè affectus, ut præcepta rectè tradita, in usum dextrè transferre cupiat. Simili planè modo, *Historiarum Lectori* facultas adsit, discernendi exempla, quæcunq; legerit, & de iis rectè iudicandi: tum adsit lubido & animi propensio, ea quæ proba fuerint imitandi; quæ secùs autem, fugiendi: omnia deniq; in usum suum convertendi. Finis enim principalis τῆς παρρησίας περὶ αὐτῆς ἐστὶν ἡ γνῶσις ἀλλὰ περὶ ἑ-

15. Præsentis negotii sive considerationis scopus, non cognitio & contemplatio, sed usus & actio. Atq; ideo discendum non ut sciamus autum, sed benè etiam agamus, & honestè Vivamus. Vndè nec desunt viri impensè docti, qui haud ullum esse studii genus asserunt, in quo plus solertia, plus judicii, usus, & prudentiæ, postulari videatur, quam in *Historia*, vitæ civilioris *Magistra*, legendâ requiritur. Quo magis mirari soleo, *Gerardum Johannem Vossium*, inter eruditorum hujus ævi principes, meritissimo numerandum, in libello suo eleganti, de *Arte Historica*, firmiter tenere, hoc studium primæ etiam convenire ætati. *Bartolomæi Keckermanni*, aliorumquè contra sententiam opinionem rejicere, argumenta elevare, refellere. Ipsos audite (si placeat) & primò *Keckermannium*, deinde clarissimum *Vossium*.

Keckerm.

de Natura

Hist. Part.

l. c. l. p. 10.

Cum nihil aliud contineant (inquit *Keckermannus*) *Historia*, quàm exempla præceptorum, habent autem præcepta methodū, exempla verò non habent methodū, nisi eam quæ est in præceptis, error est vulgatus & valdè damnosus juventuti, quæ voluptate

voluptate & jucunditate studii Historici ducta, Historias ex professo incipit legere, plerumq; antequam disciplinas, & præcepta ea cognoverit quibus methodus inest, & loci communes illi, ad quos Historia reduci debent: quod quidem valde est præposterum, & facile intelligi potest, ex comparatione aliarum disciplinarum: exempli gratia, Grammatica, Logica &c. Sicut enim absurdus fuerit, qui exempla Grammat. Logic. Rhetorica velit cognoscere & notare, antequam didicerit præcepta: ita absurdissimus haberi debet, qui Historias, id est, Exempla Ethica, Oeconomica, politica, serio & ex professo velit legere, & notare, antequam habeat perspectam Methodum præceptorum Ethicorum, Oeconomicorum, Politicorum &c. ita Kekerm.

Iam si placeat, audite doctissimum Vossium: Nihil (inquit) absurdi habet *Art. Hist.* (uti vult Kekermannus) si exempla ante *c. 5 p. 31.* præcepta addiscamus: linguas enim optime absq; præceptis addisci posse notum est: deindè, non parvum eos (qui cum Keckermanno sentiunt) errorem committere dicit, cum non satis distinguant, inter lectionem historia alicujus ac Historiam scribendi

bendi munus; ad quod nemo Philosophia civilis ignarus applicare animum debet. Deniq; confundere eos (ait) nudam & simplicem rerum omnium historiam, cum isodem Ægyptiæque quæ curatè in circumstantias & eventuum causas inquirat. Postremo, suam confirmat opinionem auctoritate Quintiliani (optimi instituenda pueritiæ artificis) qui ab Rhetore jubet Oratores atq; Historicos incipientibus prælegi; inq; Historicis, minimè dubitat Livium præponere Salustio, non tantum quia candidior sit, ac Ciceroni similior, sed etiam quia majoris sit Historiæ Auctor: quomodo (inquit) neutiquam loqueretur, nisi ita credidisset pueritiæ convenire Historias magis universales. Hæc eruditissimus Gerardus Iohannes Vossius.

SECT. 2.

Keckermanni sententia defenditur. Lingua absq; præceptis hand optimè discuntur. Linguarum atq; actionum longè diversa ratio. Philosophia practica tam legenti Historias quam scribenti requiritur. Vbertus Folietta, Sebastianus Foxius, Viperanus ab hac parte sta-

*re videntur. Etiam doctissimus Vossius
argumenta subministrat non infirma.*

Sed liceat hic nobis pace tanti viri (cujus alias summa apud nos auctoritas est, quemq; præcipuè in hoc genere Historico suspicimus & veneramur) paululum dissentire, & *Keckermanni* utcunque partes aliquatenus defendere. Responderi itaque posse videtur pro *Keckermanno*. Primo, haud diffitendum linguas posse disci absque præceptis, sed *optimè* posse disci pernegandum. Voces articulare, verba formare, etiam componere ac proferre; auditione, usu; colloquio absque præceptis regulisve discere solemus. Sermonem verò aptè concinnare, orationem scienter instituere, vix ac ne vix quidem datur, nisi regularum & præceptorum ductu. Præterea, quamvis loqui addiscat quis (quâcunq; fuerit linguâ) absq; præceptis; eloqui tamen haud poterit, multo minus de loquelæ sive congruitate, sive proprietate dijudicare & rationem reddere nisi per præcepta. Porro ea *optimè* addiscuntur, quorum perfecta habetur cognitio, quorum rationem reddere quis potest, sicuti nos docet Magister noster

*Arist. Eth.
l. i.*

P

Aristoteles

Senec. Ep.
114.

Aristoteles. Adhæc, alia est linguarum ratio habenda, alia actionum: sive eas imitemur, seu mente nostra contemplando arbitremur. usus illas dirigit, & corrigit: has præcepta & norma vivendi. Illas cōsuetudo civitatis (*quæ nunquam in eodem statu stetit*) versat: Has turpis & honesti respectu temperandas, & juxta legum præcepta discutiendas novimus.

Secundo; neque in eo videtur doctissimi *Vossii* sententia usquequaque comprobanda; quòd Philosophiam practicam cōcedat necessariam, *scribenti Historiam, legenti* verò nequaquam. Quid enim? Annon utrique finem quasi eundem propositum, omnes affirmamus? Vni, ut vivendi rationem ab exemplis discat? Alteri, ut ex eisdem exemplis, eandem pariter doceat? Annon illi scopus, ut prudentiam mortalibus, alienos describendo casus insinuet? Huic ut sibi ipsi, eosdem casus legendo & observando, prudentiam comparet? Mihi quidem sic omninò videtur. Nec mihi soli, sed plurimis aliis, nec indoctis. Audiamus si placet, unum atque alterum. *Dua sunt facultates* (inquit *V. bertus Foliotta*) *quæ commune bonum & utilitatem publicam spectant, quæq; hominibus*

De scrib.
hist. penult.
p. 954.

nibus ad beatam vitam iter expediunt, illosq; ad civilem societatem tuendam & ornandam institunt; Moralis Philosophia, & Historia: ita hæc due facultates, partitæ sunt inter se munera, ut illa disputationibus & præceptis animos ac mores hominum informet, hæc utilibus exemplis, salubribusq; documentis, quid sequendum in vita, quid fugiendum sit, doceat moneatq;: ad quorum similitudinem actiones & consilia sua homines dirigant & conforment; casusq; atq; exitus, qui bona consilia, & prava consequi soleant, ante oculos hominum ponat; quorum cognitione, illi vel ad virtutem inflammentur, vel à sceleribus revocentur. Dissentit manifestè, à clarissimi Vossii mente, vir doctrinâ, iudicio, eloquentiâ, suo tempore non incelebris, Sebastianus Foxius. Is enim libro de Institutione Historia, sic scribit. Quo pacto ipsius non modò Historia sed nec omnino a-

lb p. 819.

&c. Mox etiam rationem reddit. Quod nimirum artifices & eruditi, artificiosa & erudita tantum noscant, non rudes & imperiti. Deniq; sic concludit. Ergo lectioni accedat iudicium, non tam natura, quam arte usq; comparatum; tum doctrina non vulgaris aut mediocris, &c. Nec à Foxio Lib. de scr. dissentit Iohannes Viperanus (vir etiam Hist. c. 17. literaturæ haud contemnendæ) sicuti planè evincunt hæc verba. Et magni quoq; viri est (inquit) veros fructus ex Historiarum lectione colligere: qui videlicet rationes rerum divinas humanasq; percipiat; qui seligat morum optima documenta, qui eadem, quâ vitam suam, honestatis normâ ac regulâ aliorum facta metiatur, in quo multa locorum cognitio, mira virtutum vitiisque scientia, singularis magnarum rerum doctrina & eruditio insit, &c. Et paulò post. Qui ad Philosophiæ præcepta exempla adjunget, is magnos fructus ex historia capiet, ac perfectam & absolutam sapientiam consequetur.

Ars Histo.
c. 5. p. 28.

Quin & ipsius doctissimi Vossii conclusio, (eodem capite, 5.) circa præcipuum Historiæ fructum, ad confirmandam nostram sententiam plurimum valere videtur. Ita enim scribit: Sic igitur statuendum

endum, vel præcipuum esse hunc Historiæ fructum, quod ex similibus vel contrariis, colligamus, quid privatim aut publicè expediat: nam prudens qui esse volet, debet observandi esse studiosus, sive ut Græci dicunt *ὁμολογητός*. Quod, cum pueri & artium ignari, assequi nequeant, præcipuo lectionis Historiæ fructu, privari necesse habent: unde eos minus idoneos Historiarum lectores esse, plus quam probabiliter adstrui posse nobis videtur. Secundæ quidem notæ fructus, sive effectus secundarios, non inficias ibimus, quin pueri & illiterati ex Historiarum lectione vel auditione, indipisci & deportare possint: voluptatem scilicet, & oblectationem quandam immò fortassè (mcdò sint melioris indolis ingeniique præstantioris & narratiunculas quasdam non inficetas, aptè ac decorè in medium proferre nōrint, quod tamen in ætate tenerâ atq; immaturâ vix reperitur) gratiam & æstimationem aliquam apud audientes obtinebunt. Sed ridiculi planè sunt habendi (ipsius doctissimi *Vossii* opinione) qui non alio fine Historias legunt quàm ut animum oblectent, & habeant quod in convivis & circulis narrent. Apagè taleis istos (cum

*Art. Hist.
c. 5. p. 30.*

Cent. 3. ep.
61.

Iusto Lipsio loquar) & ad *Amadaum* suum, ad *Hugonem Burdigalensem*, aut si al-
tius adsurgere velint, ad *Heliodorum*, aut
ad nobilissimi *Sydnei* nostratis *Arcadi-*
am ac *Barclai Argenidem* eant.

SECT. 3.

Tertium doctiss. Vossii argumentum con-
tra Keckermannum haud satis firmum
videtur. Nuda rei gesta cognitio Le-
ctori cordato non sufficit. Id ex Ludov.
Vive, Dion. Halicarnasseo & ipso Vos-
sio probatur. Puerorum & virorum in
artibus versatorum, lectio Historiarum
valde diversa.

HInc iam tertio loco, mihi videtur
doctissimus *Vossius* frustra esse: ubi
nos simplicem rerum omnium Historiam
confundere affirmat, cum *ἰστορίαν περὶ νου-
τέρας*. Quia nos nudam rerum commemo-
rationem, & magnorum facinorum, sed &
locorum etiam, memoriam, haud difficul-
ter concedimus vel ipsis pueris, & ætatis
teneræ iuventuti convenire, sicuti iam
diximus. Sed meminisse oportet, anti-
quitatem, ea non multo meliori loco dux-
isse

isse, quam fabulas (ipsissimis doctiss. Vos-
 si utor verbis) nempe quia ex iis, haud a-
 liter atq; ex fabulis, voluptas magis perci-
 pitur quam fructus. Verum Lector ille,

Pag. 7.

quem nos formare cupimus, ulterius spe-
 ctare debet: non ad delectationem, sed
 ad utilitatem, ad finem ultimum Historiæ,
 ut probis ad benè beateq; vivendum ex-
 emplis instruatur. Valdè appositè pro
 nobis & ad hanc nostram mentem loqui-
 tur eruditissimus ille Ludovicus Vives.

Historia (inquit) cognita est jam nobis,
 quadantenus, in pæcili institutione, sed illa
 modo ad rationem temporum, & nomina
 præclarorum virorum noscenda: nunc ve-
 rò exactiùs est & plenius versanda, quoni-
 am melius ab adultis iam, confirmatisq;
 post rerum usum aliquem intelligitur, ut in
 vitæ emolumenta convertatur, iudicio ad-
 hibito: tanquam succus naturali calore dif-
 fusus per corpus, unde alatur homo, & vi-
 ta producat. Dicimus igitur, lectori no-
 stro, non sufficere nudam ac simplicem
 omnium rerum Historiam, sed quod in-
 quit Dion. Halicarnassensis, ἀπαιτεῖ ὃ ἐξα-

Lib. 5. de
 trad. disc. p.
 352.

σθαι καὶ τὰς αἰτίας ἰσότησαι τῷ πρὸς αὐτὸν, καὶ
 τὸν ἑαυτοῦ καὶ τοῦ ἑτέρου, καὶ τὰς διαφορὰς τῶν
 πραγμάτων: unusquisq; vult ipsas etiam

Lib. 5. Ant.
 Roman.

An Hist.
19. p. 80.
& 81.

Lib. 5. c. 18.

causas querere, & modos quibus res per-
acta sit, & consilium eorum, qui negotia
sunt aggressi. Hæc ipsa verba, atq; alia ad
hanc sententiam, ex *Halicarnassæi* 7^o.
prolixius citat ipse πολυμαθέστατος, *Vossius*,
Vbi etiam probat, quod non in *Philoso-*
pho solùm, sed etiam *Historiæ* scriptore
lectoreq; locū habeat poetæ illud *Geor.* 2.
Felix qui potuit rerum cognoscere causas.
Ac tandem propè finem eiusdem capituli,
sic concludit. *Et sanè si causæ, consilia,*
modus, prætereantur. pueris quidem fabulæ
narrantur, non historiæ scribantur, ut apud
Agellium dicit *Sempronius Asellio*. Iam
vero dicat mihi clarissimus *Vossius*, nun-
quid isthæc pueri satagant? Nunquid illi-
terati & artium rudes viri hæc perqui-
rant? Aut cui bono si de causis, consiliis,
circumstantiisve nesciant iudicare? Vel
in utilitatem suam convertere? Elegan-
ter nescio quis, quemadmodum puellæ,
flores excerpunt ad oculos suos, & sensus
corporis tantùm exhilarandos: pharma-
copolæ verò, universa herbarum folia,
flores singulos, minutissimas plantarum
fibras, & radices ad medelam, & hominū
sanitatem referunt; sic pueri libris *Histo-*
ricis, quasi trocho & astragalis ad luden-
dum

dum utuntur; auditâq; vel inspectâ rerum gestarum magnitudine, aut novitate, lætitia incredibili gestiunt, aut pavore exanimantur; qui autem artibus mediocriter versati sunt, experientiaq; aliquali, ac iudicio exornantur, hos legendo Historias pauca effugiunt. Hi solum divina instituta animadvertunt, iura humana observant; consilia universa perpendunt, varia rerum eventa notant, domestica, politica, bellica, pacifica, omnia magno cum fructu & voluptate, ad civilis societatis & prudentiæ usum referre solent. Atq; hoc est apud *Keckermannum* Historias legere; hunc talem requirit *Lectorem*: nimirum (ut ipsius utar verbis) *Qui exempla Ethica, Oeconomica, & Politica serio & ex professo legere & notare velit.* Illud autem quisquis aggrediatur, nisi perspectam habeat *Methodum* præceptorum *Ethicorum, Oeconomicorum, Politicorum, &c.* absurdissimus (inquit) haberi debet.

SECT. 4.

*Argumentum à Quintiliano mutuatum
expenditur eiꝫ respondetur.*

Lib. 2. Inst.
Orat.

Postremo; mihi quidem locus è Quintiliano citatus videtur nihil quicquam facere, adversus istam *Keckermanni* sententiam. Constat enim ibidem *Fabium* docere, ex quibus Auctoribus puerorum *stylus* sit formandus; idq; *Rhetorum* ipsorum, sive præceptorum ductu atq; adminiculatione, potius quàm suapte ac privâ lectione. Siquidem Cap. 5. profuturum sanè discipulis plurimum (ait) si Rhetor eos *Historia atq; etiam magis orationum* lectione instruxerit. Ibiq; mox, quid sit *Rhetoris* officium hac ex parte luculenter ostendit. Capite verò sexto à doctissimo *Vossio* citato, quem velit Auctorum delectum haberi plenius indicat: nam si ne delectu periculosum esse ait, quemvis in manum assumere; optimos quosq; & candidissimos, suavi copiâ & perspicuitate amabiles, quales *Cicero* & *Livius* eligendos censet. Inde quos fugiendos existimat, ostendit, quos tamen firmatis, & maturis

*maturis ingeniis etiam permittit. Respondemus igitur, aliud esse stylum, ac sermonem formare, sive (ut ipse Fabius loquitur) ορεῖσθαι facere; aliud exempla Ethica, Oeconomica, Politica atq; alia, seriò & ex professo colligere, notare, recondere, ut inde discat quis prudenter se gere-
re, & vitam ad virtutis normam institue-
re: illud autem Quintiliani propositum omnino fuisse videtur, hoc nequaquam intendit. Ideoq; magis etiam Orationum lectionem Rhetorum discipulis commen-
dat: fortassè etiam Historicorum concio-
nes, potius quàm narrationes: quippe, in iis quidem T. Livium, vel maxime præcellere affirmat. Eum enim, cùm in nar-
rando miræ iucunditatis, clarissimiq; can-
doris esse dicit; tum in concionibus supra quàm dici potest eloquentem. Sin autem quis aliter adhuc sentiat; Et Quintilia-
num velle Rhetorum discipulos, rerum ipsarum contemplatione exerceri, opi-
netur; nec non exemplis (quæ sunt in om-
ni genere causarum potentissima) jam tum instrui, quibus, ubi res poscere videatur, utantur: secundo respondemus, hoc Quintilianum velle à juventute fieri, du-
ctū, præmonstratione, atq; indicio Magi-
strorum*

Lib. 10. c. 1

Quintil. l.
10. c. 5.

Lib. 2. c. 4.

strorum Rhetorumq; primò, quorum erat *indicare, atq; ostendere virtutes, juxta & vitia*, non sermonis & loquelæ tantum, sed etiam dictorum factorumq;, sicuti cap. 5. lib. 2. legere potestis. Iam verò præeunte, illustrante, exponente præceptore, quis neget Historicos vel primæ ætati, convenire posse? Et sic tamen, juxta *Quintilianum, Candidissimum quemq;* eorum & maxime expositum; qualis *Tit. Livius* reputatur: ad quem tamen intelligendum, jam profectu opus esse, inquit, idem *Quintilianus* capite sexto.

SECT. 5.

Simonis Grynæi sententia hac ex parte probatur. Quis sit idoneus Lector fusius ostenditur. Philosophiæ practica gustum saltem habeat, requiritur. Item Chronologia, & Geographiæ, Historiæ oculorum. Artium deniq;, aliarum cognitio aliqualis necessaria.

*Admon. de
util. leg.
hist. pen. p.
1133.*

QVapropter, *Simonem Grynaum* ego potius audiverim, & cum eo censuerim, qui lectores Historiarum adhorrando, hunc in modum adloquitur. Tanto, inquit,

inquit, instructiores accedere decet, quanto fructibus uberioribus gravior Historia est, & fecundior. Cumq; difficultas sit eadem & de sua & de aliorum vita rectè judicandi, nec alienam quisquam (quantumvis perspicaces hic simus) intueri rectè possit, qui non potest suam, utrumq; intelligitur, & summam hic difficultatem versari, & multa antequam huc accedamus requiri; non solum prudentia quadam civili tinctos, sed vitæ totius certo proposito firmatos nos esse oportere; ne fluctuare animis, & miserè spectris vitæ inanibus circumduci perpetuò velimus.

Nos itaq; (ut hoc caput concludamus) dicimus primo: Lectorem studiosum ac diligentem; serium & attentum; constantem ac stabilem, omnino requiri. Studiosum ac diligentem; quia profectus diligentia præcipuè constat. Vndè Quintili-
 anus, diu , non nisi optimus quisq; & qui
 credentem sibi minime fallat legendus est,
 sed diligenter, ac penè ad scribendi sollicitudinem: nec per partes modo scrutanda omnia, sed perfectus liber, utiq; ex integro resumendus, &c. Serium & attentum; Nam sive legis ipse quid, sive audis, attentus id fac, (monuit olim quispiam) ne va-
 getur

Lib. 10. c. 1.

getur mens tua; sed coge illam ibi esse, & agere quod adest, non alia: scito te tempus & operam perdere, si quæ legis vel audis non attendas. Deniq; constantem ac stabilem: certa enim & constans lectio prodest. Desultoria illa & transcurrentes lectio parum habet utilitatis. Senecam audiamus: Certis ingeniis immorari & intrinseci oportet (inquit ille) si velis aliquid trahere, quod in animo fideliter sedeat. Atq; hinc præcepit admodum appositè Stephanus Prætorius. Meminerint adolescentes, non esse prius deferendam, inchoatam alicujus libri lectionem, quàm ad finem deducta, & integrè percepta fuerit. Multi enim adeo delicate & fastidiosè in legendis Auctoribus versantur, ut cum aliquem privatim legendum in manus sumpserint, tamen vix duabus aut tribus pagellis perlectis, mox eundem deponant, & alium librum legere incipiant, nec quicquam ad finem perducant. Hac fastidiosa legendi ratio, quantumvis magna assiduitate præstetur, ad veram & solidam eruditionem comparandam prorsus inutilis est.

Deinde Lectorem nostrum sic probamus; si Philosophiæ practicæ præcepta degustaverit: cujus conditionis necessitas

ex supra dictis satis æstimari potest. Tum si *Chronologia* notitiam, hoc est, temporum atq; ætatum cognitionem, aliquam saltem, imbiberit: ut eorum seriem & ordinem teneat, ac velut terminis quibusdam, imperia, bella, eventus finire possit. Hanc *animam Historia*, sine qua non spirat, vir summus ille *Iosephus Scaliger* indigetat: ab aliis *oculus Historia dexter* vocatur: ab aliis *Cynosura*, quæ *Lectorem* in *Historia* pelago versantem regit, & adjuvat, ut expeditius ac certius, nec non cum majori suavitate ac fructu, ad portum lectionis optatum perveniat. Qui enim sine ratione temporum *Historias* intelligere sese posse putant, perindè falluntur, ac si labyrinthi errores evadere sine duce aut filo velint. Sed & *Oculum sinistrum* quoq; tribuimus *Historia*, nimirum *Geographia* sive *Topographia* scientiam; quâ nisi *Historiarum* studiosius fuerit saltem leviter instructus, de jucunditate, immò de utilitate lectionis, plurimum deperdat necesse est; adeoq; rei gestæ perfectam intelligentiam assequi haud quaquam valebit. In *Historia* enim quis est qui non sentiat, quantum lucis ex loci (quo quæq; res gesta sit) circumstan-
tia

tia accedat legenti? Communem igitur terrarum orbis divisionem teneat; & sciat Mundi partes situsq; distinguere: provincias & in iis flumina, montes, oppida, clariora præsertim internoscat. Nam quod ad exactam illam omnium partium notitiam, huudquaquam ex necessitate requisitam *Lectori* nostro arbitramur. Denique si aliarum artium cognitione mediocri, rerumq; experientia nonnulla fuerit ornatus, hunc *idoneum & habilem Historiarum Lectorem tandem censemus*. Atq; hæc satis sint dicta de parte Secundâ nostræ Methodi.

DE

DE RATIONE ET

Methodo legendi

Historias.

PARS TERTIA.

viz.

De modo fructus colligendi.

sive.

De usu Historicæ lectionis.

SECT. I.

*Caput ultimum tractandum proponitur.**Concilium Lud. vivis, Circa ea quæ sunt in Historiarum lectione notanda.**Augusti Cesaris mos in legendis Historiis. Quæ reperiuntur apud Historicos observanda, & ad quid conducant.*

SVperest jam caput tertium, de quo
 Spostremo loco dicendum sub initio
 statuimus, nimirum quænam inter legen-
 dum sint eligenda, & quo modo. Paucis
 hoc possem conficere, si Ludovici vivis

*De Trad.
 disc. l. 5. p.
 352.*

Q

tantum

tantum præcepta observanda proponerem. Is enim quæ sint in Historiis legendis notanda hisce verbis docet. *Tenenda sunt* (inquit) *ex Historia; primum ratio temporum, hinc facta & dicta, quæ exemplum possint aliquod adferre, sive ut bonum imitemur, sive ut malum devitemus. Bella & prælia non accuratè persequenda, quæ tantum instruunt animos ad nocendum, & vias ostendunt quæis invicem possimus ledere. Notanda sunt & leviter, qui arma ceperint; qui utrinq; duces; ubi congressum, qui victi, quid illis actum. Nec aliter dicenda vel legenda hæc, quam latrocinia, cujusmodi revera, sunt pleraq; horum omnia, nisi quæ fortè adversus latrones sunt suscepta, quod inter Christianos, utinam non tam raro usu eveniret. Satiùs igitur & fructuosius fuerit, dare operam togatis rebus, quæ in virtute præclare ac sapienter sunt acta; quæ in sceleribus atrociter, fædè: qui exitus, quam lati benefactorum, quam tristes atq; infelices malorum facinorum: tum dicta & responsa hominum præditorum ingenio, sapientiâ, usu rerum, ea potissimum quæ Græco verbo ἀποφθίγματα dicuntur. Consilia etiam, cur quicquid susceptum, fa-*

Etiam

etum, dictum, eorum potissimum, qui probitate, sapientia, studiis bonarum artium reliquis antecelluerunt, quales sunt Philosophi, & praestantissimi omnium, Divi nostrae pietatis: ut non solum, quae ab animi incitatis motibus sint edita cognoscamus, sed quae à vi mentis & iudicii: indignum profecto est, affectionum nostrarum opera mandari memoria, non item consilii ac rationis. Hæc aberuditissimo illo Hispano præscripta sunt. Brevioris adhuc negotii res esset, si tantum ad Augusti Imperatoris exemplum imitandum, meum vocarem Historiarum Lectorem. de eo Suetonius sic scribit. In evolvendis utriusq; linguae Auctoribus, nihil aequè sectabatur, quam præcepta & exempla, & publicè & privatim salubria; eaq; ad verbum excerpta, aut ad domesticos, aut ad exercituum provinciarumq; Rectores, aut ad urbis magistratus plerunq; mittebat, prout quiq; monitione indigerent. Sed nos latius paulò extendemus Historiarum usum, nequè prolixi nimis erimus tamen. Namque Historiam suprâ, multigenum rerum bonarum Thesaurum diximus: & verè; apud Historicos enim, alia sunt quæ ad doctrinam faciunt magis; alia quæ ad prudentiam:

Suet. l. 2. c. 89.

dentiam, alia observare est, quæ linguam formant, quæ dicendi facultatem perficiunt, alia quæ rerum antiquarum notitiam conferunt: alia deniquè quæ ad vitam potius instituendam, & ad mores effringendos conducunt.

SECT. 2.

Duo excerpendorum genera. Philologica, Philosophica: sub utrisq; species quænam contineantur: quomodo singula sint disponenda, & quis inde fructus ostenditur. Locorum Communium formulas multiscripserunt.

NOs itaq; duo excerpendorum genera, lectori nostro præcipuè observanda, in universum statuimus. *Philologica, & Philosophica.* Sub *Philologicis*, non ea solùm quæ ad sermonis elegantiam, linguæ politiem, phrasin, aut verborum proprietatem spectant; sed omnes etiam veterum consuetudines; omnes ritus, ceremonias, Solennia cujuscunq; generis; sive verba, sive facta, sive loca, Sacra & profana comprehendimas. Præterea *Monarchiarum* & præcipuorum in
Mundo

Mundo Regnorū series; Gentium, Familiarumq; origines, & migrationes; Initia religionum & depravationes: Urbium conditus, Colonarium deductus; tum opera quævis magnifica; Ingentes opes, potentiam ultra modum immensam; stupenda prodigia: deniq; quicquid cum admiratione legendum, immò & quodcunque meritò dicatur ἀξιομνημόνδτον, memorabile seu recordatu dignum, huc referimus. Sub *Philosophicis* autem (ut compendio dicamus) ea omnia completimur, siue Dicta, siue Facta, siue Consilia, siue deniq; rerum eventa, quæ suis cultoribus affatim ministrat *Historia*; ut documenta sint ad institutionem vitæ humanæ, publicæ vel privatæ, toga vel fago. Quibus observandis *personarum* imagines haudquaquam sunt insuper habendæ: nam sicut luculenta eventorum & consiliorum expositio, *politicam* auget *prudentiam*, eamq; confirmat; ita illustres *personarum* descriptiones, monitrices sunt, ut animis crebro recurset, quorum similes, quorum dissimiles esse velimus. Hæc (inquam) inter legendum sunt observanda, hæc sunt excerpenda; & in locos quosdam communes ordine dispo-

nenda; quorum titulis sicut imaginibus cereis (uti loquitur eruditus quidam Scriptor) torpentes & languentes memorias adjuvare, excitare, irritare possumus. Vnde salutaribus consiliis, infinitis similibus aut dissimilibus, paribus aut imparibus exemplis abundemus; agenda fugiendaque, dicenda ac tacenda percallemus; Varia rerum eventa praesentiamus, causas rerum teneamus, & malis imminuentibus praeteritorum recordatione occurramus. Nimius forem, si *Locorum communium* formulam hanc, & methodum instituere, aut plenam materiarum quae in Historia continentur indicem construere molirer: id jam dudum à multis, factum, à Bodino, Beurrero, Glasero, atque aliis, sed multa cum accuratione à Bartholomaeo Keckermanno, in *Apparatu suo ad Philosophiam practicam*.

S E C T. 3.

Modus excerpendi, & in usum transferendi varius indicatur, ex Annæo Seneca.

Modus

Modus tamē excerpēdi & in usum transferendi ea quæ notatu sunt digniora, aliquibus fortasse in gravi dono erit à me si breviter hic proponatur: neque tamen, à me erit sed ab ipso Seneca; quanto viro? Non est (inquit ille) quod mireris ex eādē materiā suis quemq̃ studiis apta colligere: in eodē prato, bos herbam querit, canis leporem, ciconia laceratum. Cum Ciceronis libros prahendit, hinc Philologus aliquis, hinc Grammaticus, hinc Philosophia deditus, alius alio curam mittit. Philosophus admiratur contra iustitiam dici tam multa potuisse. Cum ad hanc eandem lectionem Philologus accessit, hic subnotat duos Romanos Reges esse, quorum alter patrem non habet alter matrem. Nam de Servii matre dubitatur; Anci pater nullus, Numæ nepos dicitur: mox eque notat Romulum perisse Solis defectione, provocationem ad populum à Regibus fuisse. Eosdem libros cum Grammaticus explicuit, primum reapse dici ab Cicerone, id est, reipsa, in commentarium refert: nec minus seipse, id est, seipse: deinde transit ad ea quæ consuetudo seculi mutavit: tanquam, quod ait Cicero, quoniam sumus ab ipsa calce ejus interpellatione re-

Sen. ep.
108.

Cretam le. vocati: hanc quam nunc in circo metam
git Mure. vocamus, calcem antiqui dicebant. Hæc
tus & ita Seneca, atq; alia plura, quibus nihil lucu-
legendum lentius, nihil disertius, aut ad nostrum
probat. propositum magis appositè dici potuit.

S E C T. 4.

Modus excerpenti exemplis illustratur.

Primo Philologicis ex Vell. Paterculo.

Magnorum virorum ortus & obitus

notandi. Majoris Catonis triplex E-

logium. Ejus obitus. Circa etatem ejus

dissentio. Odium ejus adversus Cartha-

ginem. Urbis Corinthi conditus, Du-

ratio, Ævum fatale urbibus everten-

dis. Cognominum ratio antiqua. Civi-

um Rom. discrimen. Observationes cri-

tice sub philologicis. Scipio non fautor

tantum, sed & auctor (contra Lips.)

omnis doctrine non ineptè dici potuit.

Ejus preconia. Otium duplex. Dispun-

gere quid, & unde dictum; expuncta e-

tiam que dicantur. Exemplum ex Ta-

cito. Primores Civitatis. Optimates,

nobilium optimi, principes qui dicti.

Consules, Exconsules, Expratores &c.

Senatorum

Senatorum distinctio. Patricii, Conscripti, Pedarii unde dicti.

Addam tamen ex meo ipsius penu & propria observatione, unum atq; alterum exemplum, ut quid Auditores meos facere velim, ipse faciendo demonstrem, atq; ita præceptorum meorum praxin aliqualem subjiciam. Primo loco igitur exempla in *Philologicis* exhibebo. Quarum observationum subjectum à *Velleio Paterculo* mutuabor, idq; satis fecundum. *Velleius lib. I. cap. 13* Sic scribit. *Ante triennium quam Carthago deleteretur, M. Cato perpetuus diruendæ ejus auctor, Lucio Censorino, Marco Manlio Coss. mortem obiit. Eodem anno quo Carthago concidit (à Scipione sublata) Lucius Mummius Corinthum, post annos nongentos quinquaginta duos, quam ab Alece, Hippotis filio, erat condita, funditus evertit. Uterq; imperator, devictæ à se gentis nomine honoratus, alter Africanus, alter appellatus est Achaicus, nec quisquam ex novis hominibus prior Mummiocognomen virtute partum vindicavit. Diversi imperatoribus mores, diversa fuere studia. Quippe Scipio tam elegans liberalium studiorum*

studiorum, omnisq; doctrine & auctor & admirator fuit, ut Polybium Panetiumq; præcellentes ingenio viros, domi militiaq; secum habuerit: neq; enim quisquam hoc Scipione elegantius intervalla negotiorum otio dispunxit: semperq; aut belli aut pacis servit artibus: semper inter arma ac studia versatus, aut corpus periculis aut animam disciplinis exercuit. Mummius tam rudis fuit, ut capta Corintho, cum maximorum artificum perfectas manus tabulas ac statuas in Italiam portandas locaret, juberet prædici conducentibus, si eas perdidissent, novas eos reddituros. Non tamen puto dubites, Vinici, quin magis pro Repub. fuerit, manere adhuc rudem Corinthiorum intellectum, quam in tantum ea intelligi; & quin hac prudentia, illa imprudentia decori publico fuerit convenientior. Ita se habet Vellei caput. 13. lib. primi: In quo multa à Philologo observanda occurrunt. Primo tempus, quo, inter mortaleis esse desiit celeberrimus ille Censor. Magnorum enim virorum & ortus & obitus, cognitione nostra non indignos esse arbitramur. Cato autem quantus fuerit, ex triplici illo eulogio quod Plinius ei tributum meminit dignosci potest

rest. Sic enim scribit; *Cato primus Porciae gentis, tres summas in homine res praestitisse existimatur, ut esset optimus Orator, optimus Imperator, optimus Senator. amplissimum ejus praconium habetur apud T. Livium l. 39. c. 40. quem videte. Annus autem ejus mortis designatur, nimirum VC. 604. quo anno Consules fuerunt L. Marcius Censorinus & M. Manlius, tres annos ante excidium Carthaginis, quod ipse adeo vehementer appetivit: & quod incidit in ann. 3. Olymp. 158. si veritatem & Eusebium sequamur. h. e. juxta Scalig. Ann. Mundi 3804. circa aetatem Catonis, non convenit inter Ciceronem & T. Livium, hic enim ad annum nonagesimum cum pervenisse; ille annum octuagesimum quintum non superasse videtur affirmare.*

*Cic. in Cat.
Maj. Liv.
39. c. 40.*

Præterea non est tanquam res nihili prætereundum, quod perpetuus diruendæ Carthaginis auctor dicatur, à Velleio; cui suffragatur Florus noster. *Cato in ex- Lib. 2. c. 15. piabili odio delendam esse Carthaginem, Vile Cic. in etiam cum de alio consuleretur, pronuntiabat: Scipio Nasica servandam. Verum Cat. Major. re. hæc consideratio, est Philosophica potius sive politica, & ad alium locum pertinet, ubi*

ubi causa hujus utriusq; consilii exquirenda: & quis eorum in hac re prudentior. 2^o igitur ætatem ac durationem hujus urbis *Corynthis*, notabit *Philologus*, juxta & tempus quo fuerit condita: duravit (inquit) annos 952. deleta est, eodem anno cum *Carthagine*, h.e. An. V.C. 607. A. M. 3804. ergo condita est, An. M. 2852. trecentos supra annos ante *Olympiades*, quo tempore *Samuel* Propheta, & *Judex Israelitidum* florebat. 3^o Non solum quando, sed quis hujus Urbis conditor fuerit observabit, *Velleius*, *Aletem*, *Hippotis filium* perhibet. *Iosephus Scaliger* inter animadversiones *Eusebianas*, *Velleium* hîc nugari ait. Siquidem *Apollo-dorus*, *Ephyran* primo dictam scribit, & à *Sisypho* conditam. *Sisyphus* verò *Trojana* tempora, circa annos 60. aut 70. (inquit) antecessit, atq; sic longè antiquior erat hujus verbis conditus. Sed à *Coryn-tho Jovis* filio transnominatam refert *Pausanias*. Post aliquot verò generationes, *Aletes* iste, abnepos *Herculis Dorien-sium* exercitum contra *Corynthios* duxit, & regnum obtinuit, quod ab ejus posteritate, per ætates quinque occupatum dicit idem *Pausanias*. 4^o Observa-

Pag. 30.

In Coryn-
thiacis.

bit

bit hic *Philologus*, hoc ævum quasi fatale
fuisse urbibus evertendis. Nam ut nihil
de *Sagunto*, *Syraculis*, *Numantia*, atquæ
aliis dicamus, præter duos illos oræ mari-
timæ oculos (ita appellat *Cicero*) uno e- *De Nat.*
odemquæ anno effossos, *Carthaginem* & *Deor. l. 3.*
Corynthum: *Theba* *Bæotiorum* & *Chalcis*
Eubæorum capita, à *Romanis* oppressa,
everfa, deleta sunt. Vnde *Philosophus*
Vrbium etiam rerumquæ publicarum pe-
riodos esse, multo magis hominum con-
cludit. Sed hæc quoquæ consideratio *Phi-* *Vide Sene-*
losophica est, quemadmodum & ista, quam *cam Epist.*
hic locus porro suggerit: nimirum sep- *92.*
tingentorum annorum periodos, mutatio-
nes regnis & rebus pub. attulisse insignes:
de qua observatione, videndus *Ioh. Bo-*
dinus lib. 4. de *Repub.* & *Pencerus* de *Cap. l. 2.*
Divinatione l. 6.

Quinto loco, quod scribit, hosce duos
Imperatores *Mummius* & *Scipionem*,
devictæ à se gentis nomine honoratos,
hunc *Africanum*, illum *Achaicum*: hinc
inquam observandus est, mos antiquus
cognominandi, ejusquæ rationem, tam a-
pud *Græcos*, quam *Latinos*: à rebus enim
gestis, à forma corporis, à Virtute aliquâ
singulari, aut vitio, à casu notabili, aut
fortunâ,

fortunâ, plerunquè cognomenta sunt indita: ita *Tarquinius* ultimus, à fastu & aliorum contemptu *Superbus* est cognominatus. *C. Martius*, à captis *Coriolis*, *Coriolanus*; *Manlius*, *Torquatus* dictus, quod *Gallum* provocatorem in duello occiderit, & torquem ei detractum cervici suæ induerit. ita, *Soteris*, *Callinici*, *Grypi* cognomenta significant. *Servatorem* fuisse primum, secundum *Egregia victoria potitum*: tertium *adunco naso præditum*. de his videndus *Appian*. *Alexandrinus* in præfat. *Plutarchus* in *Coriolano*, *Alex ab Alexand. l. 1. c. 9*. Et hinc etiam observationes *Politicae* possunt deduci, quas mitto notare.

Sexto, *Philologus* ex eo, quod *Mummius* ex *Novis hominibus*, dicitur primus qui *cognomentum* sua virtute adeptus est, notabit, *Cives Rom.* in triplici fuisse discrimine, *Nobiles*, *Noves*, *Ignobiles*: nam qui majorum suorum habuerunt imagines, hi *Nobiles*: qui suas tantum si *Novi*: qui nec majorum nec suas, illi demum *Ignobiles* sunt appellati. jam reliqua hujus capitis parte, continetur *Scipionis* & *Mummii* comparatio, quâ utriusquè mores, ingenium ac vitæ ratio, innuuntur;

quæ

quæ omnia, unâ cum observationibus inde emergentibus, ad *Philosophica* referri debent; ideoq; hic prætermittenda. non ita tamen *observationes Criticæ*, si quæ occurrant: has enim juxta & *Grammaticas, Rhetoricas*, aliaq; omnes quæ ad *Philosophiam practicam* non spectant, sub *Philologicis* comprehendere volo: ideoq; non possum abstinere quin ostendam, me à *Iusto Lipsio, Criticorum Coryphæo*, prorsus dissentire; qui non vult, ut *Scipio* dicatur hic [*omnis doctrine auctor*] scilicet nimia (inquit) pro *Scipione laus*, scribo igitur [*fautor*] & id principi ac militari viro convenit: immo (inquam *Iuste Lipsi*) mutatione nihil est opus: neq; immerenter dicetur *auctor*, quia primus ipse & pauci præterea, doctrinas in urbem *Romam* induxisse feruntur: quid si *Polybium* suam *Historiam*; *Panætium* suos de officiis libros, *Scipionis* impulsu scripsisse aut edidisse autumemus? Ecquis absurdam dixerit conjecturam? quum eos perpetuos sibi comites habuisse scripserit ipse *Velleius*? Quid quod *Terentii* scripta, ad *Scipionem* (teste *Fabio*) referantur? Et *Donatus*, non obscuram esse famam, *Terentium à Laelio & Scipione* adiutum fuisse

isse dicat? huc accedat id quod apud *Velleium* sequitur, [quoties ab armis & reipub. negotiis vacare licuit, animum disciplinis exercuit] namq; vel hinc etiam, laus illa *Scipionis* magis videtur probabilis, neq; omnino (sicuti putat *Lipsius*) nimia existimanda. Sed neq; *Principi*, aut *militari viro* nimia. videte enim quid de *Annibale Cornelius nepos*, sive sit *Æmylius Probus*. Hic tantus vir (inquit) tantisq; bellis districtus, nonnihil temporis tribuit literis: namq; aliquot ejus libri, sunt *Græco sermone confecti*: in his ad *Rhodos*, de *Cn. Manlii Vulsonis in Asia rebus gestis* &c. Ultimo loco notabit *Philologus* verborum elegantias ac proprietates, allusiones ingeniosas, translationes aptas & illustres. Sicuti hisce verbis. [Neq; enim quisquam hoc *Scipione* elegantius intervalla negotiorum otio dispo[n]xit.] Sive enim ad illud *Catonis in Originum* principio alludat, ubi *Clarorum virorum atq; magnorum*, non minus otii quam negotii rationem extare debere pronunciat: sive magnificam illam *Scipionis* ipsius vocem respiciat, qua se nunquam minus otiosum esse, quam cum otiosus, neq; minus solum quam cum solus esset, affirmavit.

Cic. Offic. l.

3.

vit. Vtrumque hoc elogio, videtur mihi *Velleius* oppido eleganter expressisse. Quod ut liquidius appareat, notabit *Philologus*, otium negotio & labori oppositū; idque esse duplex. Nam aliud est iners & sine opere, aliud vero actuosum. Quod quidem postremum tantum, Scipioni competere locus indicat, qui in otio nequicquam cessaret, aut à publicis occupationibus liber, inertia se dederet; sed vel de negotiis cogitaret, vel studiis literarum & sapientum colloquiis intenderet. Hoc enim erat [intervalla negotiorum, otio dis-
spungere] quod etiam vocabulum à num-
mulariis, iisq; qui à rationibus inserviunt,
mutuatum agnosceret *Philologus*. Et signi-
ficat, accepta & data conferre: ita *Ulpia-* L. 56. D. de
nus. Vel (ut loqui solet vulgus) compu- verb. sig.
tum examinare. Percontandas (inquit L. 6. D. de
idem *Ulpianus*) atq; examinandas ratio-
nes, & dispungendas atq; discutiendas.
Quare sic (ut mihi videtur) intelligen-
dus *Velleius*: ac si dixisset. Nemo publica
negotia, studiis subsecivis (velut acceptiet
dati rationibus ex omni parte subductis)
pulchrius compensavit. Nam sciendum
est, quod quæ in rationibus probabantur
ultrò citroque; quæ in suffragiis, quæ in
R recentio-

Iun. ad Tert recensitionibus militum, officiorumve, ea
adv. Iud. e. solebant notari punctis, ut ad discutienda
 9. cetera veniretur; & dispuncta vocabantur: ut contra, expuncta quæ ex rationibus velut improba, vel præterita eximebant. Ita quoq; milites exauctorati, expuncti dicebantur. Breviter Auctoris mens, planè talis esse mihi videtur, ac si dixisset, *Nemo luculentius occupationes suas juxta & vacationes, perinde utiles atq; salutaris unquam prestitit.* Atq; hæc dicta sunt ad *Velleii c. 13. lib. 1.*

Promisi alterum exemplum in *Philologicis*, nec mutabo: Sed tanto brevior, quanto in superiori fuerim prolixior, esse statui. *Cornelius Tacitus Annali 3. c. 65.* suggeret nobis argumentum, ubi sic temporum sub *Tiberio* corruptionem describens narrat.

Ceterum tempora illa adeo infecta, & adulatione sordida fuere, ut non modo Primores civitatis (quibus claritudo sua, obsequiis protegenda erat) sed omnes Consulares, magna pars eorum qui Prætura functi, multiq; etiam Pædarii) Senatores, certatim exurgerent, fœdæq; & nimia censerent] hæc Tacitus. unde Grammaticorum & Philologorum filii observent, Primores civitatis

civitatis hîc vocatos, quos *Optimates*, *Capitolinus*: *Aurel. Victor*, *Nobilium Optimos*. Et ipse *Tacitus* non raro *Proceres* nuncupat. Aliquibus etiam *principes civitatis*, *πρωτοπολίται* sunt dicti. Deinde, *Consulares* esse, quos ex-*Consulibus* viros, sive viros ex-*consules* dicimus; qui *Consulatu* jam functi essent. Eisdemq; juxta & ex-*Prætores*, sive viros *Prætorios*, (hoc est, quicumq; *Præturam* explevissent) cæterosq; omnes qui *Magistratus Curules* gessissent, veniendi in *Senatum*, ac sententiam dicendi jus habuisse. Ultimo *Senatorum* distinctionem ex hoc loco observabit *Philologus*: nempe eorum alios *Patricios* fuisse: *Conscriptos* sive *Adlectos* alios; alios denique *Pedarios* dictos. Illos à *centum patribus*, quos *urbis Parens & conditor Romulus* elegit oriundos: istos *Regum, Consulum, Censorumve* decreto lectos: hos, quod ubi reliqui sella *Curuli*, in *Senatum* veherentur, hi pedibus itarent & *A. Gel. l. 3. cap. 18.* sic in *Curiam* venirent (ut nonnulli censent) vel quod pedibus irent in sententiâ aliorum, sententia nimirum, haud verbis, sed transitione professa, vel discessione, (ut alii) sic olim dictos. Et huic opinioni favere videtur *Cicero ad Att. Cum est L. 1. ep. ult.*

actum, neq̃ animadversum est ad quos pertineret, & raptim in eam sententiam Pedarii concurrerunt. Confirmat etiam hic ipse Taciti locus. Pedarii Senatores certatim exurgeret. Est apud Vopiscū locus præclarus, ex quo triplicem modum probandi sententiam in Senatu elicimus. Deinde aliis, manibus porrigentibus, aliis pedibus in sententiam euntibus, plerisq̃ verbis consentientibus cōditum est Senatus Consultum. Atq; hæc de Philologicis observationibus sufficiant.

SECT. 5.

In Philosophicis quæ ratio tenenda. Exemplo Herodoti, Polybii & aliorum Historicorum. Duplex usus exemplorum. I. Lipsius, Io. à Chokier, & R. Dalligtonus nostras, Historiarum & exemplorum usum luculenter indicarunt. Specimen unum atq̃ alterum à nobis subjicitur. Ex L. Floro, Iustino, Herodoto. Romuli & Remi Historiam veram supponit Augustinus. Quis inde usus. Camilli & Fabricii fides, atq̃ inde axiomata. Xerxis ingens apparatus bellicus, ejusq̃ expeditionis

gulus, qui paulò ante, nullum misericordix locum dabat, neq; ullam afflictis *Carthaginensibus* veniam concedebat, mox ductus ipse est, iisdem pro salute sua supplicaturus. Eodem in loco ostendit verificatum *Euripidis* dictum; ὥς ἐν σοφῶν βίᾳ δὴ τὰς πολλὰς χεῖρας νικά. *Unicum rectum Consilium, magnam militum manum vincere*: Idq; pronunciat insigniter probatum, exemplo *Xantippi Lacedemonii*, qui unus unica sententia *Legiones Rom.* (antea invictas atq; insuperabiles habitas) vicit ac superavit: *Urbemq;* profligatam, & collapsos tot virorum animos instauravit atq; erexit.

Hoc igitur ut exactiùs perficere cognoscat *Lector* noster, cujusbet facti, atq; etiam consilii causas inquiret, circumstantias appellet, successum ponderet; ac singulatim in quo quid benè aut prudenter, quid malè aut imprudenter gestum sit, spectet: inde autem præceptum, monitum, sive regulam universalem ipse eliciat, eamq; sententiis pluribus comprobet, exemplisq; illustret. Est enim duplex usus exemplorum: unus ut ea imitemur, quæ à bonis viris gesta sunt: fugiamus autem ea quæ à malis perpetrantur. Alter
ut

ut ex rebus quæ sigillatim narrantur ; generatim ac in universum, *δεπκῶς*, aliquam utilem sententiam (*θεῖον ἢ ἀποεισµὸν*) extrahamus & deducamus. Hanc rationem transferendi Historias in usum nostrum, exemplis copiosis luculenter indicavit *Iustus Lipsius*, libello quodam suo, *Monita politica & Exempla* complectente. Item *Johannes à Chokier*, *Lipsii* discipulus, Magistrum imitatus, *Thesaurum* edidit *Aphorismorum Politicorum*, satis locupletem. Quin & ante annos viginti & amplius, prænobilis *R. Dallingtonus* nostras, vir ab eruditione, prudentia, & pietate celebrati nominis ; in *Civilibus* illis *Militaribusq;* *Aphorismis* suis quos lingua vernacula publicavit, egregia cum laude in hoc genere versatus est. Liceat tamen etiam nobis, hic quoque specimen aliquod exhibere, quod pro exemplari sibi novitius *Lector* noster proponat, & si visum fuerit imitetur.

Quum apud Auctorem nostrum *L. Ann. Florum*, juxta & *T. Livium*, aliosque *T. Liv. l. i.* legimus, urbis Imperiiq; conditorem *c. 4.* *Romulum*, incerto patre natum, *Amulii Flor. l. i. c.* imperio in profluentem abjectum cum *1.* *Remo* fratre, non potuisse extinguere. *Siqui-*

dem (inquit Florus) & Tiberinus amnem repressit, & relictis catulis, lupa vagitum secuta, ubera admovit infantibus, matremque se gessit, atq; sic repertos apud arborem Regis pastor tulit in casam, atq; educavit.

Hinc nos divinæ providentiæ vim planè admirandam observare debemus: numini que divini summam benignitatem, quæ eos quorum manus ad summa quædam suo tempore exequenda, uti constituit, miris modis conservare novit. Hinc etiam hoc exurgit axioma.

Magnorum Imperiorum fundamenta atq; incunabula, nonnunquam ex parvis & quidem pudendis initiis, sed extraordinariis & miraculosis modis, jaciuntur ac conservantur.

Vel sic: *Magnorum Imperiorum initia, quanquam sæpè fuerint exigua, atq; hominum judicio ipsa ex sese contemptibilia, semper tamen aliquam extraordinariam & peculiarem Dei providentiam ostendunt, & certissima utriusq; testimonia continent.*

Iust. in. l. 1.

Herod. l. 1.

Notissima est Historia Cyri, principis Monarchæ Medo-persici, qui jussu Astyagis avi sui, à feris devorandus expositus, miraculosa canis fœminæ tutela & lactatione

tione salvus evasit. Æquè mirabilis & pla-
 nè stupenda *Gallecia* Regis cujusdam, no-
 mine *Habidis* Historia legitur apud *Iusti-*
num, quem videat quisquis ejus scire ca-
 sus, & pericula desiderat: alia etiam exem-
 pla horum similia, legat apud *Ælianū*, in-
 ter varias Historias. Ego festino. Nec re-
 gerat quis *Mythistorias* esse, cum quod de
Romulo & Remo, Divus *Augustinus* ve-
 rum supponit, de cæteris concipi non im-
 probabiliter queat. *Quid mirum* (inquit
Augustinus) si ad arguendum hominem
 regem, qui eos in aquam projici crudeliter
 jusserat, eis infantibus per quos tanta civi-
 tas condenda fuerat, de aqua divinitus li-
 beratis per lactentem feram Deus voluit
 subvenire.

Iust. l. 44.

Lib. 12. c. 1.

42.

* Et Alex.

ab Alex. l.

2. c. 31.

Aug. de civ

Dei lib. 18.

c. 21.

Liceat mihi aliud, ex Auctore nostro,
L. Annao Floro paradigma deducere in
 Philosophicis. Is *Romanorum* victoriam
 adversus *Faliscos*, paucissimis quidem
 verbis, at sensibus plenis eleganter sic
 narrat. *Falisci* quum obsiderentur à *Ca-*
millo, mira visa est fides Imperatoris, nec
 immerito: quod *Ludi* magistrum urbis pro-
 ditorem, cum iis quos adduxerat pueris,
 vinctum sibi ultro remisisset. *Quid sit?* Se
sponte Falisci dediderunt. Huic *Gemi-*
num

Flor. l. 1. c.

12.

num fidei exemplum habemus in *Fabricio*
Front. Stra. adversus Pyrrhum Epirotam. Frontini
l. 1. c. 4. verbis repetam. *Ad Fabricium Ducem*
Romanorum, Medicus Pyrrhi Epirotarum
Regis pervenit, pollicitusq; est, daturum se
Pyrrho venenū, si merces sibi, in qua opera
pretium foret, constitueretur. Quo facino-
re Fabricius egere victoriam suam non ar-
bitratus, Regi medicum detexit: atq; eā fi-
de meruit, ut ad appetendam amicitiam
Romanorum compelleret Pyrrhum.

Nos hinc quid astruemus? Regulam
 scilicet universalem quantivis pretii, ab
 Auctore nostro Floro disertis verbis ex-
 pressam, capite prædicto sic. *Ea tandem*
vera est habenda victoria, quæ salvâ fide,
& integrâ dignitate, parari potest. Valer.
V. Max. l. 5 *Maximus ad parem sensum, æquè elegan-*
ter. Tum demum victoria apud Deos &
apud homines minimum invidia habitura
est, cum plurimum humanitatis habueris.
 Accipe eandem regulam aliis verbis ex-
 pressam. *Verâ si quis grassari via ad com-*
pendiosam victoriâ cupiat, noverit erga
ipsos hostes prompta uti clementia. Namq;
superioribus exemplis, aliisque id genus
infinite docemur, viros prudentes, & sa-
pientiæ plenos, moderatione plura quam

vi componere. Imores consilio peragi & moderatione, de quibus vis desperaverat: juxta illud Claudiani, poctæ,

— *peragit tranquilla potestas*

Quod violenta nequit. —

Iterum, cum apud *Justinum Trogii* Abbreuiatorem, *Xerxis* apparatus bellicum quinquennalem aduersus *Graciam* contemplamur: cum numerosissimum ejus exercitum putamus, 700. millia de regno, 300 M. de auxiliis armata, ut non immerito proditum sit, *flumina ab exercitu siccata*, *Graciamq; omnem vix eum capere potuisse: naves quoq; decies centum millia habuisse*: denique cum triduo, a quatuor millibus contra hanc ingentem multitudinem, non sine dolore & indignatione *Persarum*, ad angustias *Thermopylarum*, dimicatum animadvertimus, & tandem à trecentis *Spartanis* stragem infinitam factam consideramus: postremo, cum turpissimam, ac foedissimam *Xerxis* in scapha piscatoria fugam, attentiori cogitatione perpendimus, præter usum illum quem statim post narrationem subjungit ipse *Iustinus*: viz: *Rem fuisse spectaculo dignā*, Lib. 2 §. 13, & æstimatione sortis humana, rerum varietate miranda, in exiguo latentem videre navigio

navigio, quem paulò ante vix equor omne capiebat. Eumq; carente omni servorum ministerio, cuius exercitus propter multitudinem, terris graves erant.

Sen. de Ben
1.9.c.31.

Præter hunc (inquam) usum; occurrit memoriæ Demarati Lacedæmonii oraculum, quod testante Seneca apud ipsum Xerxem effatus est. Neinpe; multitudinē indigestam & gravem metuendam esse ducanti, non enim vires habere sed pondus. Sed & veriverbii, à Luciano prolati, non possumus hîc non meminisse: In se magnarum, letis hunc numina rebus crescendi posuere modum. Subit etiam mentem, prudens illud Artabani monitum. Vides ut prægrandia animalia fulmine Deus ferit, nec sinit inolescere. οὐλαὶ ὦ θεὸς ταῖς ἐπὶ χόρταις πάντα κόλλειν. Gaudet, Deus eminentissima quæq; deprimere. Quæ omnia nobis perspicuè probant, Regis Darii legatum, valdè appositè nec minus experienter apud Alexandrum M. Philosophum egisse hisce verbis, Periculosum est, prægrave imperium: difficile est continere, quod capere non possis. Vides ne navigia quæ modum excedunt, regi nequeunt: nescio an Darius idcò tam multa amisit

Herod. in
Polym.

Q. Curt. 1.
4.

οὐλαὶ ὦ θεὸς ταῖς ἐπὶ χόρταις πάντα κόλλειν. Gaudet, Deus eminentissima quæq; deprimere. Quæ omnia nobis perspicuè probant, Regis Darii legatum, valdè appositè nec minus experienter apud Alexandrum M. Philosophum egisse hisce verbis, Periculosum est, prægrave imperium: difficile est continere, quod capere non possis. Vides ne navigia quæ modum excedunt, regi nequeunt: nescio an Darius idcò tam multa amisit

ferit, quia nimia opes magna iactura locum faciunt.

Deniq; apud Suetonium cum lego, *Caligulam* non minore livore, ac malignitate, quam *superbia* & *vitia*; adversus omnis ævi pœnè homines grassatum fuisse; statuas virorum illustrium ita subvertisse, atq; disjecisse, ut restitui salvis titulis non valuerint: vetuisseq; posthac viventium cuiquam, usquam statuam aut imaginem, nisi consulto se & auctore poni: cum de *Nerone* scriptum invenio, quod populariter fuerit elatus maxime, omnium æ- Suet. Calig. c. 3. 4.
mulus, qui quoquo modo animum vulgi moverent. De *Valentiniano*, quod benè Am. Marc. l. 30. c. 29.
vestitos odio haberet, & eruditos & opulentos, & nobiles, quodq; fortibus detrachere solet, ut solus videretur bonis artibus eminere: hinc concludere promptum videtur.

Nonnulla reperiri ingenia, idq; non rarò quæ adeò philautia (dicam?) an livore et malignitate laborant, ut soli omnia esse velint, neq; ferant alios excellere in re ulla. Hinc quoq; *Marcellinus* ipse verè philosophatur, *livorem virtutum, recta potestatis invidiam esse sociam: quoq; dignitatum apices majores, eò (licere sibi cuncta existimantes*

mantes) & ad suggillandum contrarios, exturbandosq; meliores, pronius sunt inclinati.

Frequens in hisce usibus est Polybius, (uti antea monuimus) & lectorem suum plerunq; labore aliquo levat, neq; enim docet solum, quam uberes fructus ad rationes vitæ, gesta majorum sint allatura, sed etiam quo pacto percipere quis queat semper ferè demonstrat.

SECT. 6.

Christiani Ethnicorum exemplis utiliter instrui possunt: & non in virtute morali tantum, sed in actibus etiam pietatis ac vitæ Christianæ promoveri. Id docetur ex D. Augustino. D. Hieronymo & aliis. Talia imitationum praecepta ab Ethnicis quoq; nonnullis adimpleta. Quos deniq; eleganter expressit D. Ambrosius.

Sed nec in vita tantum civili, Historias profanas usui esse posse putandum est, verum in vita Christiana vel maxime: id nos abundè docent Sancti Patres Ecclesiae, & pluribus instantiis probant. Vide
dete

de te mihi *D. Augustinum*, lib. 5. de Civ. Dei. Vbi postquam ostendisset, *Brutos & Scavolas, & Curtios, & Decios*, aliosque quos *ἡρώεις Heroes* eleganter appellat doctissimus *Casaubonus* ex *Dionys. Halic.* tot egregia facinora, virtutumq; monstra (uti loquitur *Florus* noster) Ideò tantum, ut patria libertatem, urbi imperium, sibi met ipsis gloriam compararent, edidisse, suumq; finem obtinuisse, & mercedem desideratam percepisse. Tandem concludit. Proinde, non solum ut talis merces talibus hominibus redderetur, Romanum Imperium ad humanam gloriam dilatatum est, verum etiam ut cives, eterna illius civitatis, quamdiu hic peregrinantur, diligenter & sobrie illa intueantur exempla, & videant quanta dilectio debeat superne patrie, propter vitam eternam, si tantum à suis civibus terrena dilecta est propter hominum gloriam. Similiter cap. 18. Et alibi, argumenta ducit à profanis exemplis ad Christianam constantiam. Sicuti lib. 1. c. 24. de *M. Attilio Regulo* loquens. Si fortissimi & praeclarissimi viri, terrena patrie defensores, Deorumq; licet falsorum, non tamen fallaces cultores, sed veracissimi etiam juratores, qui hostes victos, more ac jure

iure belliferire potuerunt, hi ab hostibus victi seipso ferire noluerunt: & cum mortem minime formidarent, victores tamen dominos ferre, quam eam sibi inferre maluerunt: quanto magis Christiani verum Deum colentes, & superna patriæ suspirantes, ab hoc facinore temperabunt, si eos divina dispositio, vel probandos, vel emendandos; ad tempus hostibus subjugaverit? Ad eundem modum D. Hieronymus, in consolatione ad *Julianum*, perquam eleganter hortatur. Contemnis aurum? (inquit) contempserunt & multi Philosophi. Unus multarum possessionum pretium, projecit in pelagus, abite (inquiens) in profundum male cupiditates, ego vos mergam, ne ipse mergar à vobis. Philosophus gloriæ animal, & popularis auræ vile mancipium, totam simul sarcinam deposuit; & tu te putas in virtutis culmine constitutum, si partem ex toto offeras? Te ipsum vult Domini hostiam vivam, placentem Deo, te inquam, non tua. Iterum ad *Heliodorum*. Prætermitto *Maximos*, *Catones*, *Gallos*, *Pisones*, *Brutos*, *Scævolas*, &c. quorum non minor in luctu, quam in bellis virtus fuit, &c. Ne videar potius aliena quam nostra quæsisse: quanquam & hac in sigillationem

Lib. 2. ep.
21.

Ibid. ep. 22.

*tionem nostri breviter dicta sint, si non præ-
stet fides quod exhibuit infidelitas. Sed ur-
rem in compendium conferam, hanc
normam quomodo nos Christiani seque-
mur, in observandis, applicandisq; in u-
sum nostrum exemplis, optime nos do-
cet, carmine non ineleganti, magnus ille
David Chytraus, de re Historica optimè
meritus, in præfatione sua, ad Cornel.
Nepotem, sive Æmilium Probum.*

*Christiades simul Historias ac perlegit,
ardens*

*Ruminat hæc animo secum, si Phocio num-
mos*

*Respuit oblatos dono: si Scipio sponsam
Noluit alterius contingere; maluit exul
Attilius si sponte mori, quam fæda pro-
bando*

*Et laudi patriæ, & Latia nocuisse juventa
Consilio exemploq; suo: mihi quid facien-
dum.*

*A Christo nomen qui habeo? num sordidus
anri*

*Servus ero? Faciamve jubet quacunq; li-
bido?*

*Num vitam pluris faciam quam nomen A-
lethes*

*Inviatum? Nū postponā mandata Iehovæ
S Infans*

*Insanis hominum placitis, jussisq; cruentis?
Sic sanè Historie laudanda exempla ve-
rultæ*

*Cum fructu quam quis credat majore le-
guntur.*

*Plutar. in
Cat. Maj.*

Hæc eadem imitationum præcepta, inter *Ethnicos* etiam reperiuntur, qui opere & factis adimplerūt, nec dedignati sunt majorum mores & affectus intuendo ac per- tendendo vel suos reformare, vel alie- nos instruere ac moderari. *Cato* ille (de quo supra nonnihil jam dictum est) *Cen- sorius* appellatus, ad tugurium *M. Curii* (quod a prædijs suis haud procul aberat) frequenter accedere, lociq; ipsius angu- stiam & habitationis vilitatem contem- platus, de viro isto cogitare solebat, quod *Romanorum maximus*, sub acclis gentibus bellicosissimis, ejectoq; Italiâ *Pyrrho*, ipse post tres triumphos, eum agrum propriis manibus fodisset, idq; ipsum tugurium in- habitasset: ibiq; eidem *Curio* ad focum se- denti, & ligneo Catillo rapa cenanti, *Sam- nitum* legati cum advenissent, aurumq; multum obtulissent; brevi admodum cum responso eos dimisisset, nimirum; auro nihil opus esse ei, qui hac cana esset contentus: seq; aurum habentes vincere, quam possi- dere

dere aurum malle. His ita secum consideratis, Cato abibat, ac proinde in suam domum, pradia, famulos, & victus rationem inspiciens, laborem sibi intendebat, luxumq; omnem porro amputabat. Egregium etiam in hoc genere præbet nobis exemplum Servius Sulpitius, qui ut M. Cicero-
nem filia suæ mortem graviter dolentem consolaretur, meditationem quandam (vel Christiano dignā) quam secum ipse quondam habuerat, super exitio florentissimarum urbium (quæ perpetuo mansuræ videbantur) repetit: atq; ita unum (inter alia plura) consolandi argumentum, valde appositum & efficax à propria deducit experientia, in hunc modum. *Quæ res* Cic. ep. fam. l. 4. ep. 5.
mibi non mediocrem consolationem attulit, volo tibi commemorare, si fortè eadem res tibi minuire dolorem possit. Ex Asia rediens, cum ab Ægina Megaram versus navigarem, capi regiones circum circa prospicere. Post me erat Ægina, ante Megara, dextra Periaus, sinistra Corinthus; quæ oppida quodam tempore, florentissima fuerunt; nunc prostrata & diruta ante oculos jacent: capi ego sic mecum cogitare; hem! nos homunculi indignamur,
S 2 f

Seneca. ep
92.

si quis nostrum interiit, aut occisus est; quorum vita brevior esse debet; cum uno loco tot oppidum cadavera, projecta jaceant. Vis ne tu te Servi cohibere, & meminisse hominem te esse natum? Crede mihi cogitatione ea, non mediocriter sum confirmatus, hoc idem si tibi videtur, fac ante oculos tibi proponas, &c. In eandem plane sententiam, eleganter philosophatur, Philosophus ille Romanus, & iisdem ferè cum Sulpicio utitur argumentis, ut Liberali suo ob incendium quo Lugdunensis Colonia exusta erat admodum tristi, leniret dolorem. Tota (inquit) ante oculos Sortis humana conditio ponatur: nec quantum frequenter evenit, sed quantum plurimum potest evenire, præsumamus animo si nolimus opprimi, nec ullis inusitatis velut novis obstupesceri: in plenum cogitanda fortuna est. quoties Asia, quoties Achaia urbes uno tremore ceciderunt? Quot oppida in Syria, quot in Macedonia devorata sunt? Cyprum quoties vastavit hæc clades? Quoties in se Paphus corruit? &c. Et postea; non tantum manufacta labuntur, non tantum humana arte atq; industria posita vertit dies. Iuga montium diffluunt,
tota

zota desidère regiones. Operta sunt fluctibus quæ procùl à conspectu maris stabant: Vastavit ignis colles, per quos elucebat, erosit & quondam altissimos vertices, solatia navigantium, ac speculas ad humilem arexam deduxit. Ipsius naturæ opera vexantur: & ideò æquo animo ferre debemus urbium excidia, Casura omnia extant. &c. Hinc deniq; sic infert. Itaq; formetur animus ad intellectum, patientiamq; sortis suæ, & sciat nihil inausum esse Fortune. Adversus Imperia illam idem habere juris, quod adversus imperantes: adversus Urbes idem posse quod adversus homines: nihil horum indignandum est: in eum intravimus mundum in quo his legibus vivitur. &c. Nimius hic fortasse videbor, non possum tamen abstinere manum, quin Divi Ambrosii quoq; huc exemplum adjiciam; is enim in epistolâ quâdam, quâ Faustinum, propter obitum germanæ suæ acerbo dolore mærentem consolatur, *Servium Sulpitium Senecamq;* disertim & eleganter imitando expressit, eandemq; *Ambros. l. folaminis rationem usurpavit. Sed doles 2.ep. 8.* inquit quod dudum florentissima repente occiderit. Verum hoc nobis commune, non

solum cum hominibus, sed etiam cum civitatibus, terrisq; ipsis: nempe de Bononiensi veniens urbe, à tergo Claternam, ipsam Bononiam, Mutinam, Rhegium derelinquebas: in dextra erat Brixillum, à fronte occurrebat Placentia, veterem nobilitatem, ipso adhuc nomine sonans, ad levam Apennini inculta miseratus, & florentissimorum quondam populorum castella considerabas; atq; affectu relegabas dolenti: tot igitur semirutarum urbium cadavera, terrarumq; sub eodem conspectu exposita funera, non te admonent unius (sanctæ licet & admirabilis) feminae decessionem consolabiliorem habendam? Presertim cum illa in perpetuum prostrata ac diruta sunt: hec autem ad tempus quidem erepta, nobis meliorem illic, vitam exigat. &c. Hæc ipsa, atq; hisce simillima exempla, copiosè nobis suppeditant auctores, quæ si noster Historiarum studiosus diligenter observaverit, nec non ad hunc modum, imitando, applicandoq; representare conatus fuerit, largos indubie & diuturnos laboris sui fructus secum reportabit.

SECT. 7.

*Fructus uberiores atq; etiam prastantiores
ab Ecclesiæ Historia. Ethnorum bona
opera, splendida peccata. Ethnica Histo-
ria secundam tantum Decalogi tabulam
illustrat: Ecclesiastica totam Legem. In
illâ virtutum simulachra: in hac vere
virtutes leguntur. In illâ jucunda qui-
dem cognita & utilia; in hac etiam ne-
cessaria memorantur: inde hortatione
ad sedulam Ecclesiasticæ Historiæ le-
ctionem, dissertatio concluditur.*

ATq; hætenus de modo colligendi
fructus ab *Historiarum* lectione,
quos si adeo uberes, adeoq; suaves, nobis
exhibeat *Civilis & Ethnorum Historia*;
quantos, qualesq; , nobis ab *Historiâ sa-
crâ & Ecclesiasticâ* haurire concessum
putemus? quæ & argumento, & certitudi-
ne, & perfectione *Civilem* atq; *Ethnicam*
longissimè prævertit? Non possumus dif-
fiteri, quin exēpla satis crebra, & satis cla-
ra, justitiæ, prudentiæ, fortitudinis, tēpe-
rantia, omnisq; adeo virtutis, nobis pro-
ponant *Historiæ Ethnorum*: ea tamen si

Aug. de C.
D. l. 19. c.
25.

penitius examinentur, si juxta veritatis
trutinam perpendantur, manca, imper-
fecta, polluta reperientur, neq; recte ad
Dei vel iram vel misericordiam relata:
quod quidem in causa erat, cur *Divus*
Augustinus, præclara illa *Gentilium* ope-
ra, splendida vocaverit peccata: eorumq;
virtutes, quum ad Deum non referantur,
etiam vitia, potius quam virtutes esse af-
firmaverit. Huc accedit, quod secundam
tantum *decalogi* tabulam spectent; regu-
laq; morum, solummodo in civili con-
versatione confirmant. *Ecclesie* verò *Hi-*
storia, ea quæ totius legis sunt propria,
certioribus multò, & luculentioribus il-
lustrat exemplis: religionisq; partes om-
nes, quarum cognitio summoperè neces-
saria est, haud obscurè demonstrat, aut le-
viter probat; quid de Deo rectè usquam
narrat aut novit *Ethnicorum Historia*?
quid certi, quid explicati, de mundi ori-
gine temporibusvè illis antiquissimis
continet? primorum hominum *Histori-*
am neutiquam attingit: patefactiones de
Deo, aut promissiones de *Messia*, nullas
omnino habet: gubernationem *Ecclesie*,
ejusq; conservationem planè nescit. Hæc

&

& huiusmodi alia quam plurima, ab *Historiâ sacrâ & Ecclesiasticâ*, solummodo sunt petenda. Quid tu Marce Tulli Historiam vetustatis nunciam venditas, nec maximè vetustam, & aliquando fucatam? Testem temporum, prædicas, minus locupletem, nonnunquam intestabilem? Sacra Historia sola est, quæ remotissimæ antiquitatis arcana pandit, nec unquam mentitur: *Sacra Historia* sola, quæ ab ipso rerum omnium primordio, fidèle temporum exhibet testimonium, nec usquam vacillat. Hæc sola veritatis æternæ lux splendidissima. Hæc deniq; vitæ magistra sola est optima, & undequaq; perfecta. Etenim dic mihi quisquis Historiarum lector es, vel auditor, synceræ ac solidæ virtutis, indubitata quæris documenta? Frustrà eris si aliam quam *Sacram* aut *Ecclesiæ* perquiras *Historiam*: veræ pietatis germana desideras exempla? *Sacras & Ecclesiæ* scruteris *Historias*, ibi affatim invenies, non alibi. Ibi agnitionis Dei, invocationis, fidei, pœnitentiæ, constantiæ, patientiæ, pulchra servantur monumenta. Ibi nec alibi, fortitudinis perfectæ, puræ obedientiæ, castitatis illibata,

tā, promptæ beneficentiæ, specimina mi-
 randa passim occurrunt. *In aliis historiis*
si quod facinus narretur memorabile, (Eu-
 Christopho-
 ris. in pro-
 em.
 sebiani Interpretis verba sunt) *illud aut*
gloriæ causa, quæ umbratilis est, suscep-
tum, aut ulciscenda injuria quæ condona-
ri debuisset, aut patriæ (quæ aliquando
plus habet momenti) defendenda, in hac,
non res gestæ dicuntur popularis famæ ve-
nanda gratia, sed vera gloriæ concilianda,
non vindictæ studio, sed Christi amore: non
patriæ hujus caducæ defensione, sed celestis
Hierusalem adeptione: breviter, quæ &
quanta Ecclesiæ complectatur Historia, le-
gentibusquæ seriò contemplanda propo-
 nat, verba Reverendissimi longeque do-
 ctissimi præsulis supra citata, abundè do-
 cent. Recolite (si placeat Auditores) vi-
 debitis non utilia tantum, aut jucunda,
 aut scitu memoratuquæ digna ibi contine-
 ri, sed gravissima etiam, imò necessaria,
 & quæ homini *Christiano*, præsertim eru-
 dito ignorare minimè permissum est.
 Quare, ut concludamus, *Lectorem* no-
 strum *Philo-Historicum*, hanc quoq; ut
 pervolutes *Historiam* impensius suade-
 mus, eoq; magis, si *Theologiæ* studiis sit
 ad-

Supra par-
 te 2. sect.

42. & 43.

LECTIONIS VSUS. 285

addictus, sacrisq; initiari & divinis inservire ministeriis cogitaverit; tunc enim potissimum, ejus maximè intererit, *Historiam Ecclesiastiam*

Nocturnâ versare manu, versare diurnâ.

FINIS.

C 25328
61666

SL

REPRODUCED FROM THE COPY IN THE

HENRY E. HUNTINGTON LIBRARY

FOR REFERENCE ONLY. NOT FOR REPRODUCTION